



資治通鑑綱目卷之二十

起戊戌晉成帝咸康四年凡二十二年

戊戌

四年趙建武四年○成改號漢中宗李壽漢興元年代

高祖什翼犍建國元年○舊大國一漢涼小國二新

悉取其地

趙王虎擊段遼使挑豹等將舟師十萬出漂淪津支雄

等帥步騎七萬為前鋒燕王皝引兵攻掠令支以北段

遼將追之慕容翰曰今趙兵在兩當汗力禦之而更共

燕鬪萬一失利何以禦南敵乎段蘭怒曰吾前為卿所

誤以成今日之患今不復墮卿計中矣乃悉眾追之皝
設伏邀擊大破之掠五千戶而歸虎進屯金臺支雄長
驅入薊遼所署漁陽上谷代郡守相皆降取四十餘城
北平相陽裕帥數千家登燕山以自固諸將恐其為後
患欲攻之虎曰裕儒生矜惜名節耻於迎降耳無能為
也遂過之至徐無遼不敢復戰棄令支奔密雲山慕容

翰奔宇文氏虎入令支宮徙二萬餘戶於司雍充豫
四州士大夫之有才行者皆擢叙之陽裕請軍門降

覽 今支縣名屬遼西郡顏師古曰今去聲 **質實** 漂渝津未詳處

所一統志云令支漢之縣名屬遼西郡北齊屬北平郡
又析置新昌縣隋開皇中省肥如入新昌後為盧龍郡

治唐武德初移平州治此改為盧龍縣遼金元俱仍舊
本朝因之改屬永平府金臺即黃金臺在順天府東南

一十六里又一日小金臺在府東南一十五里按燕昭
王於易水東南築黃金臺延天下士後人慕其好賢之

名亦築臺於此為京師八景之一名曰金臺夕照薊縣
名注見漢帝玄更始二年燕山在順天府王田縣西北

二十五里自西山一帶迤袤東西延袤數百里抵海岸
密雲山在順天府密雲縣南一十五里亦名橫山昔燕

趙伏兵於此大獲遼衆

夏四月成李壽弒其主期而自立改國號漢

成主期驕虐日甚多所誅殺大臣多不自安尤忌漢王
壽威名使出也浩壽懼不免每當入朝常詐為邊書辭

以警急初巴西處士龔壯父叔皆為李特所殺壯欲報
仇積年不除喪壽數以禮辟之壯不應而往見壽壽問

自安之策壯曰蜀民本皆晉臣節下若能發兵西取成
都稱藩於晉則福流子孫名垂不朽豈徒脫今日之禍

而已壽然之遂襲成都壽世子勢為翊軍校尉開門納
之遂克成都屯兵宮門奏殺大臣數人縱兵大掠數日

乃定矯太后任氏令廢期為縣公幽之期縊而卒羅恒
解思明等勸壽如壯策壽用任調等言遂自稱帝改國

號曰漢尊父驤帝號更以舊廟為大成廟後竟盡殺成
王雄諸子以安車束帛徵龔壯為大師壯誓不仕贈遺

一無節下猶言閣下足下也大將軍持節以專殺
所受集覽欲與言者不致指斥須呼其在節下侍者執

事者先與之言 **質實** 浩縣名注見漢武帝建安十六年

因卑達尊之意 **質實** 巴西郡名注同上建安十九年

五月趙王虎擊燕不克燕慕容恪追擊大敗之

趙王虎以燕不會攻段遼而自專其利伐之又遣四出
招誘民夷得三十六城遂進逼棘城欲出亡帳下將

慕容根諫曰趙疆我弱大王一舉足則趙之氣勢遂成
不可復敵矣今固守堅城其勢百倍事之不濟不失於

晉書卷一百一十五 慕容恪傳

走柰何望風委去為必亡之理乎斃乃止然猶懼形於色玄菟太守劉佩日事之安危擊於一人大王當自疆以厲將士不宜示弱事急矣臣請出擊之縱無大捷足以安眾乃將敢死數百騎出衝趙兵所向披靡斬獲而還於是士氣自倍斃意乃安根等晝夜力戰凡十餘日趙兵不能克而退斃遣其子恪帥二千騎追擊之趙兵大敗斬獲三萬餘級諸軍皆潰惟游擊將軍石閔一軍獨全閔本姓冉虎養以為子驍勇善戰多策畧虎愛之比諸孫虎還鄴蒲洪以功拜都督六夷諸軍事閔言於虎曰洪雄雋得將士死力諸子皆有非常之才且握彊兵據近畿宜密除之以安社稷虎曰吾方倚其父子以取吳蜀柰何殺之待之愈厚斃分兵討諸叛城皆下之誅戒甚衆虎遣曹伏將青州之衆戍海島運糧三百萬斛以給之又以船三百艘運穀詣高句麗使王典帥衆萬餘屯田海濱又令青

集覽

海島韋昭曰海中山有依州造船千艘謀復擊燕

質實

玄菟郡名注見漢武帝元封二年披靡島山去岸八十里注見宋順帝昇平三年一統志云海島

即高公島也在淮安府海州城東八十里舊傳有高公嘗漁于此故名

趙冀州大鯉

趙冀州八郡鯉司隸請坐守宰趙王虎曰此朕失政所致而欲委咎守宰豈罪已之意邪司隸不進讜言佐朕不逮而欲妄陷無辜可白衣頰職

質實

張九韶曰漢置冀州治趙郡所定中山信都河間趙國十郡晉因之

今言八郡者特舉被鯉者而言也

以司徒導為太傅都督中外諸軍事都鑒為太尉庾亮為

司空六月更以導為丞相罷司徒官

導性寬厚委任諸將趙胤賈寧等多不奉法大臣患之亮與鑒牋曰主上自八九歲以及成人入則在官人之手出則為武官小人讀書無從受章句顧問未嘗遇君子秦政欲愚其黔首天下猶知不可况欲愚其主哉人主春秋既盛不稽首歸政甫居師傳之尊多養無耻之士公與下官並荷託付大姦不掃何以見先帝於地下乎欲共起兵廢導鑒不聽或勸導密為之備導曰吾與元規休戚是同悠悠之談宜紀智者之口即如君言吾

便角巾還第復何懼哉孫盛諫亮曰主公常有世外之懷豈肯為凡人事邪此必佞邪之徒欲間內外耳亮乃止是時亮雖居外鎮而遙執朝權既據上流擁彊兵趣勢者多歸之導內不能平嘗遇西風塵起舉扇自蔽徐曰元規塵汚人。導以李充為掾充以時俗崇尚浮虛嘗以為老子絕仁棄義蓋患乎情仁義者寡而利仁義者衆耳而凡人見形逐迹離本逾遠乃作學歲以祛其蔽曰名之攸彰道之攸廢乃損所隆乃崇所替非仁無以長物非義無以齊耻仁義固不可遠去其害仁義者而已

質實 元規 庾亮表字孫盛 太原人 李充汝

秋漢霖雨

蜀中久雨百姓饑疫漢主壽命群臣極言得失龔壯上封事曰陛下起兵之初上相星辰昭告天地歛血盟衆舉國稱藩天應人悅大功克集而論者未諭權宜稱制今淫雨百日饑疫並臻天其或者將以監示陛下故也愚謂宜遵前盟推奉建康彼必不愛高爵重位以報大

書內慙秘 **質實** 建康郡名注見漢而不宣 獻帝興平二年

冬十月光祿勳顏含致仕

顏含以老遜位時論者以王導帝之師傅百僚宜為降禮太常馮懷以問含含曰王公雖貴重禮無偏敬降禮之言或是諸軍事宜鄙人老矣不識時務既而告人曰吾聞伐國不問仁人向馮祖思問佞於我我豈有邪德乎郭璞嘗欲為之筮含曰年在天位在人脩已而天不與者命也守道而人不知者性也自有性命無勞著龜致仕二十餘年 **質實** 顏含 琅琊人 祖思 馮懷表字著年九十三而卒 **質實** 注見漢昭帝元鳳元年伐國不問仁人注見漢明帝永平二年

書法 自漢書丞相賢致仕宣帝地節三年於是後歷東漢僅一書和帝永元十三年於是復見美知止

也終綱目書致仕二十二年 二詳宣帝地節三年

代王翳槐卒弟什翼捷立 **考異** 立當 作嗣

代王翳槐之弟什翼健質於趙翳槐疾病命諸大人立
之翳槐卒諸大人以什翼健在遠來未可必謀立次弟
孤孤不可自詣鄴迎什翼健請身留為質趙王虎義而
俱遣之什翼健即位於繁時北分國之半以與孤代自
猗盧卒國多內難部落離散什翼健雄勇有智畧能脩
祖業始置百官分掌衆務以代人燕鳳為長史許謙為
郎中令制反逆殺人姦盜之法號令明白政事清簡無
繫訊連逮之煩百姓安之於是東自濊貉西及破落那
南距陰山北盡沙漠率皆歸服有衆數十萬人
集覽連逮秦皇本紀以罪過連
逮索隱曰逮及也謂連及
俱被捕破落那西域國
質實四年燕鳳代人濊貉東夷
都貴山城在疏勒西北
國名注見新莽始建國五年陰山注見秦王
政三年沙漠注見漢獻帝建安二十五年

十二月趙遣兵迎段遼燕慕容恪擊敗之以遼歸殺之

段遼自密雲山遣使求迎于趙既而中悔復遣使于燕
趙王虎遣麻秋帥衆迎之救秋曰受降如受敵不可輕
也燕王皝亦自將迎遼遼密與燕謀覆趙軍皝遣恪伏
精騎於密雲山大敗秋兵獲其司馬陽裕盡得遼衆侍

夏巳

五年趙建武春三月庾亮表請伐趙詔諭止之

遼以上賓之禮以裕為郎
中令父之遼謀反皝斬之
質實一統志云密雲山在順
天府密雲縣南十五里
亦名橫山晉燕趙伏
兵於此大獲遼衆

書法

遼嘗書弒君矣不書誅何殺不以其罪也故
雖有罪而殺之不以其罪綱目一以殺書之

亮欲開復中原表以桓宣鎮襄陽弟惲鎮魏興翼鎮江
陵毛寶鎮峻成邾城上疏欲帥大衆十萬移鎮石城遣
諸軍羅布江河為伐趙之規帝下其議丞相導請許之
太尉鑒議以為資用未備不可大舉太常暴謨議曰時
有否泰道有屈伸苟不計疆弱而輕動則亡不終日何
功之有為今之計莫若養威以俟時時之可否繫胡之
疆弱胡之疆弱繫虎之能否自石勒舉事虎常為瓜牙
百戰百勝遂定中原勒死之後虎挾嗣君誅將相內難
既平剪削外寇四境之內不失尺土以是觀之虎為能
乎將不能也今征西欲自將大軍席卷河南虎必親帥
其衆來決勝負欲與之戰何如石生若欲城守何如金
墉欲阻河何如大江欲拒石虎何如蘇峻石生猛將

關中精兵征西之戰殆不能勝也金墉險固劉曜十萬
眾不難拔又當是時洛陽關中皆舉兵擊虎今此三鎮
反為其用方之於前倍半之勢也石生不能敵其半而
征西欲當其倍愚所疑也蘇峻之疆不及石虎沔水之
險不及大江大江不能禦蘇峻而欲以沔水禦石虎又
所疑也若祖士稚在譙佃於城北界豫置軍屯以禦其
外穀熟胡至丁夫戰於外老弱獲於內多持炬火急則
燒穀而走如此數年竟不獲利當是時胡唯據河北方
之於今四分之三耳士稚不能捍其一而征西欲以禦
其四又所疑也然此但論征西既至之後耳尚未論道
路之慮也自沔以西水急岸高魚貫泝流首尾百里若
胡無宋襄之義及我未陣而擊之將如之何今王士與
胡水陸異勢便習不同胡若送死則敵之有餘若棄江
遠進以我所短擊彼所長懼非廟勝之筭也朝議多與
謨同乃詔亮**集覽**宋襄之義公季傳僖二十二年宋公
不聽移鎮及楚人戰于泓楚人濟泓而來有司
復曰請迨其未畢濟而擊之公不可曰君子不厄人既
濟未畢陳有司復曰請迨其未畢陳而擊之公曰不可
君子不鼓不成列已陳然後襄公鼓之宋師大敗故君
子大其臨大事而不忘大禮以為雖文王伐崇之戰亦

不過此廟勝之筭注見漢宣帝神爵元年質實魏興郡名注見漢後主建興
八年西城一統志云郿城在

黃州府城西北一百二十里楚宣王伐邾其民徙其
君居此城故名漢衡山王吳芮嘗都之今名舊州城石
城山名在汝寧府信陽州東南五十里山極高峻與義
陽山相接史記魏攻冥阨即此山也沔水注見漢獻帝
建安十二年漢沔金墉城名注見魏元帝咸熙二年征
西謂庾亮也士稚祖述表字譙縣名注見漢獻帝建安

十五年魚貫鄧艾傳士卒魚貫而進注謂魚上水首尾相銜也

書法

詔止之矣其書伐趙何予亮也自五胡雲擾江
沈宴安數世矣於是能有能以開復中原為心者
綱目之所予也自是庾翼褚裒司馬勲殷浩雖皆無
成而書伐趙者四北伐者一皆所以示中國復讐之
義為臣子術國之勸也

代王什翼犍永昏於燕

什翼犍會諸大人議都灑源川其母王氏曰吾自先世
以來以遷徙為業今國家多難若城郭而居一旦寇來

無所避之乃止什翼捷求居
於燕無王號以其妹妻之
集覽 灑源川灑水出
雁門郡凌靡縣

一統志云灑水源出大同府馬邑縣西北洪濤山即
桑乾河之源也漢書謂之治山水經謂之潦涇是也

秋七月丞相始興公王導卒以何充為護軍將軍庾冰為

中書監揚州刺史參錄尚書事

導簡素寡欲善因事就功雖無日月之益而歲計有餘
輔相三世倉無儲穀衣不重帛初導與庾亮共薦丹陽

尹何充於帝且曰臣死之日願引充為內侍則社稷無虞
矣及導薨詔喪葬參用天子之禮謚曰文獻徵庾亮為

丞相亮固辭遂以充及亮弟冰參錄尚書事冰經綸時
務不吝晝夜宿禮朝賢升擢後進由是朝野翕然稱焉

賢相初導輔政每從寬恕至冰頗任威刑丹陽尹殷融
諫之冰曰前相之賢猶不堪其弘况如吾者哉范汪謂

冰曰頃天文錯度足下宜盡消禦之道冰曰玄象豈吾
所測正當勤盡人事耳又隱實戶口料出無名萬餘人

以充軍實冰好為糾察近於繁細後益
矯違復存寬縱疎密自由律令無用矣

集覽 料出史記周宣王料

民於太原
注料數也
質實 始興郡名注見愍帝建興三年丹陽郡
名注見漢獻帝興平二年何充潛人

八月改丞相為司徒○太尉南昌公郗鑒卒以蔡謨都督

徐充軍事考異 兗下漏

蔡疾篤上疏曰臣所統錯雜率多北人遷徙新附皆有
歸本之心臣宜國恩示以好惡處與田宅漸得少安聞

臣疾篤衆情駭動若當北渡必啓寇心太常臣謨平簡
貞正素望所歸可為徐州鑒亮即以謨代之時左衛將

軍陳光請伐趙詔遣攻壽陽謨上疏曰壽陽城小而固
又王師在路五十餘日前驅未至聲息久聞賊河北之

騎足以來赴况停船水渚引兵造城前對堅敵顧臨歸
路此兵法之所議也今光所將皆殿中精兵以國之爪

士擊寇之下邑得之則利薄而不足損敵
失之則害重而足以益寇非長策也乃止

質實 南昌縣名注見

漢成帝永始三年壽陽郡名注見秦王政六年

九月趙人入寇攻沔南及郟城陷之

初陶侃在武昌議者以江北有郟城宜分兵戍之侃每不答而言者不已侃乃度水引將佐語之曰我所以禦寇者長江耳郟城隔在江北內無所倚外接群夷中利深晉人貪利夷不堪命必引虜入寇此乃致禍之由也若羯虜有可乘之會又不資於此矣至是庾亮使毛寶樊峻戍之趙王虎遣夔安等將兵數萬入寇敗晉兵殺五將軍以二萬騎攻郟城寶求救於亮亮不時遣涉南郟城皆陷寶峻突圍赴江死安進寇江夏義陽皆降進圍石城竟陵太守李陽拒擊敗之

集覽 郟城今黃州是春秋楚宣王滅郟徙其君於此因名郟城石城寰宇記云石城在義陽軍東南五十五里山極高峻史記魏攻襄陽蓋謂此也按義陽軍是

質實 武昌郡名注見漢後主建興郟州也今信陽軍是

建武二年竟陵郡名注見元帝

趙王虎患貴戚豪恣乃擢巨為中丞中外肅然虎曰朕聞良臣如猛虎高步曠野而豺狼避路信哉

趙以李巨為御史中丞

漢殺其臣李演

羅恒解思明復議奉晉漢主壽不從李演復上書言之壽怒殺演壽常慕漢武魏明之為人耻聞父兄時事上書者不得言先世政教自以為勝之也

冬燕王皝遣長史劉翔來獻捷

燕王皝自以稱王未受晉命遂遣長史劉翔來獻捷論功且言摧假之意并請刻期大舉共平中原皝又使其子恪霸擊宇文別部

張駿立辟雍明堂

質實 辟雍注見漢成帝綏和元年明堂注見漢武帝建元元年

書法

臣子所為哉書曰張駿立辟雍明堂而貶義

自見矣

六年趙建武春正月司空庾亮卒以何充為中書令庾翼

子庚

通鑑綱目卷之二十一

初陶侃在武昌議者以江北有邾城宜分兵戍之侃每
不答而言者不已侃乃渡水獵引將佐語之曰我所以
禦寇者長江耳邾城隔在江北內無所倚外接群夷夷
中利深晉人貪利夷不堪命必引虜入寇此乃致禍之
由也若羯虜有可乘之會又不資於此矣至是庾亮使
毛寶樊峻戍之趙王虎遣夔安等將兵數萬入寇敗晉
兵殺五將軍以二萬騎攻邾城寶求救於亮亮不時遣
沔南邾城皆陷寶峻突圍赴江死安進寇江夏義陽皆
降進圍石城竟陵太守李陽拒擊敗之

集覽 邾城今黃
州是春秋
楚宣王滅邾徙其君於此因名邾城石城寰宇記云石
城在義陽軍東南五十五里山極高峻史記魏攻寘阨
蓋謂此也按義陽軍是**質實**武昌郡名注見漢後主建興
郢州也今信陽軍是

太清二年竟陵郡名注見元帝
建武元年邾城注見咸康四年

趙以李巨為御史中丞

趙王虎患貴戚豪恣乃擢巨為中丞中外肅然虎
曰朕聞良臣如猛虎高步曠野而豺狼避路信哉

漢殺其臣李演

羅恒解思明復議奉晉漢主壽不從李演復上書言之
壽怒殺演壽常慕漢武魏明之為人耻聞父兄時事上
書者不得言先世政
教自以為勝之也

冬燕王皝遣長史劉翔來獻捷

燕王皝自以稱王未受晉命遂遣長史劉翔來獻捷論
功且言權假之意并請刻期大舉共平中原皝又使其
子恪霸擊宇文別部
霸年十三勇冠三軍

張駿立辟雍明堂

質實

辟雍注見漢成帝綏和元年
明堂注見漢武帝建元元年

書法

書法 臣子所得為哉書曰張駿立辟雍明堂而貶義

自見矣

子庚

六年趙建武春正月司空庾亮卒以何充為中書令庾翼

通鑑綱目卷之二十一 晉成皇帝咸康六年

都督江荆等州軍事考異提要作州軍當從提要

時人疑翼年少不能繼其兄翼悉心為治戎政嚴明數年之間公私充實人皆稱其才

慕容翰自宇文部歸于燕

宇文逸豆歸忌翰才名翰乃陽狂乞食舉國賤之不復省錄以故得往來自遂山川形便皆默記之燕王皝以翰因猜嫌出奔雖在他國常潛為燕計乃遣商人王車通市於宇文部以迎之翰遂竊逸豆歸名馬携其二子逃歸皝大喜厚遇之

書法書予之也曷為予之不忘本也猶有宗國之心焉

有星孛于太微。三月代始都雲中質實雲中郡名注見秦王政三年

○秋漢大閱於成都

趙王虎遺漢主壽書欲連兵入寇中分江南壽大喜集士卒為舟師大閱於成都龔壯諫曰陛下與胡通孰若

與晉通胡豺狼也既滅晉不得不北面事之若與爭天下則疆弱不敵危亡之勢也群臣亦皆叩頭泣諫壽乃止壯以為人之行莫大於忠孝既報父叔之仇又欲使壽事晉壽不從乃詐稱耳聾辭歸以文籍自娛終身不復至成都

書法書漢大閱何志龔壯也李壽可謂不量力矣書大閱始此綱目書大閱二書講武三詳漢靈帝

中平五年皆譏也

冬趙大發兵以伐燕燕人襲之入趙高陽趙師還

趙王虎合兵五十萬具船萬艘自河通海運穀千一萬斛于樂安城徙遼西北平漁陽萬餘戶于充豫雍洛自幽州以東至白狼大興屯田括取民馬敢匿者腰斬凡得四萬餘匹大閱於宛陽欲以擊燕燕王皝曰虎自以樂安城防守重複復薊城南北必不設備今若詭路出其不意可盡破也遂帥諸軍入自蠡螭塞直抵薊城破武遂津入高陽所至焚燒積聚

集覽樂安郡名今濟南路棣州是

實

一統志云樂安城在濟南府臨濟鎮東八十里漢千乘郡治此東漢更今名武遂津在保定府安肅縣西

趙命其太子宣及弟韜送省尚書奏事

趙王虎以韜為太尉與宣送日省可尚書奏事不復放白司徒申鍾諫曰太子職在視膳不當預政庶人遂覆車未遠也且二政分權鮮不階禍愛之不以道適所以害之也虎不聽中謁者令申扁有寵於虎宣亦昵之使典機密虎既不省事而宣韜皆好酣飲畋獵由是除拜生殺皆決於扁自九卿以下望塵而拜

集覽

太子

書法

太子省事非古也前書趙太子弘矣於是宣與弟韜送省是二太子也兄弟相屠之禍始此矣

故書

談之

漢遣使如趙趙人報之

漢主壽致書於後趙王虎署曰趙王石君虎不悅中書監王波曰壽既僭大號今以制詔與之彼必酬返不若復為書與之會挹婁國獻楛矢石磐於趙波因請以遺漢曰使其其知我能服遠方也虎從之遣漢亡將李閔歸報閔至成都壽下詔曰羯使來庭貢

集覽

挹婁東夷種名古肅慎氏

其楛矢虎聞之怒黜波以白衣領職

國也在扶餘東北楛矢石磐家語孔子在陳有隼集于陳侯之庭而死楛矢貫之石磐長尺有咫惠公使人問

孔子子曰此肅慎氏之矢古者分異姓以遠方職貢故分陳以肅慎氏矢馬韋昭曰楛木可為矢籥磐石可為

矢鏃楛音戶磐音奴又音弩

質實 一統志云挹婁國古肅慎之地在謂之勿吉隋初曰黑水靺鞨唐初渠長阿固即始來朝後乃臣服開元中以其地為燕州置黑水府其後粟末

靺鞨強盛號渤海黑水皆役屬之又其後渤海浸弱為契丹所攻黑水復擅其地即金鼻祖之部落也初號女真後避遼與宗諱改曰女直臣屬於遼部族散居山谷至阿骨打始大易部建國曰金滅遼設都於渤海山京

四年

至海陵改為會寧府金亡歸元以其地曠闢人民散居
設軍民萬戶府五鎮撫北邊曰挑温曰胡里改曰幹朶
憐曰脫斡憐曰孛苦江分頰混同江南北水達達及女
直之人有合蘭府水達達等路以總攝之迨入本朝
悉境歸附自開原迤北因其部族所居建置都司衛所
官其酋長為都督都指揮指揮千百戶鎮撫等職給與
印信俾仍舊俗各
統其屬以時朝貢

七年趙建武春正月燕築龍城

燕築城於柳城之北龍山之

質實

柳城縣名注見漢獻
帝建安十二年一統

志云龍山在永
平府西四十里

二月朔日食○封慕容皝為燕王

劉翔至建康帝引見問慕容鎮軍平安對曰臣受遣之
日朝服拜章翔為皝求大將軍燕王章璽朝議以為故
事大將軍不處邊異姓不封王翔曰自劉石構亂長江
以北翦為戎藪未聞中華公卿之胄有能摧破凶逆者

也獨慕容鎮軍心存本朝屢殄疆敵使石虎畏懼震國
千里功烈如此而惜海北之地不以為封邑何哉吾非
苟尊所事竊惜聖朝疎忠義之國使四海無所勸慕耳
尚書諸葛恢翔之姊夫也獨主異議以為夷狄相攻中
國之利惟器與名不可輕許乃謂翔曰借使慕容鎮軍
能除石虎乃是復得一石虎也朝廷何賴焉翔曰廢婦
猶知恤宗周之隕今晉室危君位伴元凱曾無憂國
之心慕容鎮軍枕戈待旦志殄凶逆而君更唱邪惑之
言四海所以未壹良由君輩耳翔留歲餘衆議終不決
會皝上表罪狀庾氏兄弟又與冰書責其當國不能雪
耻冰懼乃與何充奏從其請以皝為大將軍幽州牧大
單于燕王備物典策皆從殊禮以翔為代郡太守翔固
辭不受翔疾江南士大夫以驕奢酣縱相尚嘗因宴集
謂充等曰四海板蕩奄踰三紀宗社為墟黎民塗炭斯
乃廟堂焦慮之時忠臣畢命之秋也而諸君宴安江沔
肆情縱欲以奢靡為榮以傲誕為賢譽謬之言不聞征
伐之功不立將何以尊主濟民乎充等甚慙乃遣使持
節冊命與翔偕北公卿餞之翔曰昔少康資一旅以滅
有窮勾踐憑會稽以報彊吳蔓草猶宜早除况寇讐乎
今石虎李壽志相吞噬王師縱未能澄清北方且當從

事巴蜀一旦石虎先人舉事併壽而有之據形便之地以臨東南雖有智者不能善其後矣中護軍謝廣曰是吾心也

集覽

發婦猶知恤宗周之隕左傳昭二十四年鄭伯如晉子太叔相見范獻子獻子曰若王室

何對曰發不恤其緯而憂宗周之隕為將及馬注發寡婦也言寡婦不憂其織之無緯而惟憂周室之隕滅為

恐禍將及已也宗周鎬京也有先周宗社故曰宗周詩黍離閔宗周也注自幽王之亂而宗周滅平王東遷下

列於諸侯備物典策備賜威儀之物及史官書策之典使之依法書時事也板蕩注見唐太宗貞觀九年少康

資一旅以滅有窮左傳襄四年晉魏絳曰夏訓有之曰有窮后羿公曰后羿何如對曰昔有夏之方衰也后羿

自鉏遷于窮石因夏民以代夏政恃其射也史記注禹孫太康淫放為羿所逐夏人立其弟仲康仲康崩子相

立羿逐之自號有窮信用寒浞後浞殺羿襲有窮之號殺夏帝相時相后緡方娠歸于有仍生少康有夏之遺

臣靡收斟灌斟尋二國之燼殺浞立少康時有田一成有衆一旅卒滅有窮括地志云故鄆城在滑州衛城縣東十里河南有窮谷蓋本有窮氏所遷也句踐憑會稽以報彊吳春秋吳擊越敗之夫椒越王勾踐保棲於會

稽之山乃令大夫種行成於吳吳赦越句踐反國後越伐吳復棲吳王夫差於姑蘇之山遷之甬東而自殺句

古侯反會稽注見秦質實諸葛氏琅琊人江沈詩江有始皇帝三十七年

之別者爾雅曰水自河出為灘潛為潛江為沱

三月皇后杜氏崩夏四月葬恭皇后○詔正土斷白籍質

實土斷注見武帝太康六年白秋代築盛樂城質實盛樂

城名注見漢後燕慕容恪鎮平郭考異燕下漏

燕王皝以恪為度遼將軍鎮平郭恪撫舊質實平郭城

懷新屢破高麗兵高麗畏之不敢入境

元帝太興四年

漢殺其僕射蔡興李疑初成主雄以儉約寬惠得蜀人心及李閔還盛稱郭中繁庶宮殿壯麗且言趙王虎以刑殺御下故能控制境

寅王

內壽慕之大脩宮室人有小過輒殺以立威僕射

八年趙建武春正月朔日食○二月豫州刺史庾懌有罪

自殺

懌以酒餉江州刺史王允之允之覺其毒飲犬犬斃密

奏之帝曰大舅已亂天下小舅復欲爾邪懌遂飲鴆而

卒質實之琅邪臨沂人舒之子

復六月帝崩琅邪王岳即位帝幼冲嗣位既長頗有勤儉之意至是不豫或詐為尚

書符勅宮門無得內宰相衆皆失色庾冰曰此必詐也

推問果然帝二子丕奕皆在襁褓冰恐易世之後親屬

愈疎為人所間請以母弟琅邪王岳為嗣帝許之中書

令何充曰父子相傳先王舊典且今將如孺子何冰不

聽帝乃詔冰充及武陵王晞會稽王昱尚書令諸葛恢

並受顧命而崩琅邪王即質實注見漢昭帝

位亮陰不言委政於冰充質實注見漢昭帝

封成帝子丕為琅邪王奕為東海王

元年

書法

丕奕其兄子也書成帝子何正名也然則廢為海西公者其罪不可勝誅矣

○秋七月葬興平陵以何充都督徐州軍事

帝徒行送喪至閭闔門乃升素輿既葬臨軒庾冰何充

侍坐帝曰朕嗣鴻業二君之力也充曰陛下龍飛臣冰

之力也若如臣議不觀升平之世帝有慙色充避諸庾出鎮京口

元縣境內京口郡名注見成帝咸康二年

冬十月燕遷都龍城○十一月燕王皝擊高句麗入丸都

載其王釗父屍及母以歸

慕容翰言於燕王皝曰宇文屢為國患今逸豆歸篡竊得國群情不附加之庸闇將帥非才國無防衛軍無部

伍臣久在其國悉其地形今若擊之百舉百克然高句麗去國密邇必乘虛掩吾不備此心腹之患也宜先除之還取宇文如迈手耳二國既平利盡東海國富兵彊無返顧之憂然後中原可圖也

魏曰善高句麗有二道北道平闊南道險狹衆欲從北道翰曰虜必重北而輕南王宜帥銳兵從南道擊之出其不意九都不足取也別遣偏師出北道縱有蹉跌其腹心已潰四支無能為也

魏從之自將勁兵四萬出南道以翰及慕容霸為前鋒別遣長史王寓等將兵萬五千出北道以伐高句麗其王劉果遣弟武帥精兵拒北道自帥羸兵備南道翰等先至與劉合戰魏以大眾繼之高句麗兵大敗諸軍乘勝遂入九都到單騎走獲其母妻會王寓等戰於北道皆敗沒魏不復窮追遣使招到不出韓壽曰高句麗之地不足戍守今其主亡民散潛伏山谷大軍既去必復鳩聚收其餘燼猶足為患請載其父屍囚其生母而歸俟其束身自歸然後返之撫以恩信策之上也

魏遂發劉父墓載其屍虜男女五萬餘口毀九都城而還

集覽 劉音招高句麗王之名遺民也音才乃反注見宋文帝元嘉四年鳩合餘燼

質實 九都城名注見漢後主延熙九年高句麗東夷

國名注見新莽始建國四年

十二月立皇后褚氏

時徽后父豫章太守褚裒為侍中裒以后父不願居中任事乃除江州刺史鎮半州

質實 豫章郡漢武帝元鼎五年一統志云半州城名在九江府城西九十里

趙作長安洛陽宮

趙王虎作臺觀四十餘所於鄴又營長安洛陽二宮作者四十餘萬人又勅境內治南伐西討東征之計皆三五發卒造甲者五十餘萬人船夫十七萬人公侯牧宰競營私利百姓失業貝丘人李弘因衆怨謀作亂事發誅之連坐

集覽 三五發卒發起也遣也三丁發一五丁者數千家

集覽 發二以為兵卒貝丘左傳齊襄公田于貝丘杜預曰樂安郡博昌縣南有地名貝丘博蓋及宇通作沮楚世家夕發沮丘徐廣曰在清河括地志云貝丘丘名也在青州臨淄縣西北二

質實 一統志云貝丘十五里按樂安今棗州是屬濟南路

屬濟南郡即漢之般陽縣東漢屬齊國劉宋屬清河郡北齊蜀齊州隋改縣為淄川縣唐別置淄州宋金因之元改州為般陽路以縣為倚郭本朝改路為淄川州以縣省入尋改為淄川縣屬濟南府

趙徵兵入寇

濟南平陵城北石虎一夕移於城東南有狼狐千餘迹隨之迹皆成蹊虎喜曰石虎者朕也自西北徙而東南

天意欲使朕平蕩江南也其敕諸州兵明年悉集朕當親董六師以奉天命群臣皆賀上皇德頌者一百七人

制征士五人出車一乘牛二頭米十五斛絹十疋不辦者斬民鬻子以供猶不能給自經於道樹者相望

覽親董兩雅曰董督正**質實**濟南郡名注見漢景帝三年一統志云平陵漢之縣也郭璞注皆謂御正

名為濟南郡治所唐改縣曰全節尋省入歷城縣故城在濟南府治東六十餘里

康皇帝建元元年趙建武春二月高句麗王釗朝貢于燕

卯癸

燕還其父屍留母為質數年而後歸之

秋七月詔議經畧中原庾翼表遣梁州刺史桓宣伐趙

翼在武昌數有妖恠欲移鎮樂鄉王述與庾冰牋曰樂鄉去武昌千有餘里數萬之衆一旦移徙興立城壁公

私勞擾又非江州當汧流供給力役增倍且武昌實江東鎮戍之中非但扞禦上流而已緩急赴告駿奔不難若

移樂鄉遠在西陲一朝江渚有虞不相接救方嶽重將固當居要害之地為內外形勢使闕關之心不知所向

昔秦忌亡胡之讖卒為劉項之資周惡繁孤之謠而成褒姒之亂是以達人君子直道而行權避之道皆所不

取正當擇人事之勝理社稷之長計耳翼乃止翼為人慷慨喜功名不尚浮華琅邪內使桓溫彝之子也尚南

康公主豪爽有風縶翼與之友善嘗薦於成帝曰溫有英雄之才願勿以常壻畜之宜委以方邵之任必有弘

濟之勳時杜乂殷浩並才名冠世翼獨弗之重也曰此輩宜束之高閣俟天下太平然後徐議其任耳浩累辭

徵辟屏居十年時人擬之管葛謝尚王濛嘗伺其出處以卜江左興亡嘗相與省之知浩有確然之志既退相

謂曰深源不起當如蒼生何翼請浩為司馬詔除侍中
安西軍司浩不應翼遺之書曰王夷甫立名非真雖云
談道實長華競明德君子遇會處際寧可然乎浩猶不
起浩父羨為長沙相在郡貪殘庾冰與翼書屬之翼報
曰殷君驕豪亦似由有佳兒弟故小令物情容之大較
江東之政姬煦豪彊時有行法輒施之寒劣如往年偷
石頭倉米一百萬斛皆是豪將輩而殺倉督監以塞責
山遐為餘姚長為官出豪彊所歲二千戶而眾共驅之
令不得安席雖皆前宰憐謬江東事去寔此之由兄弟
不幸橫陷此中不能拔足於風塵之外當共明目而治
之荆州所統二十餘郡唯長沙最惡惡而不黜與殺督
監者復何異邪翼以戒胡取蜀為已任遣使約燕凉刻
期大舉朝議多以為難唯水意與之同而桓温譙王無
忌皆贊成之至是詔議經畧中原翼欲悉眾北伐表桓
宣督諸軍趣丹水桓温為前鋒小督帥眾入臨
淮並發所統六州奴及車牛驢馬百姓嗟怨
集覽 亡
之讖秦始皇巡北邊從上郡入燕人盧生奏錄圖書曰
亡秦者胡也始皇乃使蒙恬發兵北擊胡鄭玄曰胡謂
胡亥秦二世名也始皇見圖書不知胡為人名反備北
胡後秦果二世而亡繁孤之誼周本紀幽王嬖愛褒姒

周太史伯陽讀史記曰周亡矣昔自夏后氏之衰也有
二神龍止於夏庭而言曰余褒之二君也夏后布幣而
策告之龍亡而褒在積以藏之傳三代莫敢發至厲王
之末發而觀之漿流于庭不可除王使婦人裸而譟之
黎化為玄龜入王後宮童妾遭之而孕無夫而生女懼
而棄之宣王之時童女謚曰繁孤箕服實亡周國後有
夫婦賣是器者王使執而戮之夜得逃去於道聞所棄
女夜啼哀而收之遂亡奔褒後褒人有罪請納此女以
贖罪是為褒姒幽王見而愛之竟廢申后而立以為后
故申侯怒與犬戎攻幽王而殺之驪山下韋昭曰黎侯
蓄反龍所吐沫也繁山桑弧弓也箕木名服矢房也索
隱曰龜亦作蛇玄蛇蜥蜴也方邵之任方謂方叔周宣
王卿士宣王南征命方叔為將邵本作召召穆公也名
虎亦宣王卿士命伐淮夷深源殷浩字王夷甫立名非
真夷甫王衍字非真不實也立虛名耳庾翼意謂殷浩
不可如王衍大較猶言大畧也較訖岳反姬煦豪彊樂
記曰天地訢合陰陽相得煦姬覆育萬物鄭氏曰氣曰
煦軀曰天地訢許具反姬於具反徐氏曰煦兄甫反姬於
甫反煦物覆物者天之氣姬物育物者地之軀姬煦豪
彊者謂豪俠彊暴之人不加之刑法而反覆育之寒劣

寒微劣 **正誤** 樂鄉今按樂鄉春秋郡國之地其 **質實** 一

志云樂鄉城名有三一在松滋縣東一在巴東縣

與羊祜對壘處一在荆門州晉安帝時置一在巴東縣

治東已上俱屬荆州府庾翼郾陵人亮之弟冰之兄南

康公主成帝之女南康郡名注見梁簡文帝太寶元年

管葛管謂管仲葛謂諸葛亮謝尚陽夏人鯤之子長沙

國名注見漢獻帝興平元年石頭城名注見漢獻帝建

安十七年餘姚秦之縣名屬會稽郡即舜後支庶所封

以舜姓姚故名漢晉以後皆因之隋初省入句章縣唐

初復置又於縣置姚州尋廢州以縣屬越州宋仍舊元

陞為餘姚州本朝復改為縣屬紹興府丹水漢之縣

名屬弘農郡晉屬順陽郡後魏置丹川郡後周郡廢故

城在南陽府內鄉縣西南一百二十里臨淮即名注見

新莽天 鳳五年

發明 典午南渡奄踰三紀國步多艱未遑遠畧今石

表晉能不畏其強思所自立朝議稍稍振起至是詔

議經畧中原雖未能一舉遂定然亦足規其意向之

所在矣揭而書之所以尊中國存正統

示人以不忘克復之意其垂訓也大矣

漢主壽卒太子勢立。庾翼移鎮襄陽詔以翼都督征討

軍事庾冰都督荆江等州軍事徵何充為揚州刺史錄尚

書事考異 提要無等州二字永和元

年桓温都督荆梁亦同

翼欲移鎮襄陽恐朝廷不許乃奏移鎮安陸帝遣使譬

止之翼遂遠詔北行至夏口復請鎮襄陽翼時有衆四

萬詔加翼都督征討諸軍事遣冰出鎮武昌以為繼援

徵充輔政又徵褚裒為衛將軍領中書令裒以近戚畏

熾尋復出督 **質實** 襄陽郡名注見漢獻帝建安十二年

地名注見漢獻帝建安十二年武昌郡名注見漢後主

建興七年充州注見周安王五年金城注見元帝永昌

書法 於是翼復請移鎮襄陽則其不書請何行而後

請也開復中原綱目所予也然違詔而行於臣

節為未順矣是故先書移鎮後書詔以為都督所以
微示譏焉自經畧之議既下桓宣庾翼各一出桓温
一出其間有謝尚殷浩荀羨諸葛攸各二出謝萬郝曇
者桓温之伐漢伐秦也無功無罪者桓宣庾翼褚裒
之伐趙荀羨郝曇之伐燕也有罪無功者謝尚之屯
壽春殷浩之北伐諸
葛攸謝萬之代燕也

發明

庾翼欲移鎮襄陽帝遣使止之翼遂違詔北行
卒從其請然則翼乃方命跋扈之人綱目書之
何以畧無貶詞是時晉遷江表中原淪於左袵在朝
諸人宴安自肆曾不以讐虜為念獨翼志在克復能
以滅胡取蜀為己任是以前書詔移鎮襄陽中原繼書
翼表遣桓宣伐趙今此上書翼移鎮襄陽下書詔翼
都督征討是皆示其予之之意故畧其違詔之失也
明乎此則知為臣者當以殉國為心為國者當以紹
復為念而此好攻戰務邀功者與此異矣

辰甲

二年 趙建武十年 漢春正月 趙大閱罷兵

趙王虎享群臣於太武殿有白鴈百餘集馬道之南時
諸州兵集者百餘萬太史令趙攬曰白鴈集庭宮室將
空之象不宜南行虎乃
臨宣武觀大閱而罷

燕主皝擊滅宇文部逸豆歸走死皝還殺其兄翰

燕王皝亦左司馬高詡謀伐宇文逸豆歸詡曰伐之必
克然不利於將出而告人曰吾往必不返然忠臣不避
也於是皝自將以慕容翰為前鋒逸豆歸遣南羅大涉
夜干將兵逆戰皝遣謂翰曰涉夜干勇冠三軍宜小避
之翰曰涉夜干素有勇名一國所賴今吾克之其國不
攻自潰矣然吾熟其為人雖有虛名實易與耳不宜避
之以挫吾兵氣遂進戰斬之宇文士卒不戰而潰燕兵
乘勝逐之遂克其都城逸豆歸走死漠北宇文氏由是
散亡皝徙其部衆於昌黎關地千餘里高詡中流矢卒
詡善天文皝嘗謂白卿有佳書而不見與何以為忠蓋
詡曰臣聞人君執要人臣執職執要者逸執職者勞是
以后稷播種堯不預焉占候天文晨夜甚苦非至尊之
所宜親殿下將安用之皝默然翰亦宇文氏戰為流矢
所中臥病積時後漸差於其家試騁馬或告翰欲為變

通鑑綱目卷之二十一

晉書卷之三十三

三

既而後還死已晚矣然鴉賊跨據中原吾不自量欲為
國家蕩一區夏此志不集覽南羅大涉夜干南羅東夷
遂沒有遺恨飲藥而卒集覽小國其先本原韓種在高
麗東南居漢樂浪地涉夜干其將之名忠蓋詩文王之
什王之蓋臣文公集傳曰蓋才刃反進也言其忠愛之
篤進進正誤南羅大涉夜干今按大謂一部質實昌黎
無已正誤之長見前第十八卷胡部大質實郡名
注見武帝太康元年后稷播種通鑑后稷名棄帝譽之
子教民稼穡興於陶唐虞夏之際為農師封于邠號曰
稷后

樊惑守房心趙殺其中書監王波

趙太子宣怒領軍王朗會樊惑守房使趙攬言於趙王
虎曰宜以貴臣王姓者當之虎曰誰可者攬曰無貴於
王領軍虎問其次攬無以對因曰唯王波耳虎乃下詔
追罪波前議格矢事腰斬之既而愍其無罪追贈司空
集覽追罪波前議格矢事波先嘗請以質實樊惑守房
格矢遺漢今追尋其事而罪之質實心注見漢

成帝綏和元年

發明上書樊惑守房心下書殺中書監王波趙之應
天者如此在羯虜固不足道也然仕於其國者
亦豈得為守道之君子邪起攬本受石宣風旨謀陷
王朗而乃誤及王波一言之失無辜屠戮亂世之事
可哀也哉

桓宣及趙兵戰于丹水敗績質實丹水縣名注見漢獻帝建安七年

宣擊趙李罷於丹水為罷所敗慙憤而卒庾翼遣了方之代領宣眾

書法晉伐之不得志綱目所深惜也故書

秋九月帝崩太子聃即位尊皇后曰皇太后太后臨朝稱

制考證秋九月下當補書立子聃為皇太子○謹按康帝

帝穆帝即位紹承正統而於建儲之始豈可無書乎

帝疾篤庾冰庾翼欲立會稽王昱為嗣何充建議立皇子聃乃立聃為皇太子帝崩充奉太子即位由是冰翼深恨充帝方三歲太后臨朝稱制充薦褚裒宜綜朝政裒固請居藩改督徐兗鎮京口尚書奏裒見太后在公庭則如臣禮私覲則嚴父從之

質實

京口縣名注見成帝咸和三年

冬十月葬崇平陵

質實

一統志云崇平陵在應天府上元縣境內

庾冰卒翼還鎮夏口

冰卒翼留方之戍襄陽還鎮夏口詔翼復督江州翼繕脩軍器大佃積穀以圖後幸

質實

襄陽縣名注見

漢獻帝建安十二年見漢武帝元鼎五年豫章

孝宗穆皇帝永和元年

趙建武十一年。燕王慕容皝十二年。舊大國一漢梁代小國三

凡五僭國 春正月趙大發兵治長安洛陽宮

趙王虎發諸州四十餘萬人治未央洛陽宮造獵車千乘刻期較獵自靈昌津南至榮陽數千里為獵場犯其

禽獸者罪至死增置女官二十四等大發民女三萬餘人以配之郡縣多彊奪人妻殺其夫荆楚揚徐流叛畧

盡守令坐不能綏懷下獄誅者五十餘人光祿大夫遂明切諫虎怒殺之

集覽

遂明姓名錄音力王反

質實

靈昌津注見漢獻帝建安五年延津榮陽郡名注見秦莊襄王元年

書法

作官必書重民力也未有書大發民者書大發民何罪虎也是故魏書大營漢後主建興五年

宋書大脩癸卯年齊書大治丙子年皆罪之也惟明帝大起北官繼書罷之為美辭漢永平三年

燕罷苑囿以給新民

燕王皝以牛假貧民使佃苑中稅其什之八自有牛者稅其七記室參軍封裕諫以為古者什一而稅天下之

中正也降及魏晉仁政衰薄猶不取其七八也今殿下拓地三千里增民十萬戶其無田者十有三四是宜悉

罷苑囿以賦新民無牛者官賜之牛不當更收重稅也今官司猥多皆宜澄汰工商未利宜立常員季生三年

無成當歸之於農參軍王憲大夫劉明近以言忤旨免官禁錮長史宋該阿媚苟容輕劾諫士不忠之甚者也

孰乃下令悉從其言仍賜裕錢五萬宣示內外欲陳過失者勿有所諱孰雅好文孝常親臨庠序講授考校孝徒至千餘人頗有**賢實**古者什一而稅天下之中正詳妄濫者故裕及之**賢實**見論語顏淵篇禁錮注見漢章之元和元年

書法

書美孰也網目書罷苑二是年齊壬戌年魏書以苑給民三詳漢元帝初元元年

發明

虎方大發民以治宮室而孰乃罷苑園以給新之亦足見二虜之優劣矣

以會稽王昱為撫軍大將軍兼尚書六條事

詔徵楮哀輔政尚書劉暹說之曰會稽王令德雅望足下宜以大政授之哀乃固辭歸藩昱清虛寡欲尤善玄之言常以劉惔王濛韓伯為談客郝超謝方為掾屬超鑒之孫也少卓犖不羈父愔簡默冲退而奮於財積錢至數千萬常開庫任超所取超散施親故一**集覽**占犖超日都盡萬安之弟也清曠秀迈亦有持名

書張東之有卓犖奇材注卓犖有林辯也犖音力角反**賢實**劉惔沛國相人韓伯平人謝萬陽夏人

二龍見于燕之龍山

燕有黑白二龍見于龍山交首遊戲解角而去燕王孰祀以太牢命所居新宮曰和龍是歲始不用晉年號自稱十**賢實**龍山注見成帝咸康六年太

秋十月江州都督庾翼卒以桓温都督荆梁等州軍事

翼病表子爰之為荆州刺史委以後任及卒朝議以諸庚世在西藩人情所安欲從其請何充曰荆楚國之西門戶口百萬北帶彊胡西隣勁蜀得人則中原可定失人則社稷可憂陸抗所謂存則吳存亡則吳亡者也豈可以白面少年當之哉桓温英畧過人有文武器幹西夏之任無出温者丹陽尹劉惔每奇温才然知其有不臣之志謂會稽王昱曰温不可使居形勝之地其位號常宜抑之勸昱自鎮上流以已為軍司昱不聽以温代

翼又以倏監沔
中軍代庾方之
質實 庾方之
人翼之子 鄆陵

漢主勢殺其弟廣

漢主勢之弟廣以勢無子求為太弟不許馬當解思明諫曰陛下兄弟不多若復有所廢將益孤危固請許之勢疑其與廣有謀收斬之襲廣於涪城廣自殺思明被收歎曰國之不亡以我數人在也今其殆矣思明有智畧敢諫諍常素得人心
質實 涪城縣名注見漢光武建武十二年

冬十二月張駿自稱涼王

是歲駿分境內二十二郡三營為涼河沙州等官車駿自稱大都督大將軍假涼王督攝之始置祭酒等官車駿擬於王
集覽 涼河沙三州名也俱在河湟之地地理沿革表者置河州沙本漢武威郡晉立涼州河本漢金城郡後秦興郡隴西郡漢屬金城隴西二郡東漢屬隴西郡晉屬晉興郡苻秦始置河州隋廢改為枹罕郡唐復為河州天

趙以姚弋仲為冠軍大將軍

寶初改為安鄉郡後陷于吐蕃宋收復置枹罕縣尋省為寧河寨後陞為縣屬秦鳳路金復置河州屬熙河路元為河州路屬吐蕃宣慰司本朝改為河州衛軍民指揮使司屬陝西道沙州名注見唐莊宗同光元年

弋仲清儉鯁直不治威儀言無畏避趙王虎甚重之
二年 趙建武十二年 考異 當圈下分注涼王 春正月揚州

刺史都鄉侯何充卒
質實 都鄉縣名注見漢章帝章和二年

充有器局臨朝正色以社稷為己任所選用皆以功効不私親舊卒謚曰文穆

燕襲夫餘拔之虜其王玄以歸
質實 夫餘國名注見漢桓帝延熙九年

二月以光祿大夫蔡謨領司徒○三月以顧和為尚書令

殷浩為揚州刺史

褚哀薦顧和殷浩詔以和為尚書令浩為揚州刺史和有母喪固辭不起謂所親曰古人有釋衰經從王事者以其才足幹時故也如和者正足以虧孝道傷風俗耳浩亦固辭會稽王昱與浩書曰屬當厄運危弊理極足下沈識淹長足以經濟若復深存挹退苟遂本懷吾恐天下之事於此去矣足下去就即時之廢興也家國不異宜深思之

集覽

衰經注見武帝泰始二年

夏四月朔日食○五月涼王張駿卒世子重華立

考異

去當

姓張

考證

立當

○趙殺其尚書朱軌立私論朝政法

趙中黃門嚴生惡朱軌會以雨譖軌不脩道路謗訕朝政趙王虎囚之蒲洪諫曰陛下德政不脩天降淫雨七旬乃霽霽方二日雖有鬼兵百萬亦未罷去道路之塗潦而况入乎願止作徒罷苑囿出宮女赦朱軌以副眾望虎雖不悅亦不之罪為之罷長安洛陽作役而竟誅軌又立私論朝政之法聽吏告其君奴告其主公卿以下朝觀以目不敢相過談語

趙攻涼州張重華遣主簿謝艾將兵逆戰大破之

後趙遣將軍王擢麻秋擊涼州張重華悉發境內兵使裴恒將以禦之久而不戰司馬張軌曰國之存亡在兵兵之勝敗在將今議者舉將多推宿舊夫韓信之舉非舊德也蓋才之所堪則授以事主簿謝艾蕙資文武可用也重華召艾問以方畧艾願請兵七千人必破趙以報重華拜艾中堅將軍給步騎五千艾引兵出夜有二梟鳴于牙中艾曰六博得梟者勝今梟鳴牙中克敵之兆也進與趙戰大破之麻秋之克金城也縣令車濟不降伏劍而死秋又遣書誘致苑戍都尉朱矩矩曰為人臣功既不成唯死節耳先殺妻子而後自刎秋曰皆義士也收

集覽

六博得梟者勝注見周赧王四十二年而葬之

質實

宛縣名注見周赧王十七年

冬漢李奕舉兵攻成都死

漢主勢驕淫不恤國事罕接公卿信任左右謔諂並進刑罰苛濫由是中外離心太保李奕自晉壽舉兵反眾

至數萬勢登城拒戰射殺之蜀土先無獠至是始出日
巴西至犍為梓潼布滿山谷十餘萬落不可禁制大為
民患加以饑饉四境蕭條

集覽 晉壽梓潼郡邑屬梁州即葭萌也三
國漢先主改漢壽晉文帝改晉壽

質實 一統志云晉壽漢之縣名屬廣漢郡後魏改為興
安縣置晉壽郡及益州梁改黎州西魏改利州隋

初郡廢改縣口綿谷州為義成郡唐復為利州又改益
昌郡朱置寧武軍元改廣元路本朝改路為州以綿

谷縣省入後復改州為縣仍屬保寧府巴西郡名注見
漢獻帝建安十九年

年梓潼郡名注見漢獻帝建安十八年

書法 反也不書反何勢無道也綱目澄源
正本故書攻不書反書死不書伏誅

發明 分注載李奔舉兵反而綱目止書攻成都何哉
自李特反晉李雄繼之竊據土宇僭號一方至

勢驕淫不道蜀眾離心李奔乘時動眾綱目所以不
書其反者抑僭偽戒淫昏怨奕所以惡勢也書法於
此其旨嚴矣

十一月桓溫帥師伐漢

桓溫將伐漢將佐皆以為不可江夏相袁喬曰夫經畧
大事固非常情所及智者了於胸中不必待衆言皆合

也今為天下患者胡蜀二寇而已蜀雖險固比胡為弱
將欲除之宜先其易者李勢無道臣民不附且恃其險

遠不脩戰備宜以精兵萬人輕齎疾趨比其覺之我已
出其險要可一戰擒也蜀地富饒戶口繁庶諸葛武侯

用之抗衛中夏若得而有之國家之大利也論者恐大
軍既西胡必闕關此似是而非胡聞我萬里遠征以為

內有重備必不敢動縱有侵軼緣江諸軍足以拒守必
無憂也溫拜表輒行委長史范汪以留事朝廷以蜀道

險遠溫衆少而深入皆以為憂惟劉惔以為必克或問
其故惔曰以傳知之溫善博者也不必得則不為但恐

克蜀之後專制朝廷耳

集覽 侵軼左傳懼其侵軼我注軼突也音
直結反或又音逸溫善博者也不必
得則不為戰國時蘇代謂魏王曰恃之所以貴梟者
便則食不便則止即此意也注見周赧王四十二年

質實 江夏國名注見漢獻帝建安十三年袁喬陽夏人瓌之子

晉書卷之二十一 晉書卷之二十一

書法

不書表請何削之也曷為削之拜表順也不待

發明

按春秋隱四年書翬帥師會伐鄭左氏謂宋公

君之心故春秋削去公子以示貶至隱十年又書翬帥師會伐宋先儒謂羽父先期而往不待君命故春秋不氏以貶之以戒兵柄下移之失未幾果有鍾巫之變此聖人垂訓於經所以戒後世制治未亂辨之於早者也今馬晉之桓温舉兵伐蜀以一時利害計之未為失策然拜表報行不待朝命之及已非征伐自天子出之意其與翬之固請不待君命殆又甚之況其一舉成功則專兵跋扈蓋自此始綱目不書遣温伐漢而直書桓温帥師伐漢則其專報無君已見於此何待他時擁兵制朝廢立不臣而後見邪雖然晉之方鎮大率皆然何獨於温而貶之曰此晉之權網不舉所以終於不能克復者正坐此爾夫征伐天子之大權而使入臣執之得以專行于外其進其退率徇已私而朝議若無與焉者是以成則為桓温劉

未丁

三年趙建武十三年○是歲漢春三月桓温敗漢兵于笮

橋進至成都漢主勢降以為歸義侯

裕敗則為楮裒般浩綱目皆正色書之初未嘗有予家者尚鑒之哉

温軍至青衣漢大發兵趣合水以拒之諸將欲設伏於江南以待晉兵將軍督堅不從引兵向健為温軍至彭模議者欲分為兩軍異道俱進以分漢兵之勢袁喬曰今懸軍深入當合勢力以取一戰之捷萬一偏敗大事去矣不如全軍而進棄去釜餽三日糧以示無還心勝可必也温從之留參軍孫盛將羸兵守鞬重自將步卒直指成都進遇漢將李權三戰三捷漢兵走散督堅至健為乃知與温異道還至則温軍於成都之十里陌矣堅衆自潰勢悉衆出戰于笮橋温前鋒不利矢及温馬首衆懼欲退而鼓吏誤鳴進鼓表喬拔劍督士卒力戰遂大破之温乘勝長驅至成都縱火燒其城門漢人惶懼無復鬪志勢輿櫬面縛詣軍門温送勢於建康引

漢司空譙獻之等以為參佐舉賢旌善蜀人悅

之留成都三十日振旅還江陵詔封勢歸義侯

蜀郡青木縣昔公孫述據蜀唯青衣不賓光武嘉之因

改名漢嘉今嘉定府是舊經云古有青衣國與叙州相

鄰其人因賈至蜀遂求內屬因以名縣

竹箐為之箐音昨

改縣為蒙山縣屬蒙山郡隋改為名山縣屬臨邛郡唐

宋金元俱因之本朝省縣入州尋復置之改屬雅州

合水未詳處所彭模地名未詳處所輜重注見周顯王

三十六年箐橋在成都府城西四里輿觀面縛注見漢

後主炎興元年拆旅注見漢宣帝神爵二年

夏四月趙攻涼州張重華遣謝艾將兵擊破之

趙麻秋攻抱罕晉昌太守即坦欲棄外城武威太守張

俊曰棄外城則動衆心大事去矣固守大城秋帥衆八

萬圍塹數重雲梯地突百道皆進城中禦之秋衆死傷

數萬退保大夏張重華遣謝艾帥步騎三萬進軍臨河

艾乘輜車戴白帽鳴鼓而行秋望見怒曰艾年少書生

冠服如此輕我也命黑稍龍驤三千人馳擊之艾左右

大擾艾踞胡床指麾處分趙人以為有伏兵懼不敢進

別將張瑁自問道引兵截趙軍後趙軍退艾乘勢進擊

大破之趙王虎復遣孫伏都帥步騎二萬會秋軍長驅

齊河艾又破之虎嘆曰吾以偏師定九州今以九州之

力困於抱罕彼有**集覽**大夏左傳昭元年遷實沈于大

人馬未可圖也**集覽**夏主參即此杜預曰今太原晉

陽縣夏戶雅反括地志云今并州晉陽及汾絳等州

是輜車輜音遙徐廣曰馬車也服虔曰立乘小車也

誤麻秋攻抱罕退保大夏今按抱罕地在河西河州有

非晉陽也時晉陽**質實**抱罕縣名注見漢靈帝中平元

屬趙相去甚遠**質實**抱罕縣名注見唐莊宗同光

集覽青

趙築華林園

唐省入抱罕縣尋復置宋廢之故址在陝西

河州衛境內白帽巾名注見惠帝太安二年

通鑑綱目卷之二十一

趙主虎據十州之地聚歛財物不可勝記猶以為不足
悉發前代陵墓取其金寶沙門吳進言於虎曰胡運將
衰晉當復興宜若役晉人以厭其氣虎遂發近郡男女
十六萬人車十萬乘運土築華林苑及長牆于鄴北然
燭夜作暴風大雨死者數萬人郡國前後送蒼麟十六
白鹿七虎命司虞調之以駕芝蓋命太子宣祈福于山
川因行遊獵宣乘大輅羽葆華蓋建天子旌旗戎卒十
八萬出自金明門虎乘凌霄觀望之笑曰我家父子如
是自非天崩地陷當復何愁但抱子弄孫日為樂耳宣
所舍縱獵士卒饑凍死者萬餘人所過三州十五郡資
儲皆無子遺虎復命秦公鞏繼出自并州至于秦
雍亦如之宣怒其與已鈞敵宦者趙生勸宣除之

集覽

帝延熹九年
質實
平郡縣名注見漢獻帝建安十五年西
平郡名注見漢宣帝元康四年湟中

冬十月以張重華為涼州刺史西平公

遣侍御史俞歸授重華官爵重華欲稱涼王未肯受詔
使所親私謂歸曰主公奕世為晉忠臣今曾不如解卑
何也歸曰吾子失言昔三代之王也爵之貴者莫若上
公及周之衰吳楚始僭號稱王而諸侯亦不之非蓋以
蠻夷畜之也借使齊魯稱王諸侯豈不四面攻之乎漢
高祖封韓彭為王尋皆誅滅蓋權時之宜非厚之也聖
上以貴公忠賢故爵以上公任以方伯寵榮極矣豈鮮
卑夷狄所可比哉且吾聞之功有大小賞有重輕今貴
公始繼世而為王若帥河右之衆東平胡羯脩復
陵廟迎天子返洛陽將何以加之乎重華乃止

質實

楊初遣使稱藩詔以初為雍州刺史仇池公

質實

雍州注見唐玄

宗開元十一年京兆仇池
縣名注見惠帝元康七年

漢高祖封韓彭為王
事在漢高帝五年

四年趙建武秋八月趙太子宣殺其弟韜伏誅

秦公韜有寵於趙主虎欲立之以太子宣長猶豫未決宣謂所幸楊桓趙玄曰汝能殺韜當以韜之國邑分封

汝等韜死主上必臨喪吾因行大事幾不濟矣八月桓等殺韜虎哀驚氣絕久之方蘇將出臨其喪司空李農

諫曰害秦公者未知何人奎輿不宜輕出虎乃止既而事覺虎因宣殺之鄰北窮極慘酷縱火焚之虎遂中臺

觀之取灰分置諸門交道中殺其妻子九人宣小子總數歲虎素愛之抱之而泣欲赦之大臣不聽取殺之兒

挽虎衣大叫至於絕帶虎因此發病東宮衛士十餘萬人皆謫戍涼州

日即午道也楚世家顧據午道注質實猶豫注見秦昭襄王五十四年

加桓温征西大將軍

朝廷論平蜀之功欲以豫章郡封桓温左丞荀勗曰温若復平河洛將何以賞之乃加温征西大將軍開府儀

同三司封臨賀郡公温既滅蜀威名大振朝廷憚之會稽王昱以殷浩有盛名朝野推服乃引為心膂與參綜

朝權欲以抗温由是與温寢相疑貳浩以王羲之為護軍將軍羲之以為內外協和然後國家可安勸浩不宜

與温構隙集覽參綜正義曰參錯綜核也又質實志云浩不從

臨賀漢之縣名屬蒼梧郡吳以縣置臨賀郡宋改曰臨賀齊為臨賀國陳仍為郡隋廢郡置賀州大業初改臨

賀郡後又改綏越郡唐改賀州或為臨賀郡宋仍為賀州而臨賀縣常為治所元以桂嶺縣省入本朝初省

臨賀縣入州尋改州為縣屬平樂府王羲之琅邪臨沂人導從子

九月燕王皝卒世子儁立

考異

立當

考證

立當

既有疾召儁屬之曰今中原未平方資賢傑以經世務恪智勇兼濟才堪任重汝其委之陽七秋志行高潔忠

幹貞固可託大事汝質實夏暉曰中原謂中國即皇極善待之卒謚曰文

里是也士秋陽驚表字

趙立子世為太子

趙主虎議立太子太尉張舉曰燕公斌有武畧彭城公
遵有文德惟陛下所擇虎之拔上邳也將軍張射獲前
趙主曜幼女有殊色納於虎虎嬖之生齊公世射乃說
虎曰陛下再立太子其母皆賊故禍亂相尋今宜擇母
貴子孝者立之虎納其言令公卿上疏請之大司農曹
莫不肯署名虎問其故莫頓首曰天下重器不宜立少
故不取署虎稱其忠而不能用質實上邳縣名注見漢
遂立世為太子以劉昭儀為后光武建武八年

書法

少也遵之子不悉書書趙太子何譏立

冬十二月以蔡謨為司徒

謨上疏固讓謂所親曰我若為司
徒將為後代所哂義不敢拜也

五年趙太寧

考異

元分注元年下漏石鑿青龍

春正月趙王

虎稱皇帝趙謫戍梁犢反虎遣兵擊斬之

考異

擊當作

誅作

趙主虎以即位大赦故東宮高力等萬餘人謫戍梁州
行達雍城不在赦例高力督梁犢因眾怨作亂攻拔下
辨掠民斧施一丈柯攻戰若神所向崩潰長驅而東比
至長安眾已十萬樂平王苞盡銳拒之一戰而敗犢遂
趣洛陽虎遣李農統步騎十萬討之大敗虎大懼以燕
王斌為大都督統姚弋仲蒲洪等討之弋仲將其眾八
千餘人至鄴求見虎虎病未之見引入賜食弋仲怒口
主上召我來擊賊當面授方畧我豈為食來邪且主上
不見我我何以為知其存亡虎力疾見之弋仲讓虎曰兒
死愁邪何為而病兒幼時不擇善人交之使至於為逆
既誅之又何愁焉且汝久病所立兒幼汝若不愈天下
必亂當先憂此勿憂賊也犢等窮困思歸相聚為盜何
所能至老羗為汝一舉了之弋仲性狷直人無貴賤皆
敬之虎亦不之責賜以鎧馬弋仲曰汝看老羗堪破賊
否乃被鎧跨馬于庭中因策馬南馳不辭而出遂與斌
等擊犢於滎陽大破斬之虎命弋仲劔履上殿入朝不
趨進封平西郡公以蒲洪為雍

集覽

力疾勉力帶疾而

坐清曉老卷姚弋仲南安質實下辨郡名注見漢光武
赤亭卷人也故自稱老卷質實建武十一年樂平縣名
注見懷帝永嘉二年平西郡未詳沿
華畧陽郡名注見懷帝永嘉四年

夏四月趙主虎卒太子世立其兄遵弒之及其太后劉氏
而自立

趙主虎病甚以彭越王遵鎮關右燕王斌為丞相張豺
為鎮衛大將軍並受遺詔輔政劉后恐斌不利於太子
矯詔免歸第遵自幽州至鄴救朝堂受拜遣之涕泣而
去虎臨西閣龍騰中郎三百餘人列拜於前曰聖體不
安宜令燕王入宿衛典兵馬虎曰燕王不在內邪召以
來左右言王酒病不能入虎曰促持輦迎之當付璽綬
亦竟無行者尋惛眩而入豺遂矯詔殺斌虎卒世即位
劉氏臨朝稱制遵至河內聞喪姚弋仲蒲洪及征虜將
軍石閔等討梁犢還遇遵於李城共說遵曰殿下長且
賢先帝亦有意以為嗣末年惛惑為張豺所誤今若聲
豺之罪鼓行而討之其誰不開門倒戈以迎殿下者遵
從之遂還趣鄴耆舊羯士皆出迎之豺惶怖亦出迎遵

命執之擢甲曜兵入升前殿擗踊盡哀斬豺于市夷其
三族假劉氏令以導嗣位封世為譙王廢劉氏為太妃
尋皆殺之以石閔為都督中外諸軍事於是鄴中暴風
拔樹震雷雨雹大如孟升太武暉華殿災及諸門觀閣
蕩然無餘金石皆盡火月餘乃滅時沛王冲鎮薊起兵
討遵遵使閔等討之冲兵大敗獲冲殺之坑其士卒三
萬集覽鼓行頽師古曰謂擊鼓而行無所畏懼也雨雹
二十九秋大雨雹公羊傳注夫人專愛之所生穀梁
傳注雹者陰脅陽臣侵君之象陽氣之在水雨則溫熱
陰氣薄而脅之不質實彭成郡名注見秦始皇二十八
相入轉而成雹年河內郡名注見漢桓帝延熹
九年李城未詳處所譙郡名注見漢獻帝建安十四年
沛郡名注見漢成帝河平二年薊縣名注見漢帝玄更
年始二

書法

負芻以庶兄書殺秦王政十九年此則
蜀為以弒書及其太后則可以書弒矣

發明

石虎縱暴阻兵安忍方其登臺觀二子擢兵之
時笑謂我家父子如此自非天崩地陷當復何

愁然未幾一家骨肉自相屠割窮極慘毒國亦尋滅
無復遺育天地固未嘗崩陷也而羯賊父子果安在
哉綱目前書太子宣殺弟肅伏誅此書虎卒世立无
導弑之所以見積惡之報曉然如此世之欲以強暴
自固者可
以觀矣

蒲洪遣使來降

石閔言於趙主遵曰蒲洪人傑也今鎮關中恐秦雍之
地非復國家之有宜改圖之遵從之罷洪都督洪怒歸
枋頭遣質實枋頭地名注見
使來降成帝咸和八年

燕以慕容恪為輔國將軍

慕容霸上書於燕王儁曰石虎窮凶極暴天之所棄餘
燼僅存自相魚肉今中國倒懸企望仁恤若大軍一振
勢必投戈僞以新遭大喪弗許霸曰難得而易失者時
也萬一石氏復興或有英豪據其成資豈惟失此大利
亦恐更為後患僞猶豫未決將軍封奕慕輿根曰用兵
之道敵強則用智敵弱則用勢今中國之民困於石氏

之亂咸思易主以救湯火之急此千載一時不可失也
自武宣王以來招賢養民務農訓兵正侯今日若復顧
慮豈天意未欲使海內平定邪將大王不欲取天下也
僞從之以慕容恪慕容評陽鶩為三輔將軍霸為前軍
都督選精兵二十餘萬質實武宣王慕容廆卒子
請武戒嚴為進取之計武宣王慕容廆卒子

秋七月征討都督褚裒率師伐趙不克而還

桓溫聞趙亂出屯安陸遣諸將經營北方趙揚州刺史
王浹舉壽春降西中郎將陳達進據壽春征北大將軍
褚裒上表請伐趙即日戒嚴直指泗口朝議以裒事任
貴重不宜深入宜先遣偏師裒奏言前已遣前鋒王願
之等徑造彭城後遣督護糜嶷進據下邳今宜速發以
成聲勢乃加裒征討大都督裒帥眾三萬徑赴彭城北
方士民降附者日以千計朝野皆以中原指期可復蔡
謨獨謂所親曰胡滅誠為大慶然恐更貽朝廷之憂其
人曰何謂也謨曰夫能順天乘時濟群生於艱難者非
主聖與英雄不能為也其餘則莫若度德量力觀今日
之事殆非時賢所及必將經營分表疲民以逞既而材
畧踈短不能副心財殫力竭智勇俱困安得不憂及朝

廷乎魯郡民五百餘家起兵附晉求援於袁哀遣部將
王龕將銳卒迎之與趙將李農戰於代陂敗沒不還哀
退屯廣陵陳達亦焚壽春積聚毀城道還袁還鎮京口
解征討都督時河北大亂遺民二十餘萬口渡河欲來
歸附會哀已還威勢不接
集覽 分表分劑
皆不能自校死亡畧盡
表外也
正誤 分表今

省註分列屯戍畫境而守疲民以逞其志也如集覽說
則分字去聲猶言分外謂經營分量之外也亦通王羲
之諫殷浩北伐敗喪云以

前事為未工復求之分外
質實 安陸縣名注見新莽地
皇二年壽春縣名注見

秦王政六年泗水之口注見秦始皇二十八年下
邳縣名注見漢高帝六年魯郡注見周太祖廣順二年

曲阜代陂未詳處所廣陵郡名
注見漢武帝元朔五年淮南

書法 哀亦表請矣不書表請書征討都督何朝命也
書朝命則雖不書表請可也與先書移鎮襄陽

後書詔以為都討
者異矣建元元年

發明 恢復與兼并異兼并謂之貪兵恢復謂之義兵
晉失中原子孫有能為恢復之計者皆當予之

故前書桓宣及趙戰于丹水敗績此書褚哀帥師伐
趙不克而還皆無貶詞一以存中國之體二以伸義
士之氣三以示不忘讐恥之心其與春秋書乾時之
戰雖敗亦榮者同意固非予其窮兵黷武也君子詳
觀綱目所書之
旨思過半矣

九月張重華自稱涼王

重華屢以錢帛賜左右又喜博奕頗廢政事索振諫曰
先王勤儉以實府庫正以讐耻未雪志平海內故也今

畜積已虛而冠讐尚在豈可輕有耗散以與無功之人
乎漢光武躬親萬機章奏詣闕報不終日故能隆中興

之業今章奏停滯下情不得上通沈寃
集覽 索振姓名
困於國圖殆非明主之事也重華謝之

何氏姓苑曰**質實** 博奕應劭云博局戲也奕圍棋也
索姓出敦煌

里周曰國爾雅曰國領也
國禦也領錄囚徒禁禦也

梁州刺史司馬勳伐趙拔宛城

通鑑綱目卷之二十一 晉書 梁州刺史司馬勳伐趙拔宛城

趙樂平王苞謀帥關右之眾攻鄴苞貪而無謀雍州豪傑知其無成並遣使告晉梁州刺史司馬勳帥眾赴之出駱口破趙成壁于懸鉤去長安二百里三輔豪傑多殺守令以應之趙主遵遣王朗帥精騎二萬以拒勳為名因劫苞送鄴勳兵少不敢進

集覽

駱口駱谷口也駱谷注見漢後主延

熙七年懸鉤城名屬京

質實

梁州注見周報王四年漢

兆在長安縣西二百里

質實

中宛城注見周報王十七

書法

於是趙雍州豪傑不樂其帥遣使告晉勳帥眾赴之既而以兵少不敢進技宛城而還則小勝

也大書伐趙何予義且伐趙也

冬十一月趙石鑒弒其主遵而自立

初趙主遵之發李城也謂閔曰努力事成以爾為太子既而立太子衍閔素驍勇屢立戰功既總內外兵權乃撫循殿中將士中書令孟準勸遵誅之十一月遵召義陽王鑒等入議於鄭太后前太后不可鑒出告閔閔遂

劫李農使將軍蘇彥周成帥甲士執遵及太子衍殺之推鑒即位鑒以閔為大將軍李農為大司馬弁錄尚書

質實

義陽郡名注見梁武帝太清二年

書法

弒遵者石閔也其書鑒何於是遵將殺閔與鑒謀之鑒以遵謀告閔又受其立則首惡也書鑒

主謀者兄越也書曰立其弟期則期亦與聞乎弒而

已非也

發明

考之分注石遵之死乃石閔殺之今綱目乃歸獄於鑒何哉按春秋昭十三年書楚公子比自

晉歸于楚弒其君虔于乾谿考之左氏乃公子棄疾召比瘡而立之楚子虔遂縊于乾谿然春秋不書棄

疾弒君而書公子比者比受其所立怵於利而忘其義故被以大惡而不可辭其事正與石鑒如出一轍

綱目取法春秋故不書閔而書鑒者此也夫以夷狄醜類自相魚肉而綱目推原首惡正名定罪畧不少

忽則其於中國從可知矣噫此綱目所以非君子莫能脩也歟

秦雍流民立蒲洪為主

秦雍流民相帥西歸路由枋頭共推蒲洪為主衆至十餘萬鑿懼其過欲以計遣之乃以洪為雍州牧洪會官屬議應受與否主簿程朴請且與趙連和分境而治洪怒曰吾不堪為天子耶引朴斬之

十二月徐兗都督褚裒卒以荀羨監徐兗軍事

考異

軍字上漏

字州

裒還至京口聞哭聲甚多以問左右對曰皆代陵死者之家也裒慙憤發疾卒以羨代之時羨年二十八中興方伯未有如**質實**荀羨諱陰羨之少者人松之子

趙石閔幽其主鑿殺胡羯二十萬人

趙主鑿使樂平王苞夜攻石閔李農不克鑿懼偽若不農鑿曰卿好為官陳力勿慮無報也於是伏都等攻閔農又不克閔農攻斬伏都等以兵守鑿於御龍觀懸食

給之下令城中曰孫劉構逆支黨伏誅良善一無預也今日以後與官同心者留不同者各任所之敕城門不

禁於是趙人百里內悉入城胡羯去者填門閔知胡之不為已用遂帥趙人誅胡羯無貴賤男女少長皆斬之死者二十餘萬其屯戍四方者皆命趙人為將帥者誅之或高鼻多鬚濫死者半

發明

天道好生而惡殺出乎爾者必反乎爾羯賊縱暴戾刈晉民不啻草菅今馬元惡既斃假手石閔殘戮其種雖未足以償晉人受禍之慘然亦足見天道好還之意矣書殺胡羯二十萬人雖快之也亦哀之也

燕遣使如涼州

約張重華共擊趙

六年

趙主石祗永寧元年。魏主冉閔永興元年。春閔舊大國一涼代燕小國三新大國一凡五僭國

正月趙石閔殺鑿而自立改國號魏

考異

提要殺作弑按當從提要而鑿

戊庚

上漏其
主二字

閔欲滅去石氏之迹託以讖文有繼趙李更國號曰衛
易姓李氏時新興王祗鎮襄國公侯卿校出奔從之者
萬餘人諸將張沈張賀度等擁眾各數萬亦皆不附於
閔汝陰王琨帥眾伐鄴閔與戰於城北敗之遂與李農
擊張賀度于石瀆鑿密召張沈使乘虛襲鄴官者以告
閔農廢鑿殺之奔殺趙主虎三十八孫盡滅石氏司徒
申鐘等上尊號於閔閔以讓農農固辭閔曰吾屬故晉
人也請與諸君分割州郡各稱牧守公侯奉迎天子還
都洛陽何如尚書胡睦曰陛下聖德應天宜登大位晉
氏衰微遠竄江表豈能總馭英雄混一四海乎閔曰尚
書可謂識機知命矣乃**質實**新興郡名注見孝武帝太
即皇帝位國號大魏元九年襄國郡名注見楚
義帝元年汝陰郡名注見齊主寶
卷永元二年石瀆地名未詳處所

書法

前書幽其主鑿矣此其不書弑何鑿閔同弑其
君則賊一也賊殺賊而已矣是故石閔石鑿同
弑其君而閔殺鑿則書殺而不書弑張顯徐温同弑
其君而温殺顯則書殺而不書弑此綱目之權衡也

發明

楚公子棄疾齊弑其君庚于乾谿而春秋歸獄
公子比臣前已論之矣至比已立為君而死春
秋則以棄疾殺公子比書之先儒謂比之去就死生
行止遲速皆國人所為而此未嘗可否安得為棄疾
之君故春秋但以殺公子比書之今綱目於石閔之
事雖前已書幽其主鑿而此則以殺鑿書之者其事
正與楚公子比相類故也又况石氏窮凶極惡而閔
乃晉之故民本姓冉氏初非羯賊之種故天假手誅
之綱目書殺而不書弑既本春秋之旨又以見
貴華賤夷之意怨閔所以惡羯也其旨嚴矣

以殷浩督揚豫等州

考異

提要州下有
軍事二字

朝廷聞中原大亂復謀進取故以浩為中軍將軍督
揚豫徐兗青州蒲洪為征北大將軍督河北諸軍事

蒲洪自稱三秦王改姓符

姚弋仲蒲洪各有據關右之志弋仲遣其子襄擊洪洪
迎擊破之自稱大都督大將軍大單于三秦王改姓符
氏以雷弱兒梁楞**集覽**改姓符注見懷帝
魚遵段陵為將相**集覽**永嘉四年蒲洪

二月燕王儁擊趙拔薊城徙都之

燕王儁與慕容霸慕與于將兵二道出塞以伐趙趙守將皆走儁遂拔薊欲悉阮其士卒霸諫曰趙為暴雲王與師伐之將以拯民於塗炭而撫有中州也今始得薊而阮其士卒恐不可以為王師之先聲乃釋之儁入都丁薊中州士女降者相繼燕兵至范陽太守李產欲為石氏拒燕象莫為用乃帥八城令長出降儁悉置幽州郡縣守宰質實范陽郡名注見漢引兵還薊質實玄更始二年涿郡

魏主閔復姓冉氏

閔以李農為太宰錄尚書事遣集覽復姓冉氏閔本姓使者持節赦諸軍屯皆不從

王石勒獲之命石虎養以為子

故趙將麻秋殺苻洪洪子健斬秋遣使來請命

初趙將麻秋為苻洪所獲以為軍師將軍說洪曰冉閔石祗方相持中原未可平也不知先收關中基業已固

然後東爭天下洪深然之既而秋因宴鶴洪欲并其眾世子健收秋斬之洪謂健曰吾所以未入關者以為中

州可定今不幸為監子所困中州非汝兄弟所能辦我死汝急入關言終而卒健代統其眾乃去王號稱晉官

爵告喪集覽中州猶言中

書法故趙將何予義也然則郭循亦故魏臣也殺漢費偉後主延熙十六年何以書盜逆順之辭也

書斬不書誅趙將也

趙石祗稱帝於襄國

祗既稱帝六夷據州郡擁兵者皆應之祗以姚弋仲為右丞相待以殊禮弋仲子襄雄勇多才祗以為驃騎將軍又以苻健為鎮南大將軍

魏殺其太宰李農

魏主閔既殺農遣使臨江告晉曰逆胡亂中原今已誅之能共討者可遣軍來也朝廷不應

夏五月廬江太守袁真攻魏合肥克之質實廬江郡名注見漢景帝五年

年合肥縣名注見漢獻帝中平五年。杜洪據長安符健擊敗之

王朗聞趙亂自長安赴洛其司馬杜洪據長安自稱晉征北將軍關西夷夏皆應之符健欲取之乃治宮室於枋頭諫民種麥示無西意既而自稱晉征西大將軍都督關中雍州刺史悉眾而西以魚遵為前鋒為浮梁以

濟孟津遣弟輔國將軍雄帥眾五千自潼關入兄子揚武將軍菁帥眾七千自軹關入臨別謂菁曰若事不捷汝死河北我死河南不復相見既濟焚橋自帥大眾隨雄而進洪使張先逆戰于潼關之北大敗走還洪懼固

守長安軹關在軹關名曰軹在軹關音紙質實孟津注見漢帝玄更

獻帝建安十六年一統志云軹關在懷慶府濟源縣西

故趙將張賀度等會兵討魏不克

趙故將張賀度等會于昌城將攻鄴魏主閔自將擊之戰于蒼亭賀度等大敗盡俘其眾而歸閔戎卒三十餘

萬旌旗鉦鼓百餘里鉦鼓注見漢元帝建昭三年昌城

石氏之盛無以過也鉦鼓注見漢元帝建昭三年未詳

處所蒼亭未詳

書法故趙將何子義也故得書討然則庶秋亦義也何以止書殺閔弒君賊也非符洪比矣終綱目

書故將七詳漢高帝五年惟利幾公師藩為譏辭

魏主閔徵故散騎常侍辛謚為太常謚不食而卒

故晉散騎常侍隴西辛謚有高名歷劉石之世徵辟皆不就魏主閔備禮徵為太常謚遺閔書以為物極則反

致至則危君王功已成矣宜因茲大捷歸身晉集覽朝必有由夷之廉享喬松之壽矣因不食而卒

則危注見周赧王四十二年必有由夷之廉享喬松之壽氏許夷伯夷喬王喬松赤松子也戰國秦策蔡澤

說范睢曰君何不歸相印讓賢者授之必有由夷之廉長為應侯世稱孤而有喬松之壽孰與以禍終哉皇

甫謚高士傳曰許由字武仲聞堯致天下而讓焉乃遁於箕山伯夷商未孤竹君長子也父卒伯夷讓弟叔齊

於箕山伯夷商未孤竹君長子也父卒伯夷讓弟叔齊

注而逃於首陽山喬松之壽
見漢昭帝元平元年
質實 隴西郡名注見秦王

書法

卒者三龔勝陳龜辛謚皆節士也周亞夫不食而
而死不與焉終綱目書徵賢二十有一書不
至八書不屈不就

發明

胡羯迭據中原智能之士亦往往有立其朝者
未必不以隨世就功名自詭使皆能如辛謚之
知義亦何不可之有劉石辟召既皆不就至冉閔召
之遂不食而卒綱目特書故散騎常侍蓋明其不失
臣節故存其生爵以貴之爾君
子觀此可不安於義命也歟

秋九月燕狗冀州取章武河間

初渤海賈堅少尚氣節仕趙為殿中督及趙亡堅還鄉
里擁部曲數千家燕慕容評狗渤海招之不降與戰擒
之以為樂 **質實** 冀州注見秦二世二年信都章武郡名
陵太守 **質實** 注見帝奕太和四年河間郡名注見漢
帝玄更始二年一統志云渤海黃之郡名治浮陽縣東
漢徙治南皮晉為渤海國宋為渤海郡後魏置滄州隋

為渤海郡治陽信後徙治清池唐改滄州天寶初改景
城郡乾元初復為滄州唐末置義昌軍五代梁改順化
軍唐改橫海軍宋改長蘆入清池金陞臨海軍屬河北
東路元改隸河間路本朝仍為滄州以清池縣省入
屬河間府樂陵郡名注
見宋明帝泰始三年

冬十一月符健入長安遣使來獻捷

健長驅至長安杜洪奔司竹健以民心思晉乃遣參軍
杜山伯詣建康獻捷并修好於桓温於是秦雍夷夏皆
附 **質實** 司竹園名注見隋煬帝大業十三年秦州名注
之 **質實** 見漢光武建武元年天水雍州名注見唐玄宗

開元十一年
年京兆

十二月免蔡謨為庶人

謨除司徒三年不就職詔書屢下終不受於是帝臨軒
遣侍中黃門徵之謨陳疾篤自旦至申使者十餘返時
帝方八歲甚倦問左右曰所召人何以至今不來臨軒
何時當竟太后乃詔罷朝會稽王昱令曹曰蔡公傲違

上命無人臣之禮若人主卑屈於上大義不行於下亦不復知所以為政矣公卿乃奏請送廷尉謨懼帥子弟素服詣闕稽顙自到廷尉待罪殷浩欲加謨大辟會荀羨入朝語浩曰蔡公今日事危明日必有桓文之舉苟乃止詔免人

集覽

桓文之舉齊桓晉文五霸之巨者挾天謨為庶人

挾天子而謀誅汝矣蓋謂桓溫諸人也

書法

免例有三免某官者無罪之辭也某以罪免者有罪之辭也某免者薄乎云爾之辭也書免蔡謨無罪也然則曷為不書官於是

讓不就三年於此矣書司徒則謨未受命也書光祿大夫則前領司徒已書之矣故於此止書名

發明

孔子君命召不俟駕而齊王欲見孟子則辭以疾後世不敢以孟子為非而亦不敢不以孔子為是二者孰從而折衷之蓋孔子之不俟駕正孟子所謂當仕有官職而在孔子則事君盡禮者也若夫孟子則齊王託疾以邀其朝而孟子又居賓師之位非食其祿而臣之者故惡其詐而辭之爾非曰要君

傲上以為高也蔡謨在晉誠為表表然方之孔子則有間矣安有天子臨軒百官布列若待神明謨乃傲然偃蹇自旦至申使者十餘返而不至哉且使者往返之時必明言所以而謨亦必明知臨軒久候之意其心何以前倨而後恭邪况謨甫陳疾篤隨即詣闕又待罪何前倨而後恭邪况謨甫陳疾篤隨即詣闕又皆謨忽視幼君下視同列之故爾使其果遇美果之君朝綱振肅必不敢爾至嚴浩欲處以大辟則又過矣綱目書免蔡謨為庶人於未免而已削其官則其免之宜也觀者試思之

亥辛

七年

趙永寧二魏永興二年○秦主苻健皇始元年○是歲趙亡舊大國一涼代燕小國三新大國一凡五僭

考異

秦高祖苻健春正月日食○鮮卑段龕以青州來

降

初段蘭死於今支龕領其眾因石氏之亂南徙廣固至是來降以為鎮北將軍封齊公

集覽

廣固青州

縣名漢地志齊郡有廣縣晉地道記廣
縣在東莞郡按東莞今莒州沂水縣是
曹嶽所築有大澗甚廣因曰廣固在青
州益都縣西四里實慕容超所都處
咸康四年一統志云廣固城名在青州府城
山之陽晉永嘉末前趙於此築城有大澗甚廣
固故名後為
劉裕所夷

正誤

廣固今按

質實

今支縣名注見成帝

苻健自稱秦天王

健左長史賈玄碩等請依劉備稱漢中王故事表健為
都督關中諸軍事大單于秦王健怒曰吾豈敢為秦王
邪且晉使未返我之官爵非汝曹所知也既而密使梁
安諷玄碩等上尊號遂即天王大單于位國號大秦

二月魏主閔園趙主祗於襄國姚弋仲及燕王儁遣兵救之

魏主閔攻襄國百餘日趙主祗危急乃去帝號稱王遣
太尉張舉乞師於燕許送傳國璽將軍張春乞師於姚

弋仲弋仲造其子襄救之誠襄曰冉閔棄仁背義屠滅
石氏我受人厚遇當為復讐老病不能自行汝才十倍
於閔若不梟擒必不復見我也燕王儁遣悅將兵往
會之閔遣中郎常煒使於燕儁使封裕詰璽所在煒曰
在鄴裕曰張舉言在襄國何也煒曰彼求救者為妄與
之辭爾儁乃積柴其旁使裕以其私誘之煒辭不變左
右請殺之儁曰彼不憚殺身以殉其主忠臣也使出就
館夜使其鄉人往勞之且曰君何以不實言王怒欲處
君於遼碣之聚柰何煒曰吾結髮以來尚不欺布衣况
人主乎曲意苟合性所不能直情盡言雖沈東海不敢
避也遂卧向壁不復言儁乃囚之於龍
城後知張舉之妾乃殺舉而釋煒之囚
也遼水出高句麗在遼陽郡之比碣石在北
平郡驪城縣西南河口之地今平州之南
見漢光武建武三年遼水注見漢昭烈章
武元年碣石山注見秦始皇三十二年

集覽

遼碣遼水與碣石山

質實

傳國璽注

三月魏主閔及趙燕姚襄之兵戰敗績

考異

提要作魏兵敗績

姚襄及趙石琨各引兵東救襄國魏主閔遣將軍胡睦
拒襄於長蘆孫威拒琨於黃丘皆敗還閔欲自出擊之

衛將軍王泰諫曰今襄國未下外救雲集若我出戰必
腹背受敵此危道也不若固壘以挫其銳徐觀其變而
擊之道士法饒進曰太白入昴當殺胡王百戰百克不
可失也閱攘袂大言曰吾戰決矣敢沮衆者斬乃悉衆
出與襄魏戰悅縮適以燕兵至去魏兵數里疏布騎卒
曳柴揚塵魏人望之恟懼襄魏縮三面擊之趙王祗自
後衝之魏兵大敗閱與十餘騎走還鄴將士死者十萬
餘人姚襄還灑頭姚弋仲怒其不擒閱杖之一百閱之
為趙相也所徙青雍幽荆之民及氏羗胡蠻數百萬口
以趙法禁不行各還本土道路交錯互相殺掠其能達
者十有二三中原大亂因質實一統志云長蘆古地名
以饑疫人相食無復耕者質實本漢參戶縣地隋初置
長蘆縣并置漳河郡後廢唐屬滄州宋省入清池縣今
為都轉運鹽使司治所故址在河間府舊滄州西北四
十四里黃丘地名未詳處所太白入昴質實晉天文志云昴
元年昴宿名西陸大梁之次胃昴畢也晉天文志云昴
胡星也若動推主胡兵大起
灑頭注見成帝咸和八年

趙遣其將劉顯伐魏不克

趙王祗使其將劉顯攻鄴閱悉衆出戰大敗顯軍斬首
二萬餘級頭懼密使請降求殺祗以自效閱乃引歸

秦遣使問民疾苦

秦王嬴政分遣使者問民疾苦搜羅僞異寬重斂之稅弛
離宮之禁罷無用之器去侈靡之服凡趙之苛政不便
於民者皆除之

夏四月司馬勳會杜洪等兵擊秦敗還

杜洪遣使召梁州刺史司馬勳勳帥步騎三萬赴之秦
王健禦之於五丈原勳屢戰皆敗退歸南鄭健以賈玄
碩始者不上尊號銜之使集覽五丈原索隱曰在扶風
人告玄碩與勳通殺之集覽鄠縣城中南鄭注見周
安王十質實五丈原注見漢後
五年質實主建興十三年

書法

晉加秦兵書伐此其書擊何
會杜洪也綱目正誼不謀利

趙劉顯弑其主祗而自立○秋八月魏徐充荆豫洛州來

降質實

洛州注見秦若燕慕容恪取中山

恪入中山遷其將帥土豪數千家詣中山春秋白

蕪餘皆按堵軍令嚴明秋毫不犯中山國名注見周

姚弋仲遣使來降

詔以弋仲為車騎大將軍六夷大都督子襄為平北將軍督并州

冬十二月桓溫移軍武昌尋復還鎮

初桓溫請經畧中原事久不報知朝廷杖殷浩以抗已甚忿之然素知浩之為人亦不之憚以國無他釁遂得

相持彌年雖有君臣之跡羈縻而已八州士眾資調殆不為國家用屢求北伐不聽至是拜表輒行帥眾四五

萬順流而下軍于武昌朝廷大懼浩欲去位以避溫又欲以騶虞幡駐溫軍吏部尚書王彪之言之於會稽王昱

曰若浩去職人情離駭必有任其責者非殿下而誰乎又謂浩曰彼若抗表問罪卿為之首欲作匹夫豈有

地邪且當靜以待之令相王手書為陳成敗彼必旋師若不從則遣中詔又不從乃當以正義相裁奈何無故

忽忽先自猖蹶乎浩曰決大事正自難頃日來欲使人悶聞卿此謀意始得了撫軍司馬高崧為昱草書曰寇

難宜平時會宜接此實為國速圖經畧大策能弘斯會非足下而誰然異常之舉眾之所駭遊聲等皆想足下

亦少聞之苟或望風振擾一時崩散則望實並喪社稷之事去矣吾與足下雖職有內外安社稷保家國其致

一也當先思寧國而後圖其外區區誠懷豈可顧嫌而不盡哉溫即上疏惶恐致謝回軍還鎮○朝廷將行郊

祀昱問於亮謂非宜凶愚之人必將生心於微倖矣昱往往有赦愚謂非宜凶愚之人必將生心於微倖矣昱

從資調資財調賦相王會稽王昱等皆聚語也詩

也望實並喪今按不若解作質實王彪之琅邪臨

正誤外望與事實所包者廣質實沂人區區小貌

書法書移軍何罪溫也維書尋復還鎮而桓溫

發明桓溫跋扈不臣綱目前書帥師伐漢已論之矣今此書移軍武昌尋復還鎮則其專輒自如惟

子壬

意所欲其罪尤不可掩然晉朝雖知其非卒亦無如之何僅能致書諭之而已直筆書之交譏之也

八年

魏永興三秦皇始二年。燕主慕容儁元。是歲魏亡大二小二凡四僭國

考異 提要 分注

作燕烈祖

慕容儁 春正月朔日食。秦王建稱皇帝

建以單于統壹百蠻非天子所宜類以授太子長

杜洪司馬張琚殺洪自稱秦王

杜洪張琚屯宜秋洪自以右族輕琚琚遂殺洪而自立

質實

宜秋聚名注見漢帝玄更始元年

魏克襄國殺劉顯遷其民於鄴

書法

劉顯嘗書殺其主矣此其不書討何不討予而已矣故

止書殺

趙汝陰王琨來奔斬之

質實

汝陰郡名注見齊主寶卷永元二年

石氏 遂絕

發明

石氏窮凶極惡今其醜類來奔戮之宜矣故特書之

殷浩使督統謝尚荀羨進屯壽春張遇據許昌叛降下秦

尚書左丞孔嚴言於殷浩曰比來衆情良可寒心不知使君將何以鎮之愚謂宜明受任之方韓彭專征伐蕭

曹守管籥深思庶簡屈身之義平勃交歡之謀令穆然無間然後可以保大定功降附之徒皆人面獸心恐難

以義感也浩不從立疏請北出許洛以謝尚荀羨為督統進屯壽春初魏豫州牧張遇以州來降至是尚等不

能撫慰之遇怒據許昌叛降于秦浩軍不能進命羨鎮下邳

漢高帝

質實

韓彭謂韓信彭越蕭曹謂蕭何曹參廉關

歡之謀事在漢高后七年豫州注見漢光武建武十九年汝南許昌縣名注見漢後主建興十年

書法

張遇之叛尚激之也必書殷浩使何罪使董卓功罪書使歸其上也是故呂布之誅董卓

通鑑綱目卷之二十一

晉書卷之二十一

四

書王允使漢獻帝初平三年謝尚之激張遇書殷浩使是年祿山之敗於奚契丹書張守珪使唐玄宗開元二十四年皆歸功罪其上者也

三月姚弋仲卒子襄率眾來歸詔屯譙城

弋仲有子四十二人及病謂諸子曰石氏待吾厚本欲為之盡力今已滅矣中原無主我死汝亟自歸於晉當執臣節無為不義也及襄與秦兵戰敗遂帥眾歸晉詔襄屯譙城襄單騎渡淮見謝尚于壽春尚聞其名命去伏衛幅巾待之歡若平生襄博學善談論江東人士皆重之

質實

譙城注見漢獻帝建安十四年

發明

弋仲羞也其卒不書死何弋仲雖夷而有向華之心其戒子之言也晉室大亂中原無主自古

以來未有戎狄作天子者我死汝便歸晉竭臣節無為不義之事嗚呼弋仲親見劉石之稱皇帝而言無戎狄作天子其心蓋亦知其黨類僭竊之非奈何中國之人反助夷以侵華甚者又稱獎而進之其視弋仲豈但天淵哉

夏四月燕慕容恪等擊魏大破之執其主閔以歸殺之

魏主閔既克襄國因遊食常山中山諸郡夏燕王偽遣恪等擊之閔趣常山恪追及於魏昌之廉臺燕兵十戰皆不勝閔素有勇名所將兵精銳燕人憚之恪巡陳論將士曰閔勇而無謀一夫敵耳其士卒饑疲甲兵雖精其實難用不足破也閔所將多步卒將趣林中恪參軍高開曰吾騎兵利平地若閔得入林不可復制宜亟遣輕騎邀之既合而陽走誘致平地然後可擊也恪從之魏兵還就平地恪分軍為三部謂諸將曰閔性輕銳又自以眾少必致死於我我厚集中軍之陳以待之俟其合戰卿等從旁擊之無不克矣乃擇鮮卑善射者五千人以鐵鎖連其馬為方陣而前閔乘千里馬左操雙刃矛右執鉤戟以擊燕兵斬首三百餘級望見大幢知其為中軍直衝之燕兩軍從旁夾擊大破之圍閔數重閔潰圍東走其馬忽斃為燕兵所執送於龍城斬之遣慕容評帥精騎攻鄴魏大將軍蔣幹及太子智閑城拒守城外皆降於燕

集覽

襄國注見漢王劉邦元年

質實

廉臺未詳處所龍城注見

常山注見漢光武建武九年夏作一

句讀時維四月魏昌縣名屬中山

帝奕太和四年和龍

五月秦主健擊張琚斬之。魏人遣使請降

鄴中大饑人相食故趙時官人被食畧盡將幹遣侍中繆嵩奉表請降且求救於謝尚

六月謝尚得傳國璽獻之

獻之當作來獻

初謝尚使戴施枋頭施開將幹求救乃帥壯士百餘人入鄴助守三臺給幹得傳國璽宣言使督護何融起糧陰令懷璽送于枋頭

質實

三臺注見晉懷帝永嘉六年

謝尚攻張遇于許昌秦人救之尚等敗績殷浩退屯壽春

考異據上書張遇據許昌叛則此攻字當作討

尚與姚襄共攻張遇秦主健遣丞相東海王雄等救之戰于穎水之誠橋尚等大敗奔還淮南殷浩自許昌退屯壽春雄徙遇及陳穎許洛之民五萬餘戶於關中以楊群為豫州刺史鎮許昌尚降既建威將軍

集覽

陳穎二州質實東海國名注見秦二世二年鄭穎水注屬開封見漢後主建興二年許昌縣名注見漢

獻帝興平元年陳穎許洛四州名陳注見周赧王三十七年穎注見梁武帝天監二年許注見漢獻帝興平元年許昌洛注見秦莊襄王元年三川

書法張遇前書叛矣此其不書討書攻何遇之叛尚激之也書叛以正遇罪而謝尚不書討權衡之

辭也

秋八月燕慕容評攻鄴克之遂留守鄴。○九月殷浩進屯

泗口

浩之北伐也中軍將軍王羲之以書止之不聽既而無功復謀再舉羲之遺浩書曰今以區區江左天下寒心固已久矣力爭武功非所當作自頃處內外之任者未有深謀遠慮而疲竭根本各從所志竟無一功可論遂令天下將有土崩之勢任其事者豈得辭四海之責哉今軍疲於外資竭於內保淮之志非所復及莫若還保

長江督將各復舊鎮自長江以外羈縻而已引咎責躬
更為善治省其賦役與民更始庶可以救倒懸之急也
若猶以前事為未工復求之於分外宇宙雖廣自容何
所此愚智所不解也又與會稽王昱戲曰今雖有可喜
之會內求諸已而所憂乃重於所喜功未可期遺黎殲
盡以區區吳越經緯天下十分之九不亡何待而不度
德量力不弊不已此封內所痛心歎悼者也願殿下先
為不可勝之基須根立勢舉謀之未晚浩不從進屯泗
口遣戴施據石集覽封內謂封質實羈縻注見漢昭帝
門劉邀戍倉垣集覽疆之內質實元鳳元年會稽國
名注見漢和帝永元元年石門山名注
見漢光武建武八年倉垣未詳處所

罷遣太學生徒

浩以軍興罷遣太學生徒學校由此遂廢

發明

文德者帝王之利器威武者文德之補助嘗聞
投戈以講藝矣未聞廢學以從戎者也殷浩虛
名誤國處非其任今乃以軍興之故至於罷遣太學
生徒然朝論亦無有非之者直筆書之可愧甚矣

冬十月謝尚攻許昌克之○十一月燕王儁稱皇帝

故趙將擁兵據州郡者各遣使降燕群僚共上尊號儁
許之始置百官即皇帝位詐言獲傳國璽改元元璽時
晉使適至燕儁謂曰汝還白汝天子我承人之為中國
所推已為帝矣改司州為中州建留臺於龍都以為乙逸
為尚書專集覽我承人之謂無人可為帝我承此空質
委留務集覽乏也左傳成二年韓厥曰攝官承乏質

實

司州注見秦莊襄王元年三州龍都即龍城注見晉
帝奕太和四年和龍中州注見楚義帝元年新安

九年秦皇始三年燕夏五月張重華攻秦上邽拔之詔進重

華涼州牧○秋七月秦殺其司空張遇

初張遇降秦秦主健以為司空而納其繼母韓氏為昭
儀數於衆中謂遇曰卿吾假子也遇耻之陰結關中豪
傑欲滅苻氏以其地來降事覺伏誅於是關中豪
傑數人各擁衆數萬遣使來請兵秦皆攻滅之質實

關中注見唐文宗開元十一年

丑癸

書法

張遇為秦司空陰結豪傑欲滅符氏則反也其
以無罪書殺何遇欲滅秦以降晉是徒義也綱
目勸反正
故其辭怒

殷浩遣兵襲姚襄不克冬十月遂率諸軍北伐襄邀敗之

浩走譙城

姚襄屯歷陽將士浩在壽春惡其疆盛囚襄諸弟屢遣刺
也田訓厲將士浩在壽春惡其疆盛囚襄諸弟屢遣刺
客刺之客皆以情告襄浩潛遣將軍魏憬帥眾五千襲
之襄斬憬奔其眾浩愈惡之遷襄蠡臺表授梁國內史
襄益疑懼遣參軍權翼使於浩浩曰身與姚平北共為
王臣平北每舉動自專甚失輔車之理翼曰平北英姿
絕世擁兵數萬而遠歸晉室者以朝廷有道宰輔明哲
故也今將軍輕信讒慝與之有隙謂猜嫌之端在此而
不在彼也浩曰平北生殺自由又掠吾馬王臣之體固
若是乎翼曰姦宄之人亦王法所不容也殺之何害浩
曰然則掠馬何也翼曰將軍謂平北雄武難制終將討
之故取以自衛耳浩笑曰何至是也初浩陰遣人誘秦

梁安雷弱兒使殺秦主統許以關右之任弱兒等偽許
之且請兵應接浩聞張遇作亂以為安等事成遂自壽

春帥眾七萬北伐欲進據洛陽脩復園陵王彪之上會
稽王昱戲以為容有詐偽未應輕進不從浩以襄為前

驅襄度浩將至偽遁而陰伏甲以邀之浩追至山桑襄
縱兵擊之浩大敗棄輜重走保譙城襄倖斬萬餘悉收

其資仗使兄益守山桑而復如淮南昱
謂彪之曰君言無不中張陳無以過也

梁國屬豫州輔車左傳僖五年輔車相依唇亡齒寒注
輔頰輔也車牙車也音尺奢反周易成其輔頰舌注輔

如字馬云上頷也虞作龠云耳目之間也說
文輔頰骨也牙車牙所載也張陳張良陳平

注見漢冲帝未嘉元年平北謂姚襄蓋襄為平北將軍
故云一統志云山桑漢之縣名屬沛郡光武時上常封

山桑侯即此晉隋屬譙郡故城在鳳陽府蒙城縣北州
七里今城內有亭基陵阜高峻又注見懷帝永嘉五年

書法

也襄無罪而浩襲之浩之罪也綱目惡首禍故
浩書襲而襄不書反至浩免而襄降燕則襄
以叛書而桓溫書討矣浩軍書遂譏不備也

發明 去春方書姚襄率眾來歸詔屯譙城未聞有反側之意殷浩乃無故遣兵襲之既不能克又復使之前驅是驅之使叛也浩之所為乖繆若此乃欲經畧中原其敗宜矣綱目據事直書所以著浩之失不然襄既歸朝而又邀敗王帥則必以反書之矣

十一月西平公張重華卒子曜靈立 **考異** 當去張姓立當作嗣

重華有疾曜靈纔十歲立為世子重華庶兄祚有勇力吏幹而傾巧善事內外與嬖臣趙長等結異姓兄弟謝艾以抱罕之功有寵左右諧之出為酒泉太守艾上言權倖用事公室將危乞聽臣入侍且言祚及長等將為亂宜盡逐之重華疾甚手令徵艾輔政祚長等匿而不宣重華卒曜靈立稱涼州刺史西平公長等矯遺令以祚輔 **質實** 酒泉郡名注見漢政 武帝元朔三年

十二月姚襄徙屯盱眙 **質實** 襄濟淮屯盱眙招掠流民眾至七萬分置守宰勸課農桑遣使詣建康罪狀殷浩并自陳謝

縣名注見秦二世二年建康郡名注見漢獻帝興平二年金陵淮水名注見漢石主建興二年以謝尚都督江西淮南軍事 **鎮歷**

涼州廢其主曜靈立張祚為涼公 **考異** 按名號例曰僭稱涼州廢其刺史曜靈書主乃傳誤矣 帝者曰主據分注

燕以慕容霸守常山 慕容恪屢薦霸有命世之才宜總大任故燕王用之 **質實** 常山郡名注見漢光武建武九年

十年 秦皇始四燕元璽二年春正月張祚自稱涼王 祚自稱涼王改元置百官郊祀天地尚書馬岌切諫坐免官郎中丁琪復諫曰自武公以來世守臣節抱忠履

官甲 晉書卷之二十一 晉書卷之二十一

謙故能以一州之眾抗舉世之虜師徒歲起民不告疲
今而自尊則中外離心安能以一隅之地拒天下之疆
敵乎祚大 **贊賞** 武公謂張軌也愍帝建興
二年張軌卒謚曰武穆

殷浩以罪免為庶人徙信安以王述為揚州刺史

浩連年北伐師徒屢敗糧械都盡桓溫因朝野之怨上
疏請廢之朝廷不得已免浩為庶人徙之信安自此內
外大權一歸於溫矣浩少與溫齊名而心競不相下溫
嘗輕之浩既廢黜雖怨不形辭色常書空作咄咄怪
事字久之溫謂掾郝超曰浩有德有言饗為令僕足以
儀刑百揆朝廷用違其才耳將以浩為尚書令以書告
之浩欣然許焉將答書慮有謬誤開閉者十 **集覽** 書空
數竟達空函溫大怒由是遂絕卒於徙所 **集覽** 書空
咄咄事字世說殷浩被廢終日常畫書張空作字揚州
吏人尋議逐之竊視唯作咄咄惟事四字而已按咄咄
驚恠聲增韻注吐咄咄語也范雲至殿門不得入但云
咄咄亦此意杜甫對雪詩愁坐正書空喜晴詩咄咄空
咨嗟皆 **贊賞** 一統志云信安本秦會稽郡大末縣地名
援此耳 **贊賞** 東漢置新安縣晉改曰信安屬東陽郡隋

初屬婺州唐初置衢州治此咸通中始改西安
宋光仍舊本朝因之為衢州府治所仍屬焉

書法 庾翼褚哀皆北伐無成者也綱目無責焉浩則
曷為以罪書襲姚襄以取賂浩之罪也故雖桓

溫疏請
不書

發明 殷浩之廢不出於朝廷而出於桓溫何不以桓
溫奏免殷浩書之浩率意自用連年喪師溫因

朝野之怨疏請廢之奏雖在溫而罪則在浩故但書
浩以罪免而不及溫若曰浩非有能免之者浩自以
罪免也既曰罪矣則
溫雖不請庸可已乎

二月桓溫帥師伐秦

溫統步騎四萬發江陵水軍自襄陽入均口至南鄉 **集**
步兵自浙川趣武關命司馬勳出子午道以伐秦

覽 均口在均川漢地志丹水東流折入均水
南鄉漢南鄉郡晉改順陽郡後魏復為南鄉屬荊州

鄉音向浙川後魏以南鄉郡分置浙川縣隋置浙陽郡
浙音先的反字從手非武關注見周赧王四年子午道

注見漢後主

正誤

南鄉今按

質實

一統志云均水在襄陽府均州前漢地理

志丹水東流入均水南鄉古地名一名沙堰東漢置南鄉縣屬南陽郡晉屬順陽郡隋浙州治此後廢之故城

在南陽府南陽縣一百里浙陽郡注見漢帝玄更始元年折

書法

嘗書桓温帥師伐漢矣於是復書桓温帥師伐秦罪專也故後雖一書其功而專行之罪則不

可以功掩所以示臣子之大義也

姚襄叛降於燕。夏四月桓温大敗秦兵于藍田進軍灊

上三輔皆降

桓温別將攻上洛獲秦荊州刺史郭敬進擊青泥破之秦主健遣太子萇等帥眾五萬拒温戰于藍田秦兵大敗温轉戰而前進至灊上萇等退屯城南健與老弱六千固守長安小城悉發精兵三萬遣大司馬雷弱兒等與萇合以拒温三輔郡縣皆來降温撫諭居民使安堵復業民爭持牛酒迎勞男女夾路觀之耆老有垂泣者

曰不圖今日復觀官軍

集覽

藍田注見周報王三年

質實

上洛縣名注見元帝太興元年荊州

注見漢獻帝建安十二年青泥關名注見秦二世三年峽關灊上地名注見秦王政二十三年灊水

燕以慕容恪為大司馬

燕王儁以恪為大司馬錄尚書事封太原王評為司徒封上庸王霸為吳王德為梁公暉為中山王陽鶩為司空初燕王號奇霸之才故名之曰霸將以為世子群臣諫而止然寵遇猶踰於世子由是儁惡之以其嘗墜馬折齒更名曰缺尋以其庶識文更名曰垂遷侍中錄留臺事徙鎮龍城垂大得東北之和儁愈惡之遂召還

質實

上庸郡名注見周報王十一年

五月江西流民叛降姚襄詔屯兵中堂謝尚入衛

江西流民郭敞等千餘人執陳留內史劉仕降於姚襄建康震駭以尚書周閔為中軍將軍屯中堂謝尚自歷陽還衛京師

質實

陳留國名注見周顯王二十九年京師注見周顯王二十五年

通鑑綱目卷之二十一

晉書卷之三

五十一

桓温及秦兵戰不利六月師還

北海王猛少好學倜儻有大志不屑細務人皆輕之猛
悠然自得隱居華陰聞温入關披褐詣之捫虱而談當
世之務旁若無人温異之問曰吾奉天子之命將銳兵
十萬為百姓除殘賊而三秦豪傑未有至者何也猛曰
公不遠數千里深入敵境今長安咫尺而不度灞水百
姓未知公心所以不至温嘿然無以應徐曰江東無卿
比也乃署猛軍謀祭酒温與秦丞相雄等戰于白鹿原
温兵不利死者萬餘人初温指秦麥以為糧既而秦人
悉芟麥清野以待之温軍乏食徙關中三千餘戶而歸
欲與猛俱還猛辭不就秦太子萇等隨温擊之比至潼
關温軍屢敗失亡以萬數符雄擊司馬勳勳亦奔還漢
中温之屯灞上也順陽太守薛珍勸温徑進逼長安温
弗從珍以偏師獨濟頗有所獲及温退乃還集覽披褐
顯言於魯自矜其勇而咎温之持重温殺之披褐
作被平聲褐被衣帶也杜甫醉時歌被褐短窄鬢如絲
注褐毛褐之衣賤者所服孟子衣褐趙岐曰以毛毳織
之前書張良傳老父衣褐顏師質實北海郡名注見漢
占曰褐制若裘今道士所服

猛劇人華陰縣名注見漢獻帝興平二年長安縣名注

見漢惠帝五年灞水注見秦王政二十三年一統志云

白鹿原在西安府藍田縣西五里周平王時有白鹿遊

此晉書符離與桓冲戰於白鹿原即此順陽郡名注見

惠帝永興二年

發明桓温不臣綱目既著其專輒之迹矣至其有功

有經濟之才儻有英主驅而用之弔伐遺黎克復舊

壤有不難者惟晉無駕馭之君故温有踐奄之志至

其經畧之功則不可掩故上書大敗秦兵進軍灞上

者序其績也此書戰秦不利六月師還者諱其敗也

凡此類皆以尊中國之體存正統之義此固綱目貴

華賤夷之旨豈以温故而輕重其筆哉要在觀者味
而思之也

秦東海王苻雄卒

秦主健弟東海王雄卒健哭之嘔血曰天不欲吾平四
海邪何奪吾元才之速也雄以佐命元勳位兼將相權

外乙

伴人主而謙恭汎愛遵奉法度故律重之常曰元才吾
之周公也子堅襲爵堅性至孝幼有志度博學多能交
結英豪呂婆樓彊汪及
畧陽梁平老皆與之善
其兩切者云氏姓符秦
后強氏當時多此姓

秦大饑

十一年 秦主苻生壽光元年燕元
壘四年○凉去年號
考異 當圈下分注凉王春

二月秦大蝗

百草無遺牛
馬相噉毛

夏秦立子生為太子

秦太子苻萇拒桓温中流矢死淮南王生幼無一日性
暴其祖洪常戲之曰吾聞瞎兒一淚信乎生怒引佩刀
自刺出血曰此亦一淚也洪大驚鞭之生曰性耐刀
不堪鞭捶洪謂律曰此兒狂悖宜早除之不然必破人

家徒將殺之雄曰兒長自應改何可遽爾及長乃舉千
鈞手格猛獸走及奔馬擊刺騎射冠絕一時彊后欲立
少子晉王柳秦王律以識文
有三羊五眼乃立生為太子
殺之
曰格

姚襄據許昌

襄所部多勸北還
襄乃進據許昌

六月秦主健卒太子生立

健勤於政事數延公卿咨講治道承趙人苛聖奢侈之
後易以寬簡節儉崇儒禮士由是秦人悅之至是寢疾
引太師魚遵丞相雷弱兒太傅毛貴司空王墮尚書令
苻太僕射梁安段純等受遺詔輔政謂太子生曰六夷
酋帥及大臣執權者若不從汝命宜漸除之律卒生即
位大赦改元群臣奏曰未踰年而改元非禮也生怒窮
推議主得段純殺之司馬公曰顧命大臣所以輔導嗣
子為之羽翼也而教使剪之能無斃乎知其不忠則勿

通鑑綱目卷之二十一 晉書卷一百一十五 五十二

任而已矣已任大柄又從而猜之鮮有不召亂者也

秋九月秦殺其后梁氏及太傅毛貴等

中書監胡文言於秦主生曰比有星孛于大角熒惑入東井不出三年國有大喪大臣戮死願陛下脩德以禳之生日皇后與朕對臨天下可以應大喪矣乃殺皇太后及車騎梁僕射受遺詔輔政可以應大臣矣乃殺皇太后及毛貴梁僕射受遺詔輔政可以應大臣矣乃殺皇太后及

毛貴梁僕射受遺詔輔政可以應大臣矣乃殺皇太后及

集覽 大角注見漢成帝元延三年東井注見漢武帝元封元年

閏月凉州弒其君祚立張玄靚為凉王

凉王祚淫雪上下怨憤惡河州刺史張瓘之彊使索孚代之瓘斬孚起兵傳檄州郡廢祚復立瓘瓘將軍宋混合眾萬餘人以應之祚殺瓘靈混聞之為之發哀軍至姑臧張瓘弟琚開門納之趙長等懼罪入閣呼張重華母馬氏立瓘靈弟玄靚為主諸將攻長等殺之祚素失眾心莫肯為之鬪者遂見殺梟其首城內咸稱萬歲混琚上玄靚為大將軍西平公復稱建興四十二年時玄靚始七歲瓘至推為凉王自為都督中外諸軍事尚書

今以混為尚書僕射 **晉寶** 河州注見永和三年姑臧一縣名注見元帝建武元年

發明 廢曜靈而立祚者長史趙長諸人也及祚為淫虐國怨憤不安其黨又從而殺之祚之失眾如此乃以弒書何哉凉州不道曜靈初無罪惡輕於廢立故祚死反以弒君之罪加之一國之人若曰祚不足以為君而君之者凉州之人也夫既君之而又殺之是舉一州之人皆弒君之賊爾凡此類皆以誅賊亂之黨弭篡殺之漸援本塞源之論為萬世戒也此與春秋書齊弒其君商人同意

冬十月詔謝尚鎮壽春。十一月燕慕容恪擊段龕

龕與燕主儁書抗中表之儀非其稱帝儁怒遣恪擊之

十二月秦殺其丞相雷弱兒

弱兒性剛直以僕射趙韶董榮亂政每公言於朝見之常切諫韶榮譖之於秦主生殺弱兒及其九子二十七孫於是諸羗皆有離心生雖在諒陰遊飲自若鸞弓露乃以見朝臣鍾錡鋸鑿備置左右即位未幾后妃公卿

下至僕隸凡
殺五百餘人
諒陰注見漢昭
帝元平元年

辰丙

十二年秦壽光二年春正月燕慕容恪大破段龕兵進圍

廣固質實見永和七年

段龕弟熙驍勇有智謀言於龕曰慕容恪善用兵加之
眾甚若聽其濟河進至城下恐難乞降不可得也請兄
固守熙帥精銳拒之於河幸而戰捷兄帥大眾繼之若
其不捷不若早降猶不失於千戶侯也龕不從熙固請
不已龕怒殺之恪遂引兵濟河龕帥眾拒戰恪大破之
龕友辟間蔚被創恪聞其賢遣使求之則已死矣龕還
城固守恪集覽辟間蔚辟間復姓注見元帝大
進軍圍之興元年蔚名也音尉又紆弗反

秦殺其司空王墮

墮性剛峻董榮及侍中彊國皆以佞幸進墮疾之如讐
會有天變榮國言於生曰宜以責臣應之生乃殺墮

涼州遣使稱藩于秦

秦晉王柳遣參軍閻負梁殊使於梁張璠見之曰我晉
臣也臣無境外之交二君何以來辱負殊曰晉王與君
隣藩故來修好君何怪焉璠曰吾盡忠事晉於今六世
矣若與征東通使是上違先君之志下隳士民之節其
可乎負殊曰晉室衰微久矣涼之先王北而二趙唯知
機也今大秦威德方盛涼王若欲自帝河右則非秦之
敵欲以小事大則曷若捨晉事秦長保福祿乎璠曰中
州好食言嚮者石氏使車適返而戎騎已至吾不敢信
也負殊曰張先楊初皆阻兵不服先帝討而擒之赦其
罪矣寵以爵秩固非石氏之比也璠曰必如君言秦之
威德無敵何不先取江南天下盡為秦有征東何辱命
焉負殊曰江南不先取江南之俗道汚先叛化隆後服
為主上以
為江南必須兵服河右可以義懷故遣行人先申大好
若君不達天命則江南得延數年之命而河右恐非君
之土也璠曰我跨據三州帶甲十萬西苞葱嶺東距大
河伐人有餘况於自守何畏於秦負殊曰貴州山嶺之
固孰若嶠函民物之饒孰若秦雍杜洪張琚因趙氏成
資有囊括關中席卷四海之志先帝戎旗西指冰消雲
散旬月之間不覺易主主上若以貴州不服赫然奮怒
控弦百萬鼓行而西未知貴州將何以待之璠笑曰茲

事當決之於王非身所了負殊曰涼主雖英睿夙成然
年在幼冲國家安危繫君一舉耳權懼乃以玄觀之命
遣使稱藩於秦秦因玄集覽臣無境外之交記檀弓上
觀所稱官爵而授之

出竟又郊特牲曰為人臣者無外交聘弓鏃矢不出境梁
傳隱元年寰內諸侯不正其外交聘弓鏃矢不出境

疏云古者以弓矢相聘問臣無竟外之交故弓質實食
矢不出竟場文身之俗注見漢武帝建元六年

楊子重黎篇或問信曰不食其言注不食言者謂言既
出則當信而行之所謂不食若一出言而不依其言而
行則如自食其言也葱嶺西域山名注見漢武帝元鼎
三年峭函峭山名注見漢獻帝建安十年函關名注見

陳文帝天嘉六年囊括注見漢桓帝永嘉元年括囊
見漢桓帝永嘉元年括囊
以桓温為征討大都督督諸軍討姚襄

温請移都洛陽脩復園
陵不許而詔温討襄
書法帥師以何君命也與直書
帥師而削其官者異矣

發明姚襄前此歸晉未幾為殷浩所襲故綱目專罪
殷浩然為襄者盡申告于朝或能束身自詰則
晉朝亦必有以處之既不能然乃叛降于燕則是下
喬入谷忘其先人遺訓者也又况招納叛民震動京
邑則襄非前日之襄矣是以綱目前書其叛此書討
之皆正名以定其罪襄雖欲曲辭其惡不可得也况
桓温屢駕戎車惟此書以為都督則見其出於朝命
而襄之罪尤著矣狼子野心果可以純臣待之乎

夏四月秦太后彊氏以憂卒
長安大風發屋投木秦宮中驚擾或稱賊至宮門晝閉
五日乃止秦主生推告賊者刻出其心彊太后第平諫

曰天降災異陛下當愛民事神緩刑崇德以應之乃可
弭也生怒鑿其頂而殺之太后以憂恨卒生復下詔曰
朕受天命君臨萬邦有何不善而謗讟之音翦滿天下
殺不過千而謂之殘虐行者比有未足為希方當峻刑

極罰復如朕何自去春以來潼關之西至于長安虎狼
食人羣臣請禱之生曰野獸饑則食人飽當自止何攘
之有且天豈不愛民哉正以
犯罪者多故助朕殺之耳

秋八月桓温敗姚襄于伊水遂入洛陽修謁諸陵置戍而

還考異

提要修

質實

伊水注見漢高后三年

發明

自中原淪陷諸陵廢祀雖有忠臣義士徒能北望慨想而已今温進軍討伐遂能入洛脩謁亦足少伸臣子之情矣綱目詳而書之蓋予之也

○襄北走據襄陵

初魏將周成降晉反據洛陽姚襄攻之踰月不克長史王亮諫曰今頓兵堅城之下力屈威挫或為他寇所乘此危道也襄不從桓温自江陵北伐遣督護高武據魯陽將軍戴施屯河上自帥大兵繼進與寮屬登平乘樓望中原嘆曰遂使神州陸沉百年丘墟王夷甫諸人不得任其責記室袁宏曰運有興廢豈必諸人之過温作色曰昔劉景升有千斤大牛噉芻豆十倍於常牛負重致遠曾不若一羸犢魏武入荊州殺以享軍至伊水襄撤圍拒之匿精銳於水北林中遣使謂温曰承親帥王師以來襄今奉身歸命願物三軍小却當拜伏路左

温曰我自開復中原展敬山陵無豫君事欲來便前何煩使人襄拒水戰敗奔北山襄勇而愛人雖戰屢敗民

知襄所在輒扶老携幼馳而赴之温追之不及弘農楊亮自襄所來奔温問襄之為人亮曰襄神明器宇孫策

之儔而雄武過之周成帥眾出降温屯金墉謁諸陵修毀壞各置陵令表謝尚鎮洛陽令穎川太守毛穆之等

戍之徙降民三千餘家於江漢之間襄奔平陽

秦并州刺史尹赤復以衆降襄遂據襄陵

陸沉神州中國也注見懷帝永嘉五年陸高平地沉溺也神州陸沉謂中原淪沒也猶王道陵夷之義韻會注

陵夷言王道頽替若丘陵之漸平夷也左傳哀元年伍員曰二十年之外吳其為沼乎此亦陸沉之意史記東方朔傳陸沉於俗索隱曰司馬遷曰謂無水而沉之是也丘墟空城也前漢息夫躬傳寄居丘亭師古曰丘空

也賈誼傳社稷為虛詩定之方中篇升彼虛矣注虛通作墟朱氏曰故城也夷甫王衍字景升三國魏劉表字

質實魯陽縣名注見漢獻帝初平元年北山注見漢文帝三年弘農郡名注見周顯王四十五年金墉城名注見魏元帝咸熙二年穎川郡名注見秦二世三年平陽郡名注見周威烈王二十三年襄陵縣名注見周

頭王十
七年

書法

修陵必書重山陵也終綱日書
修陵五詳漢獻帝初平元年

冬十月朔日食。十一月段龕降燕慕容恪悉定齊地。

燕諸將請急攻廣固恪曰用兵之勢有宜緩者有宜急者若彼我勢敵外有疆援恐有腹背之患則攻之不可不急若我疆彼弱無援於外當羈縻守之以待其斃兵法十圍五攻正謂此也龕兵尚衆未有離心今憑阻堅城上下戮力我盡銳攻之計數旬可拔然殺番士卒必多矣自有事中原兵不暫息吾每念之夜而忘寐奈何輕用其死乎要在取之不必求功之龕嬰城自守樵采路人感悅於是為高墻深塹以守之龕嬰城自守樵采路絕城中人相食龕百縛出降恪撫安新民悉定齊地龕竟為僞所殺并阮其從三千人

集覽

十圍五攻

孫子兵法曰十則圍之五則攻之謂以衆擊寡也

遣司空車灌如洛陽脩五陵

詔遣灌等持節如洛陽修五陵帝及群臣皆服總臨於太極殿三日

升平元年

秦主苻堅永興元年

考異

提要分注作秦世祖堅

春正月朔帝

冠太后歸政徙居崇德宮

書法

徙辭有二徙太后某宮者逆辭也太后徙某宮者善辭也終綱日書太后徙居二太后遷居一

太后歸某宮一太后居某宮一皆善辭也詳漢昭帝元平元年

燕以乙逸為左光祿大夫

逸自幽州刺史被徵夫婦共載鹿車子璋從數十騎服飾甚麗奉迎於道逸大怒閉車不與言到城深責之璋猶不悛逸常憂其敗而璋更被擢任歷中書令御史中丞逸乃歎曰吾少自脩立克已守道僅能免罪璋不治節儉專為奢縱而更居清顯此豈唯璋之忝幸實時世之陵夷也

質實

幽州注見唐高祖武德四年鹿

車如淳曰鹿車者謂車之狹小僅容一鹿或以人推之故曰鹿車

巳丁

二月太白入東井

秦有司奏太白罰星東井秦分必有暴兵起京

集覽

太白

師秦主生曰太白入井自為渴耳何足怪乎

罰星東井秦分天官書祭日行以處位太白日庚辛主

殺亡失者罰出太白東井雍州星也漢天文志太白西

方秋金義也言也人主義虧言失逆秋令傷金氣罰見

太白孫炎注爾雅云太白晨出東方高三丈命曰啓明

昏見西方高三舍命曰長庚皆金星也以其先日而出故謂

之啓明以其後日而入故謂之長庚蓋金星二星常附

日行而或先或後但金大水小故獨以金星為言也太

史公曰秦之彊也候在太白正義曰東井八星秦之分

野太白西方之星故秦占候也又太白經天注見唐高

祖武德九年東井注

見漢武帝元封元年

遂據黃落秦遣廣平王黃眉東海王堅將軍鄧越

襄將圖關中進屯杏城卷胡及秦民歸之者五萬餘戶

夏四月姚襄據黃落秦遣兵擊斬之第養以眾降秦

襄堅壁不戰卷謂黃眉曰襄為桓温所敗銳氣喪矣然

其為人彊狼若鼓譟揚旗直壓其壘彼必忿恚而出可

一戰擒也乃帥騎三千壓其壘門而陳襄怒出戰卷陽

敗走襄追至三原卷迴騎擊之黃眉等以大眾繼至襄

六月秦苻堅弑其君生自立為天王

生夢大魚食蒲又長又謹曰東海大魚化為龍男皆為

王女為公生乃誅魚選及其子孫自以眇目諱言殘缺

偏隻少無不具之類諛犯而死者不可勝數剝人面皮

使之歌舞以為樂群臣得保一日如度十年東海王堅

素有時吝與故姚襄參軍薛讚權翼善讚翼密說堅宜

早為計勿使他姓得之堅以問尚書呂婆樓婆樓曰僕

刀環上人耳不足以辨大事僕里舍有王猛者其人謀

畧不世出宜請而咨之堅因婆樓以招猛一見如舊友

謀誼呼貌三原縣名注

見唐代宗廣德元年

杏城鎮名注見漢獻帝建安十七年黃落地名

未詳處所廣平郡名注見漢武帝元封四年

黃眉東海王堅將軍鄧越

語及時事堅大悅自謂如玄德之遇孔明也會太史令
康權言於生曰昨夜三月並出字星入太微連東井自
去月上旬沉陰不雨以至於今將有下人謀上之禍生
怒以為妖言撲殺之夜對侍婢言曰阿法兄弟亦不可
信明當除之婢以告堅及堅兄清河王法也與梁平老
帥壯士潛入雲龍門堅與呂婆樓帥麾下繼進宿衛將
士皆舍仗歸堅生猶醉寐堅兵殺之堅以位讓法曰
汝嫡嗣且賢宜立堅乃去帝號稱大秦天王誅生倖臣
董崇趙韶等三十餘人大赦改元立子宏為太子法為
丞相弟融為陽平公子丕為長樂公李威為左僕射呂
婆樓為司隸校尉王猛為中書侍郎又以權翼為黃門
侍郎薛讚為中書侍郎與猛並掌機密融好文李明辯
過人耳聞則誦目過不忘力敵百夫善騎射擊刺少有
令譽堅愛重之常與共議國事融經綜內外刑政脩明
薦才揚滯補益弘多丕亦有文武才幹治民斷獄皆亞
於融威苟太后之姑子也生屢欲殺堅賴威營救得免
威知王猛之賢常勸堅以國事任之堅謂猛曰集覽
李公知君猶鮑叔牙之知管仲也猛以兄事之星
入太微春秋文十四年有星孛入于北斗注字音佩楷
康音勃海字韻會注字或作第穀梁傳曰字之為言猶

弗也范甯解云刘向曰第星亂臣之類言邪亂之臣將
並弑其君也又有星孛于注見漢武帝元封元年太微

注見漢景帝後三年撲殺投質寶陽平郡名注見孝武
擲而擊殺之也撲弼角反

名注見秦二世二年信都李公謂李威也

發明 以生之狂悖不道猶以弑書何哉商辛暴雷微
子比干皆其庶兄非無賢德然而寧忍於絕祀

竟不敢取而代者守君臣之定分安義命之常理
也符堅夷狄固不足以責此然綱常所在未始以夷

狄而遂泯綱目正名定罪歸獄於堅所以
杜弑殺之禍嚴萬世之防也其慮深矣

秋七月秦冀州牧張平降

平故趙將據新興鴈門西河太原上黨上郡之地壁壘
三百餘夷夏十餘萬戶初降燕又降秦至是來降欲以

中立質寶新興郡名注見孝武帝太元九年鴈門郡名
自固質寶注見秦王政三年西河郡名注見周威烈王

二十三年太原郡名注見齊明帝建武三年上黨郡
名注見周赧王五十三年上郡注見秦王政三年

晉書卷之二十一 晉書卷之二十一

八月立皇后何氏

故散騎侍郎準之女也禮如咸康而不賀

集覽

禮如咸康成帝咸康二年立皇后杜氏帝臨軒遣使備六

禮逆 **賞** 何準潛人元之第

冬十一月燕徙都鄴

燕主僞夢趙上虎齧其臂乃發虎墓求屍不獲購以百金得於東明觀下僵而不腐僞數其殘暴之罪而鞭之

投於漳水

秦王堅殺其兄東海公法

秦太后苟氏遊宣明臺見東海公法之第門車馬輻湊恐終不利於秦王堅乃與李威謀賜法死堅與法訣於東堂慟哭嘔血封其子陽 **管賞** 輻湊注見漢文帝五年為東海公敷為清河公 **管賞** 清河縣名注見漢安帝建元元年并陵

書法

殺法者苟太后李威也堅乃慟哭與訣者其首書堅何誅心也不書堅殺則挾詐者得以欺世

矣

發明

當堅行弒之時固嘗以位遜法上辭而不取今乃恐其不利於已而殺之何哉且法既能辭其

可取於位號未定之初豈復垂涎位號於已辭既定之後此則理之曉然者然法之死本出於太后苟氏之意今但歸惡於堅何邪堅為一國之主大權在手苟知法不當死豈不能保而全之乃使之無辜受戮則是堅知而殺之也尚誰咎哉堅在五胡誠為白眉然弒君殺兄首書于冊其本已不正矣他時雖欲克終尚可得乎

秦以王猛為尚書左丞

秦王堅行至尚書以文案不治免左丞程卓官以王猛代之舉異才脩廢職課農桑恤困窮禮百神立學校旌節義繼絕世秦民大悅

燕作銅雀臺質實

銅雀臺注見懷

以王彪之為左僕射

二年秦亦興二燕

春正月秦王堅擊張平降之

光壽二年

秦王堅自將擊平以鄧羗為前鋒軍于汾上平使養子
耗禦之耗多力趨捷能曳牛却走超越高城堅募人生
致之鄧羗禽之以獻平衆大潰乃降拜右將軍以耗
為虎賁中郎將常置左右秦王稱羗耗皆萬人敵

安七年

秋八月以謝萬監司豫等州軍事

會稽王昱欲以桓溫弟雲為豫州刺史僕射王彪之曰
溫居上流已割天下之半其弟復處西藩女權萃於一
門非深根固蒂之宜也昱乃更以謝萬代之王羲之與
溫牋曰謝萬才流經通使主廊廟固是後來之秀今以
之俯順荒餘則違才易務矣又遺萬書曰以君邁往不
屑之韻而俯同群辟誠難為意也然所謂通識正當隨

事行裁耳願君每與士卒之下者
同甘共苦則盡善矣萬不能用

集覽

群辟群僚百辟也書周官六服

群辟注辟

質實

謝萬陽夏人安之弟

秦大旱

秦王堅戒膳徹樂命后妃以下悉去羅
紕開山澤之利息兵養民旱不為災

秦殺其特進樊世

王猛日親幸用事勲舊多疾之樊世本氏豪佐秦主徒
定關中謂猛曰吾輩耕之君食之邪猛曰非徒使君耕
之又將使君炊之世大怒曰要當懸汝頭於長安城門
不然吾不處世猛以白堅堅曰必殺此老氏然後百寮
可肅會世入言事與猛爭論於堅前世欲
起擊猛堅怒斬之於是群臣見猛皆屏息
蔽也息者氣息從鼻出者也頽
師古曰屏藏其氣息言懼甚也

書法

書殺何甚秦也樊世之死世稱任賢不貳
者或取焉綱目以殺書之所以存勲舊也

集覽

屏息屏必郢反

燕擊張平平復降燕○久燕陷河南

泰山太守諸葛攸攻燕東郡入武陽燕王儁遣大司馬
恪擊之攸敗走還泰山恪遂渡河畧地分置守宰儁欲
遂經營秦晉令州郡校實見丁戶留一丁餘悉發為兵
欲使步卒滿一百五十萬期來春大集洛陽劉貴上書
極陳百姓凋弊發兵非法必致土崩之變儁善之乃更
令三五發兵以來冬集鄴時燕調發繁數官司各遣使
者道路旁午郡縣苦之太尉封奕奏請非軍期
嚴急不得遣使自餘賦發皆責成州郡從之
謂見在民丁也所謂丁者人壽百年為期一幹十年則
丁當四十疆壯之時故曰丁也又注見孝武帝太元十
四年全丁半丁使者道路旁午索隱曰言使者之多也
鄭玄曰一縱一橫謂之旁午漢霍光傳使者旁午顏師
古曰旁午質實泰山郡名注見秦始皇二十八年武陽
縣名注見
漢獻帝初
平二年

荀羨伐燕不克而還以郝曇督徐兗軍事

考異 軍上滿 州字

燕泰山太守賈堅也山莊羨引兵擊之堅所將纔七百
餘人羨兵十倍堅歎曰吾自結髮志立功名而每值窮
阨豈非命邪與其屈辱而生不若守節而死乃開門直
出羨兵四集會之遂拔山莊羨謂堅曰君父祖世為晉
臣奈何肯本不降堅曰晉自棄中華非吾叛也民既無
主彊則託命既已事人安可改節吾束脩自立涉趙歷
燕未嘗易志君何忽忽相謂降乎羨怒執置雨中數日
憤惋而卒燕青州刺史慕容塵遣司馬悅明救泰山羨
兵大敗燕復取山莊燕主以堅子恬為任城
太守羨疾篤徵還以郝曇督徐兗軍鎮下邳
即今東昌府莊平縣在山莊縣東北莊士之反字或作
莊漢地理志泰山郡有在縣顏師古曰莊仕疑反或音
淄東海為莊侯國東脩自立謂自檢束脩飾而立身也
漢延篤傳吾自東脩以來注束脩謂束帶脩飾鄭玄言
論語曰謂年十五以上也又伏湛傳自行束脩訖無
玷郝曇姓名也案史紹通鑑釋文於漢獻帝時郝慮注
郝綺戟反於晉元帝時郝鑒注郝且之反有此差異未
詳唯大宋重脩廣韻六脂內收此字注郝姓出高平此
為可質實一統志云山莊秦之縣名屬東郡漢改為莊
據平縣治在山之平地曰莊故以名縣東漢屬

濟北國三國魏屬平原郡晉徙治聊城縣界興利鎮北
濟廢入聊城唐復置尋省之金時劉豫復置元仍舊
本朝因之屬東昌府在城郡
名注見漢明帝永平十三年

燕使慕容垂守遼東

燕吳王垂娶段末柀女生子令寶段氏才高性烈自以
貴姓不尊事可足渾后后街之中常侍涅浩希旨告段
氏為巫蠱欲以連汚垂收下廷尉考驗終無撓辭故垂
得免禍而段氏竟死獄中出垂為平州刺史鎮遼東垂
以段氏女弟為繼室可足渾后黜之
以其妹妻垂垂不悅由是益惡之

集覽

可足渾代北三字姓前燕

後燕之望姓也可
音榼渾胡昆反

質實

平州注見秦王政三年右
北平遼東郡名注同上年

未巳

三年秦甘露三年

春二月燕主宴群臣于蒲池

初燕太子暉早死立其弟暉至是燕主僞宴群臣語及
周太子晉潛然流涕曰才子難得自景先之亡吾鬚髮
中白卿等謂景先何如司徒長史李績對曰懿懷太子
至孝聰敏沈毅疾諛好學多藝謙恭好施僞曰卿譽之

雖過然此兒在吾死無憂矣景茂何如時太子暉侍側
續曰皇太子天資岐嶷然好遊畋而樂絲竹此其所以
為損也僞顧謂暉曰伯陽之言藥
石之惠也汝宜誠之暉甚不平

集覽

周太子晉周靈王太子名晉字

子喬故曰王子晉或曰王子喬道士浮丘公接而上嵩
高山遂乘白鶴得仙而去潛然流涕詩大東篇潛然出
涕注潛涕下貌音所姦反說文云潛涕流貌音山晏反
涕音體景先太子暉之字岐嶷詩生民篇克岐克嶷注
岐知意也嶷識也箋云岐岐然意有所知也其貌嶷嶷
然有所識別也岐其宜反疑魚極反文公集傳曰岐嶷
峻茂**質實**蒲池未詳處所景茂太子
之狀暉表字伯陽李績表字

涼宋混誅張瓘

張瓘猜忌苛虐專以愛憎為賞罰郎中殷郁諫之瓘曰
虎生三日自能食肉不須人教也由是人情不附宋混
性忠鯁瓘憚之欲殺混因廢涼王玄靚而代之混帥壯
士奄入南城宣告諸營曰張瓘謀逆被太后令誅之瓘
出戰不勝與弟瓘皆自殺混輔
政請玄靚去王號復稱涼州牧

秦以王猛為京兆尹

秦王堅以鄧羗為御史中丞王猛為京兆尹彊太后弟德融酒豪橫掠人財貨于女猛下車收德奏未及報已陳屍於市堅馳使赦之不及與羗同志疾惡糾案無所顧忌數旬之間權豪貴戚殺戮刑免者二十餘人朝廷震栗姦猾屏氣路不拾遺堅嘆曰吾今始知天下之有法也

質實

京兆郡名注見漢武帝大初元年

泰山太守諸葛攸伐燕敗績冬十月謝萬都曇復伐之曇病引還萬眾潰免為庶人

攸將永陸二萬擊燕入自石門屯于河渚燕上庸王評帥步騎五萬與戰東阿攸兵大敗詔萬曇復伐之萬矜豪傲物但以矢詠自高未嘗撫眾兄安深憂之謂萬曰汝為元帥宜數接對諸將以悅其心豈有傲誕如此而能濟事也萬乃召集諸將一無所言直以如意指四坐云諸將皆勁卒諸將益恨之安慮萬不免乃自隊帥以下無不親造厚相親託既而萬帥眾入渦穎以援洛陽曇以病退屯彭城萬以為燕兵大盛故曇退即引兵還

衆遂驚潰萬狼狽單歸軍士欲圖之以安故止詔廢為庶人降曇號建武將軍於是許昌穎川譙沛諸城相次

皆沒**集覽**東阿注見周赧王六年以如意指如意之為於燕用執之所以供指麾今三清殿道君所執其

遺象也三國吳大帝時金陵有掘地得白玉如意長二尺六寸其所執處皆刻螭蟬等形大帝以問胡綜綜曰

昔秦始皇東遊以金陵有王氣埋寶物以當之此抑是乎晉石崇與王愷爭豪愷有珊瑚樹高二尺許以示崇

崇便以鐵如意擊碎之又石崇本事曰崇有珊瑚如意長二尺二寸

音遂**渦穎**渦注見漢後主建興**質實**石門山名在兗州

三年穎注見漢成帝綏和二年**質實**府平陽縣西二十

五里山上有石門東西相向可通人行**彭城**郡名注見秦始皇二十八年

十二月大旱○秦以王猛兼司隸校尉

秦王堅以猛為輔國將軍司隸校尉居中宿衛僕射詹事侍中中書令領選如故猛薦陽平公融光祿任群處士朱彤自代堅不許而以融為中書監群為太子家令彤為太子庶子猛時年三十六歲中五遷權傾內外人

有毀之者堅輒罪之
於是群臣不敢復言

質實

司隸校尉

注見漢元帝永光元年
注見周赧王元年

資治通鑑綱目卷之二十一

資治通鑑綱目卷之二十一

起庚申晉穆帝升平四年。凡二十五年。
盡甲申晉孝武帝太元九年。

庚申

四年 慕容暉建熙元年 春正月燕主儁卒太子暉立

初燕主儁寢疾謂太原王恪曰今二方未平景茂冲幼
社稷屬汝何如恪曰太子雖幼勝殘致治之主也臣何
敢干正統儁怒曰兄弟之間豈虛飾邪恪曰陛下若以
臣能荷天下之任者豈不能輔少主乎儁喜曰汝能為
周公吾復何憂李績清方忠亮汝善遇之召吳王垂還
鄴至是疾篤召恪及司空陽鷲司徒評將軍慕容興根受
遺輔政乃卒太子 **質實** 陽鷲無終人鄴縣名注
暉即位年十一 見漢獻帝建安十五年

二月燕以慕容恪為太宰專錄朝政太師慕容興根伏誅

燕人以太原王恪為太宰專錄朝政上庸王評為太傅
陽鷲為太保慕容興根為太師參輔朝政根自恃勲舊心
不服恪欲為亂乃言於恪曰主上幼冲母后干政俟畢
山陵殿下宜自取之恪曰公醉邪何言之悖也吾與公

受遺詔云何而遽有此議根愧謝而退恪以告吳王垂
誅夷恐乖遠近之望且可忍之根又言於可足渾后及
燕主暉曰太宰太傅將謀不軌臣請帥禁兵誅之

三月燕遣慕容垂守蠡臺

燕所徵郡國兵去冬集勳欲遣伐晉以燕主僞病大開
而罷至是以燕朝多難互相驚動擅自散歸自鄴以南
道路斷塞太宰恪以吳王垂為征南將軍鎮蠡臺孫
希傳顏帥騎二萬觀兵河南臨淮而還境內乃安

匈奴劉衛辰降秦

劉衛辰遣使降秦請田內地春來秋返秦王堅許之夏
雲中護軍賈雍帥騎襲之六獲而還堅怒曰朕方以恩
信懷戎然而汝貪小利以敗之何也黜雍以白衣領職
遣使還其所獲慰撫之衛辰於是入居塞內貢獻相尋

集覽

夏雲中夏字為句全本作夏四月也雲中屬下句注見秦王政三年

秋八月朔日食既

書法 食既大變也漢惠之末五月食既八月而有大
喪於是八月食既明年而有喪終綱目書食

通鑑綱目卷三十一 晉書卷四十四 四年

既十有二未有無其應者免者其惟漢明帝乎詳漢惠帝七年

○桓温以謝安為征西司馬

安少有重名前後徵辟皆不就寓居會稽以山水文籍自娛雖為布衣時人皆以公輔期之士大夫至相謂曰安石不出當如蒼生何安每遊東山常以妓女自隨會稽王昱聞之曰安石既與人同樂必不得與安獨靜退召之必至安妻劉惔之妹也見家門貴盛而安獨靜退謂丈夫不如此也安掩鼻曰恐不免耳及弟萬廢黜安始有仕進之志時已年四十餘桓温請為司馬安乃赴召温深禮重之

質實

會稽郡名注見漢和帝永

元年安石謝安表字一統志云東山在紹興府上虞縣西南四十五里晉太傅謝安居此中丞高崧嘗戲安曰卿高臥東山人言安石不出將如蒼生何蒼生亦將如卿何今絕頂有謝公調馬路白雲明月二亭遺跡又謝靈運嘗於此讀書有石壁精舍

冬十月烏桓獨孤部鮮卑沒弈干降秦

獨孤部及沒弈干各帥眾數萬降秦秦王堅處之塞內陽平公融諫曰戎狄人面獸心不知仁義其稽顙內附實貪地利非懷德也敢犯邊實憚兵威非感恩也今與民雜居彼窺郡縣虛實必為邊患不如徙之塞外堅從**集覽**獨孤東胡烏桓別部之號也沒弈干東胡鮮卑之號**質實**陽平郡名注見孝武帝太元九年館陶

燕李績卒

太宰恪欲以績為右僕射燕主暉不許恪屢以為請暉曰萬機之事皆委之叔父伯陽一人暉請獨裁之出為章武太守**集覽**伯陽李績表字**質實**一統志云章武古地名漢

漢屬河間國晉為章武國治後魏改章武郡北齊廢郡置平舒縣隋屬景州唐屬瀛州五代改大城縣周屬霸州宋金元仍舊本朝因之屬順天府

書法

蜀漢及晉諸臣卒不書官貶辭也此其貶歟綱目於僭國不皆卒諸臣其卒之者皆錄賢也貶

酉辛

卒之則不矣

五年秦并露三燕建熙二年春正月劉衛辰叛秦降代○

燕河內太守呂護遣使來降燕人圍之

呂護遣使來降拜冀州刺史欲引晉兵以襲鄴燕太守恪將兵討之護嬰城自守將軍傅頌請急攻之恪曰老賊經變多矣觀其守備未易猝攻然內無蓄積外無救接我深溝高壘坐而守之休兵養士離間其黨於我不勞而賊勢日蹙不過十旬取之必矣何為多殺士卒以求旦夕之功乎乃築長圍守之

注見漢桓帝延熹九年冀州注見秦二世二年信都

夏四月涼宋混卒

混疾甚張玄靚及其祖母馬氏往省之曰將軍萬一不幸寡婦孤兒將何所託混曰臣弟澄政事愈於臣但恐其懦緩機事不稱耳殿下策勵而使之可也混成澄曰吾受國大恩當以死報無恃勢力以驕人又見朝臣皆

戒之以忠貞及卒行路為之揮涕玄靚以澄為領軍將軍輔政

五月帝崩琅邪王丕即位

帝崩無嗣皇太后令曰琅邪王丕中興正統義望情地莫與為比其以王奉大統於是百官備法駕迎入即位

秋七月葬永平陵管實一統志云永平陵在應天府上元縣境內○燕拔野王

呂護奔榮陽管實野王縣名注見周赧王五十三年○九

月立皇后王氏

右濛之女也

尊何皇后為穆皇后○涼張邕殺宋澄冬十月張天錫誅之詔以張玄靚為涼州刺史西平公

張邕既殺宋澄與玄觀叔父天錫同輔政驕淫專權多
所刑殺天錫殺之盡滅其族玄觀以天錫為大將軍輔
政始奉升平年實涼州注見唐中宗景龍二年

秦滅張平○秦舉四科

秦王堅命牧伯守宰各舉孝悌廉直文學政事察其所
舉得人者賞之非其人者罪之由是人莫敢妄舉而請
託不行士皆自勵雖宗室外戚無才德者皆棄不用當
是之時內外之官率皆稱職田疇脩闢倉庫充實盜賊
息屏

呂護復奔燕

哀皇帝隆和元年秦甘露四年春正月城田租畝收二升

○二月以庾希為徐兗刺史袁真監豫司等州軍事

希鎮下邳 實 下邳郡名注見漢高帝六年 汝南

拜母貴人周氏為皇太妃

考異按尊立例曰尊曰尊某為某此當書尊誤作拜

燕呂護攻洛陽桓溫遣兵救之秋七月燕師引還

呂護攻洛陽守將陳祐告急桓溫遣庾希竟陵太守鄧
遐帥舟師三千人助祐守之因上疏請遷都洛陽自永

嘉之亂播流江表者一切北徙以實河南朝廷畏溫不
敢為異著作郎孫綽上疏曰昔中宗龍飛非惟信順協

於天人實賴萬里長江畫而守之耳喪亂已來六十餘
年河洛丘墟函夏蕭條士民播流江表已經數世存者

老子長孫亡者丘隴成行雖北風之思感其素心目前
之哀實為交切溫今此舉誠為遠圖而百姓震駭豈不

以反舊之樂賒而趨死之憂促哉臣愚以為宜遣將帥
有威名資實者先鎮洛陽掃平涼許清壹河南運漕之

路既通開墾之積已豐豺狼遠竄中夏小康然後可徐
議遷徙耳奈何捨百勝之長理舉天下而一擲哉綽少

慕高尚嘗著遂初賦以見志溫見綽表不悅曰致意興
公何不尋君遂初賦而知人家國事邪時朝廷憂懼將

遣侍中止溫王述曰溫欲以虛聲威朝廷耳非事實也
但從之自無所至詔從其計溫果不行溫又議移洛陽

鍾虞述曰永嘉不競暫都江左方當蕩平區宇旋軫舊
京若其不爾宜改遷園陵不應先事鍾虞温乃止七月
護退希北風之思詩北風篇曰北風其喑雨雪其
等亦還罪惠而好我攜手同歸藥除賒謂遲緩也
興公孫綽表字永嘉不競競疆也懷帝永嘉五年為劉
聰所獲故云永嘉不競也左傳襄十三年楚實不競

質實 竟陵郡名注見元帝建武元年

秦三堅臨太學

秦王堅親臨太學考第諸生經義與博士講論自是每月一至焉

書法 晉書遣生徒秦書臨太學中國為可愧矣特書予之

冬十二月朔日食○庾希退屯山陽袁真退屯壽陽質實

山陽郡名注見漢成帝河平二年傳陽郡名注見齊王寶卷永元二年

興寧元年秦苻露五年春三月皇太妃周氏薨

亥癸

太妃薨于琅邪第帝就第治喪詔會稽王昱總內外衆務帝欲為太妃服三年僕射江彪啓於禮應服總麻帝

猶欲服菴彫曰厭屈私情集覽影逋閑反總麻其制三

所以上嚴祖考乃服總麻集覽月記喪服小記曰三月

之喪一時也又注見齊武帝未明五年服菴菴服象歲

之一周厭屈私情厭一妾反又於艷反厭降屈抑也胡

致堂曰禮曰為人後者為其父母降此正禮也後世或

致隆於所生服齊衰不杖菴而反蒙不孝之譏今衰帝

抑制私情從規諫而就正禮質實江彪陳留圉

遂服總麻可為後世法矣質實人統之子

書法 書薨何帝母也綱目自戰國分王外其書薨者非不成君廢帝廢后則謚為帝為后者也不然則帝母也也有功公主也非是無薨道矣唐會昌以後方鎮大臣有書薨者誤也

夏五月加桓温大司馬都督中外諸軍錄尚書事

温以王坦之為長史坦之述之子也又以郝超為參軍

王珣為主簿每事必與二人謀之府中為之語曰鬚參軍短主簿能令公喜能令公怒温氣緊高邁罕有所推與超言常自謂不能測傾身待之超亦深自結納珣導

與超言常自謂不能測傾身待之超亦深自結納珣導

之孫也與謝玄皆為溫掾溫俱重之曰謝掾年四十必擁旄杖節王掾當作黑頭公皆未易才也玄安兄奕之子也

質實

王坦之晉陽人郗超高平人鑿之子王

秋八月有星孛于角亢。涼張天錫弒其君玄靚而自立

考證

自立當作代之

張玄靚庶母郭氏以張天錫與政與大臣謀誅之事泄天錫皆殺之遂試玄靚自稱涼州牧西平公時年十六遣司馬奉章詣建康請命

汝南太守朱斌襲燕許昌克之

質實 汝南郡名注見漢光武建武十九年許昌

縣名注見漢獻帝興平元年

二年秦甘露八燕建熙五年。春二月燕慕容評畧地河

南管實

河南郡名注見漢武帝元朔二年。三月大開戶口令所在土斷

集覽

土斷注見武帝大康六年

謂之庚戌制

帝寢疾皇太后臨朝攝政

帝信方士言斷穀餌藥以求長生侍中高崧諫不聽尋以藥發不能親萬機太后復攝政

集覽

斷穀猶言

書法

漢殤鄧太后桓梁太后再臨朝皆書猶魏馮氏胡氏唐武氏再臨朝皆書復此亦再臨朝者也

其不書猶與復何非褚太后意也褚太后凡三臨朝皆非其意故綱目無譏焉臨朝若褚太后可矣特書攝太后謙也

夏四月燕陷許昌汝南陳郡

燕李洪敗晉兵於懸瓠汝南太守朱斌壽春陳郡太守宋輔退保彭城大司馬溫遣袁真等禦之溫帥舟師

屯合肥燕人遂拔許昌汝南
陳群遣將軍慕容塵屯許昌
元[質]壽春縣名注見秦王政六年陳郡注見周赧王
年[質]三十七年陳彭城郡名注見秦始皇二十八年
合肥縣名注見漢
靈帝中平五年

五月以王述為尚書令

述每受職不為虛讓其所辭必於不受及為尚書令子
坦之白述故事當讓述曰汝謂我不堪邪曰非也但克
讓自美事耳述曰既謂堪之何
為復讓入言汝勝我定不及也

加大司馬溫揚州牧

時召溫入參
朝政辭不至

六月秦以張天錫為西平公

質西平郡名注見漢宣
帝元康四年湟中

秋七月大司馬溫城赭圻

詔復徵溫入朝溫至赭圻詔止之溫遂
城赭圻居之固辭內錄遙領揚州牧
在姑[質]一統志云赭圻城名在太平府繁昌縣西南
一十二里晉哀帝召桓溫入朝至赭圻有詔

止溫溫遂築城居於此處梁南陵縣嘗治赭圻隋唐以
來為鎮戍土俗至今猶稱故縣城揚州注見漢獻帝興

平二年
金陵

書法

故城不書必關要而後書赭圻耳書城何溫抗也
故桓溫擅城赭圻則斥書大司馬溫是年知誥擅營
宮城則斥書具徐知誥五代癸巳年皆罪其專也

秦符騰謀反伏誅

秦汝南公騰秦王生之弟也以謀反誅時生弟
猶有五人王猛曰不去五公終必為患堅不從
郡名注見漢光武建
武十九年王猛劇人

燕徙其宗廟百官於鄴

質鄴縣名注見漢獻
帝建安十五年燕陷河

南諸城

太宰恪將取洛陽先遣人招納士民遠近諸鳩皆歸之乃使悅希軍盟津孫興軍成阜初沈充之子勁以其父死於逆亂志欲立功以雪舊耻年三十餘以刑家不得仕及燕人逼洛陽陳祐守之兵不過二千勁自表求配祐効力詔補長史令自募壯士得千餘人以行屢以少擊衆摧破燕軍而洛陽糧盡援絕祐自度不能守乃以救許昌為名留勁以五百人守之勁喜曰吾志欲致命今得之矣悅希引兵畧河南諸城盡取之

盟津即孟津也注見漢帝玄更始

三年成阜注見秦莊襄王元年

質實沈勁吳興人父死於逆亂事在

秦平陽公融等降爵為侯

秦王堅命公國各置三卿并餘官皆聽自采辟獨為置郎中令富商趙掾等車服僭侈諸公競引以為卿堅乃詔有司推檢辟召非其人者自今國官皆委之銓衡非命士不得乘馬工商卑謀不得服金銀錦繡犯者棄市

於是五公**集覽**銓衡銓量衡平也所以量度人物而為之平也

質實平陽郡名注見周威

乙

三年秦建元元燕春正月皇后王氏崩

書法晉后書葬矣此則曷為不書是春帝崩葬安平陵因以合葬矣

劉衛辰復叛代代王什翼犍擊走之

代王什翼犍性寬厚郎中令許謙盜絹二匹知而匿之謂左長史燕鳳曰吾不忍視謙之面卿慎勿泄若謙慙而自殺是吾以財殺士也嘗討西部叛者流矢中目既而獲射者群臣欲商割之什翼犍曰彼各為其主閉耳何罪遂釋之

大司馬溫移鎮姑孰以弟豁監荆揚等州軍事

質實姑孰縣名

注見明帝太寧元年

書法

書移鎮書以弟專辭也

○三月帝崩琅邪王奕即位

帝崩無嗣皇太后詔以奕承大統

燕陷洛陽將軍沈勁死之

燕太守恪及吳王垂共攻洛陽恪謂諸將曰卿等常患吾不攻今洛陽城高而兵弱勿畏也乃攻克之執沈勁勁神氣自若恪將宥之將軍慕輿度曰勁雖奇士觀其志度終不為用人用遂殺之恪畧地至峭澗中大震秦王堅自將屯陝城以備之燕以慕容筑鎮金墉吳王垂鎮魯陽恪還鄴謂僚屬曰吾前平廣固不能濟辟間蔚今定洛陽使沈勁為戮雖皆非本情實有愧於四海朝廷嘉勁之忠贈東陽太守司馬公曰沈勁耻父之惡致死以滌之變凶逆之族為忠義之門可謂能為子矣○恪為將不事威嚴專用恩信撫士卒務綜大要不為苛令使人人得便安平時營中寬縱似若可犯然警備嚴密敵至莫能近故未嘗敗

集覽

陝城漢地志弘

農有陝縣今陝州治不能濟辟間蔚穆帝永和十二年慕容恪攻段龕龕之友辟間蔚被創恪聞其賢而求之

則已死矣是

質實

峭澗山水名注見魏元帝咸熙二年陝城注見周顯王四十五年陝魯陽縣名注見漢獻帝初

平元年廣固城名注見穆帝永和六年一統志云東陽三國吳之郡名治長山縣晉屬揚州劉宋屬東揚州梁

改置金華郡陳兼置縉州隋初廢縉州改金華郡以地屬吳州尋又置婺州治吳寧縣大業初廢州復為東陽

郡治金華縣唐初復為婺州天寶初又改東陽郡乾元

初復為婺州五代晉時改為武勝軍宋仍改為婺州淳

化初改軍曰保寧隸浙東路元復置婺州路

為太尉

質實

一統志云安平陵在應天府上元縣境內

○夏四月燕以陽鶩

為太尉

鶩歷事四朝年耆望重自太宰恪以下皆拜之而鶩謙恭謹厚過於少時戒束子孫雖朱紫羅列無敢違犯其

法度者

六月益州刺史周撫卒

撫在益州三十餘年甚有威惠詔以其子楚代之

秋七月會稽王昱為琅邪王

考異

提要會上

考證

當作更

王昱為琅邪王周讓不受。謹按凡例更立曰更立是時昱固讓不受稱會稽王故當補書固讓不受以著其實

昱固讓卒自稱會稽王

立皇后庾氏

后水之女也

匈奴曹轂劉衛辰叛秦秦擊降之。冬十一月梁州刺史

司馬勳爰圍成都大司馬溫遣江夏相朱序救之

勳為政暴酷治中別駕言語忤意即於坐斬之常有據蜀之志憚周撫不敢發及撫卒遂舉兵反自號成都王

引兵入劔閣圍成都溫表

序為征討都護以救之

以王彪之為僕射

帝奔太和元年秦建元二年燕建熙七年

書法

帝廢為海西公矣史以海西公書此其書曰帝

則曷為名之孝武即位十四年而後海西公以薨書既無帝謚不稱其名則將何稱此綱目之變例也以

為失國名之則過矣不可稱廢帝乎稱廢帝是予其廢之也

發明

此海西公也何以書帝奔不予桓溫之廢也夫

德溫何得而廢之故書帝奔則見不失為帝之尊而不書海西公則見溫不得而封之也然則何以名之

丙寅

夫諸侯不生名失地則名帝雖無罪見廢然尊居九五
強臣廢之易於友掌故綱目比之失地之君又以戒
爾書法若此豈不嚴哉

夏五月皇后庾氏崩○朱序及益州刺史周楚擊司馬勲

斬之考異據上書勲反擊當質實周楚淶陽○代王什翼

捷遣使入貢于秦○秋七月葬孝皇后○秦寇荊州掠萬

餘戶而還○冬十月以會稽王昱為丞相錄尚書事加殊

禮

入朝不趨贊拜
不名劔履上殿

書法殊禮何入朝不趨贊拜不名劔履上殿是也綱
目備書者四惟蕭何得書賜畧之稱殊禮者四

惟梁冀會稽王書加餘皆
借而已矣詳漢高帝六年

燕寇兖州陷魯高平數郡質實兖州注見周安王五年漢

平二年兖州一統志云高平地名即古徐州之域春秋時

屬魯戰國屬宋秦屬碭郡漢屬山陽郡晉為高平國及任

徙治任城元初還治鉅野後陞為濟寧路而於任城置濟

州至正中省濟州而徙路治任城本朝初改路為府後

改府為州以任城○南陽督護趙億以宛城叛燕遣趙盤

戍之質實宛城注見周赧
王十七年宛

二年秦建元三年燕春二月燕太宰慕容恪卒

恪疾病燕王暉親視之問以後事恪曰吳王垂文武兼
資管蕭之亞若任以政國家可安不然秦晉必有窺窬
之計言質實管蕭謂齊之管
仲漢之蕭何

丁卯

通鑑綱目卷三十一

書法 恪卒而闕國者至矣綱目聯書之所以戒也綱目卒僭國臣二十一詳晉懷帝永嘉二年於恪

卒尤深惜之

匈奴曹轂遣使如燕

秦王堅聞慕容恪卒陰有圖燕之計命轂發使如燕以
西戎主簿郭辯為之副燕司空皇甫真兄腆及從子奮
覆皆任秦辯至燕謂真曰僕本秦人家為秦所誅故寄
命曹王貴兄常侍及奮覆兄弟並相知有素真怒曰臣
無境外之交此言何以及我君似姦人得無因緣假託
乎白疇請窮治之太傅評不許辯還為堅言燕政無綱
可圖鑒機識變唯皇甫真耳堅曰以六州之眾豈得不
使有智士一人哉轂尋卒秦分其部落為二使其二子
分統之號集覽奮覆皆任秦奮覆二人名並皇甫真之
東西曹從子奮覆皆任奮覆二人在秦家為秦所誅家
謂其乃正誤從子奮覆皆任實實西戎注見漢光
祖乃父秦今按仕為是實實武建武二年

桓豁攻宛枝之獲趙盤實實桓豁譙國人也○秋九月以

郗愔都督徐兗等州軍事○冬十月秦苻柳雙庚武舉兵

交秦遣兵討之

秦晉公柳趙公雙與魏公庾燕公武謀作亂堅聞之徵
諸長安柳據蒲坂雙據上邽庾據陝城武據安定反堅
遣使諭以罷兵安位各實實蒲坂地名注見周赧王十
齒梨以為信皆不從實實二年上邽縣名注見漢光
武建武八年安定郡名注見漢光武建武元年

代王什翼犍擊匈奴劉衛辰走之

什翼犍擊衛辰河水未合命以葦緝約流漸俄而水合
然猶未堅乃散葦於其上水草相結有如浮梁兵乘以
度衛辰不意兵猝至遂西走什翼犍收其部落實實朔
什六七而還衛辰犇秦秦送還朔方遣兵戍之
郡名注見漢武帝元朔元年

辰戊

三年秦建元四年燕春二月燕以慕容冲為大司

建熙九年

初太宰恪有疾以燕主暉幼弱政不在已太傅評多猜忌謂暉兄樂安王臧曰今南有遺晉西有疆秦常蓄進取之志大司馬總統六軍不可任非其人我死之後以觀既言之當在汝及冲汝曹雖才識明敏然年少未堪多難吳王天資英傑智畧超世汝曹若推以授之必能混壹四海况外寇手慎無冒利而忘害又以語評及恪卒評不**質實**樂安郡名注見漢靈帝中平二年吳王謂慕容岳

秦符庚以陝城降燕

秦魏公庚以陝降燕請兵應接秦人大懼燕范陽王德以為符氏骨肉乖離投誠請援是天以秦賜燕也天與不取反受其殃吳越之事足以觀矣宜命皇甫真引并冀之衆徑趨蒲坂吳王岳引許洛之兵馳解庚圍太傅總京師虎旅為二軍後繼傳檄三輔示以禍福彼必望風響應太傅評曰秦大國也今雖有難未可易圖朝廷雖明未如先帝吾等智畧又非太宰之比閉關保境足矣庚遺岳及真賤曰符堅王猛皆人傑也謀為無患久矣今不乘機取之恐異日有甬東之悔矣岳謂真曰主上富於春秋太傅識度豈能敵堅孟乎

集覽 吳越

之事春秋吳伐越敗之越王勾踐請成吳王許之伍子胥諫不聽遂與越平後越伐吳吳王夫差請成於越范蠡曰天以越賜吳而吳不取今天以吳賜越越其可逆天乎遂滅吳甬東之悔越滅吳遷吳王夫差於甬東吳王曰悔不用伍子胥之言遂自到死賈逵曰甬東越之東鄙甬江東也索隱曰國語云甬勾東越地會稽勾章縣東海中洲也按勾章今明州鄞縣是也**質實**范陽國名注見漢帝玄更始王四十五年一統志云甬東古之郡名史記越滅吳欲置吳王於甬東即此處今寧波府鄞縣是也蒲坂地名注見周赧王十二年

三月朔日食○秋七月秦討苻雙武柳皆斬之**考異**

斬當作誅

○冬燕罷蔭戶

燕王公貴戚多占民為蔭戶國之戶口少於私家倉庫空竭用度不足悅縮請罷蔭戶盡還郡縣急主暉從之使縮專治其事糾擿姦伏無敢**集覽**糾擿姦伏糾彈擿蔽匿出戶二十餘萬舉朝怨怒

而求路姦謂姦究之人伏謂隱伏之事皆斜彈而擣發之擣地歷反

十二月秦拔陝城斬苻康考異

前年書柳雙康武舉兵反此斬字當作誅

王猛等拔陝城獲魏公康送長安秦王堅問之對曰臣本無反心但以兄弟屢謀逆亂臣懼并死故耳堅泣曰汝素長者固知非汝心也且高祖不可以無後乃賜康死原其七子以長子襲魏公餘子嗣諸弟之無後者

質實 長安縣名注見漢惠帝五年

加大司馬溫殊禮考異 據凡例當書大司馬溫自加殊禮

位在諸侯王上

書法

殊禮何位諸侯王上也莽操皆書位諸侯王上此其止稱殊禮何畧之也然莽書升軍衛位諸侯王上至操則以魏公操進位諸侯王上書是自進矣溫雖畧稱殊禮而書曰加大司馬溫蓋命猶上出也又愈於操矣終綱目書殊禮十詳漢殤帝延平元年

秦以仇池公楊世為秦州刺史

世亦稱臣於秦秦**質實**仇池縣名注見惠帝元康七年以為南秦州刺史注見漢光武建武十一年

年下

四年 秦建元五年 夏四月大司馬溫帥師伐燕秦人救之

秋九月溫及燕人戰于枋頭不利而還袁真以壽春叛降

于燕

桓溫請與徐亮刺史却情江州刺史桓沖豫州刺史袁真等伐燕初情在北府溫常云京口酒可飲兵可用深不欲情居之情遺溫戲欲共獎王室請督所部出河上情子超為溫參軍取視毀之更作情戲自陳非將帥才加以老病乞閑地自養勸溫并領已所統溫大喜即以情為會稽內史而自領徐亮夏帥步騎五萬發姑孰將自兖州伐燕却超曰道遠河淺漕運難通溫不從六月至全鄉天旱水絕使將軍毛虎生鑿鉅野二百里引汝

巳巳

會于清引舟自清入河舳艫數百里超曰清水入河難
以通運若寇不戰運道必絕因敵為資復無所得此危
道也不若舉衆趨鄴彼必望風逃潰北歸遼碣若能出
戰則事可立決若恐勝負難必務欲持重則莫若頓兵
河濟控引漕運俟資儲充備來夏乃進捨此二策而連
軍北上進不速決退必愆之賊因此勢以日月相引漸
及秋冬水更澁滯北土早寒三軍喪褐者少恐於時所
憂非獨無食而已温又不從遣攻胡陸拔之燕主暉使
下邳王厲逆戰敗還前鋒鄧遐朱序亦敗燕兵於林渚
七月温至枋頭暉及太傅評大懼謀犇和龍吳王垂曰
臣請擊之若其不捷走未晚也暉乃使垂帥衆五萬以
拒温垂表申胤封孚悉羅騰從軍暉又遣樂嵩請救于
秦許賂虎牢以西之地秦群臣議曰昔桓温伐我燕不
我救今温伐燕我何救焉王猛曰燕雖疆大慕容評非
温敵也若温舉山東進屯洛邑收幽冀之兵引充豫之
乘觀兵峭渾則陛下大事去矣不如與燕合并以退温
温退燕亦病矣然後我承其弊而取之不亦善乎堅從
之遣苟池鄧羗帥步騎一萬以救燕封孚問於申胤曰
事將何如胤曰以温聲勢似能有為然吾觀之必無成
功何則晉室衰弱温專制其國晉之朝臣未必皆與之

同心必將乖阻以敗其事又温驕而恃衆怯於應變大
衆深入值可乘之會反更道還中流不出赴利欲望持
久坐取全勝若糧廩愆懸情見勢屈不必戰自敗此自
然之數也初温使袁真攻譙梁開石門以通水運不克
九月慕容宙帥騎一千為前鋒與晉兵遇宙曰晉人輕剽
怯於陷敵勇於乘退宜設餌以釣之乃使二百騎挑戰
分餘騎為三伏挑戰者兵未交而走晉兵追之宙帥伏
擊之晉兵死者甚衆温戰數不利糧儲復竭又聞秦兵
將至焚舟棄輜重鎧仗自陸道奔還自東燕出倉垣鑿
井而飲行七百餘里燕將爭欲追之吳王垂曰温初退
必嚴設警備簡精銳為後拒不如緩之彼幸吾未至晝
夜疾趨俟其氣衰擊之無不克矣乃帥八千騎行躡其
後温果兼道而進數日垂曰可矣乃急追之及於襄邑
德先帥勁騎伏於東澗中與垂夾擊温大破之斬首三
萬級秦苟池邀擊温於譙又破之温收散卒屯于山陽
深耻喪敗乃歸罪袁真奏免為庶人真不**集覽**金鄉即
伏表温罪狀朝廷不報遂據壽春叛降燕州縣即
漢山陽郡東緡縣也晉置金鄉郡鉅野注見漢獻帝興
平二年引汝會于清漢地志汝水源出弘農盧氏縣東

南入新蔡入淮清水源出泰山南流經沛至彭城經呂
梁南入淮正義曰清河在淮安州淮陰縣北二十里
船頭刺擢虞言其船多前後相銜不絕說文云漢律名
營州柳城之北龍山之西命曰龍城後穆帝時燕築城於
龍見於龍山遂命於若新宮曰和龍後契丹改和龍城
曰黃龍府又注見五代漢高祖晉天福十二年悉羅騰
悉羅虜復姓騰其名也虎牢關名即武牢也在鄭州榮
陽縣周穆王獵鄭圃七萃之士高奔戎捕虎生獻之天
子命為神養於東虞因名其地曰虎牢見穆天子傳括
地志云河南城阜縣故虎牢也譙梁譙注見漢獻帝建
安十四年梁注見漢景帝三年輕剽注同上年剽輕山
陽揚州域晉分廣陵置山陽郡隋置楚州宋為淮安軍
括地志云楚州山陽縣本管實邳情高平人鑿之子桓
漢射陽縣也射音食夜反管實沖譙國人舜之子温之
弟京口郡名注見成帝咸和三年一統志云金鄉後漢
之縣名屬山陽郡以山為名晉屬高平國唐於縣置金
州尋廢以縣屬兗州五代周屬齊州宋金仍舊元屬濟
寧路本朝因之改屬兗州府汝水名注見漢成帝綏

和二年清水名即清河水在淮安府清河縣治西即泗
水之下流也源自泰安州經徐州流至邳州東境曰直
河西境曰沙河又南下至縣西北三議河口分為大小
二清河南達于淮遼碣山名注見穆帝永和七年幽冀
二州名幽注見唐高祖武德四年冀注見秦二世二年
信都國河濟二水名注見周安王十五年下邳縣名注
見漢高帝六年枋頭地名注見成帝咸和八年虎牢周
之關名在開封府汜水縣西二里漢置成臯縣於此隋
復為虎牢關唐改為武牢關歷代累經戰守本朝改
為古嶠關置巡檢司在馬石門注見漢明帝永平十二
年輜重注見周顯王三十六年東燕縣名即古之胙國
周公別子封胙伯於此春秋時為南燕國漢置南燕縣
屬東郡晉為慕容德據之號東燕縣隋始改為胙城縣
屬滑州唐置胙州及析置南燕縣後州廢省南燕入胙
城宋元仍舊本朝因之改屬衛輝府襄邑縣名注見
漢順帝陽嘉二年東澗水名在河南南府盧氏縣北源出
鐵嶺流入城中析為衆渠灌漑蔬園東南流入于洛山
陽古地名漢為臨淮郡射陽縣地東漢屬廣陵郡晉未
立山陽郡以境內有地曰山陽故名南齊仍為射陽縣
地屬臨淮郡隋置山陽縣為楚州治宋置淮安軍縣亦

通鑑綱目卷之四十四

改名淮安元初以馬羅軍寨置山陽縣後以淮安縣省入本朝因之為淮安府治所仍屬焉壽春縣名注見秦王政六年

書法 枋頭之敗孫盛春秋嘗直筆書之矣此其止書不利何存中國也開復之舉綱目常予之書曰

以外加內也
發明 溫之此舉大敗奔還所喪士卒甚多初非灞上之此而亦止書不利者示王師之體存中國之義終不以此而屈於彼且為後人經畧之勸也其旨深矣

燕遣郝畧梁琛如秦

秦燕既結好燕使郝畧梁琛相繼如秦畧與王猛有舊猛接以平生問畧東方之事畧知燕將亡陰欲自託頗泄其實琛至長安秦王堅方畧於萬年欲引見琛曰秦使至燕燕之君臣朝服備禮灑掃宮廷然後見琛曰秦主欲野見之使臣不敢聞命尚書郎辛勁謂琛曰天子稱乘輿所至曰行在所何常居之有又春秋亦有遇

禮何為不可乎琛曰桓溫闕我王畧燕危秦孤是以秦主恤患結好交聘方始謂宜崇禮篤義以固二國之歡

若忽慢使臣是卑燕也豈脩好之義乎夫天子以四海為家故行曰乘輿止曰行在今海縣瓜裂天光分曜安

得以是為言哉禮不期而見曰遇蓋因事權行其禮簡畧豈平居容與之所為哉客使單行誠勢屈於主人然

苟不以禮亦不敢從也堅乃為設行宮百僚陪位然後延之琛從兄奔為秦尚書郎堅使典客館琛於奔舍琛

曰昔諸葛瑾為吳聘蜀與諸葛亮惟公朝相見退無私面今使之即安私室所不敢也奔數問琛東事琛曰兄

弟本心各有所在欲言其美恐非所欲聞欲言其惡又非使臣之所得論也堅使太子延琛相見秦人欲使琛

拜先諷之曰隣國之君猶其君也隣國之儲君亦何以異乎琛曰天子之子尚不敢臣其父之臣况他國之臣乎禮有往來情豈忘恭但恐降屈為煩

耳乃不果拜王猛勸堅留琛堅不許

集覽 萬年縣屬京兆府遇禮會遇之禮注見周赧王三十六年海縣海謂四海之內縣謂赤縣也中國名曰赤縣神州容與楚辭聊逍遙

曰豫容與又河東賦靈輿安步周流容與顏師古曰與讀

自得也或云
開雅舒散貌
質實
萬年縣名注見漢高帝十年諸葛瑾
為吳聘蜀事在漢昭烈章武元年

冬十一月燕慕容垂出奔秦秦以為冠軍將軍

吳王垂自襄邑還鄴威名益振太傅評愈忌之垂奏將
士功賞皆抑而不行太后可足渾氏素惡垂與評謀誅
之太宰恪之子楷及垂舅蘭建知之以告曰先發制人
但除評及樂安王臧餘無能為矣垂曰骨肉相殘而首
亂於國吾不忍為也寧避之於外耳世子令曰主上闇
弱委任太傅一旦禍發疾於駭機今欲保族全身不失
大義莫若逃之龍城遜辭謝罪以待主上之察感寤得
還幸之大者如其不然則內撫燕代外懷群夷守肥如
之險以自保亦其次也垂曰善十一月請畋於大陸因
微服將趨龍城至邯鄲少子麟素不為垂所愛逃還告
狀燕主暉遣精騎追之垂散騎戒迹得免世子令請給
數騎襲鄴垂口不可乃與段夫人及令寶農隆楷建及
郎中令高弼俱奔秦初秦王堅聞恪卒陰有圖燕之志
憚垂不敢發及聞垂至大喜郊迎執手曰天生賢桀必
相與共成大功此自然之數也要當與卿共定天下告
成岱宗然後還卿本邦世封幽州使卿去國不失為子

之考歸朕不失事君之忠不亦美乎堅復愛令及楷之
才皆厚禮之王猛曰垂父子譬如龍虎非可馴之物若
借以風雲將不可復制不如早除之堅曰吾方收攬英
雄以清四海奈何殺之且其始來吾已推誠納之矣匹
夫猶不棄言况萬乘乎乃以垂為冠軍將軍梁琛歸言
於評曰秦人日閱軍旅聚糧陝東和必不久今吳王又
往宜為之備評曰秦主何如人琛曰明而善斷問王猛
曰名不虛得既又以告燕主暉皆不然之唯皇甫真深
以為憂上疏請選將**集覽**大陸漢地理志大陸澤在鉅
益兵以防未然不聽**鹿郡**爾雅有大陸郭璞以
為此澤是正義曰大陸澤在邢州及趙州界一
名廣河澤一名鉅鹿澤令寶農隆楷建六人名**質實**
縣名注見漢武帝元朔三年一統志云大陸澤名在順
德府鉅鹿縣西北五里一名廣阿一名鉅鹿一名大麓
中有菱蓮魚蟹之類又有鹹泉可煮為
鹽邯鄲縣名注見周威烈王二十年

秦遣使如燕

秦石越聘於燕太傅評示之以奢尚書郎高泰曰越言
諛而視遠乃觀譽也宜耀兵以折其謀今乃示之以奢

益為所輕矣評不從秦遂謝病歸時太后侵擾國政
貪味無厭貨賂上流官非才舉群下怨憤尚書左丞申
紹上疏以為宜精擇守宰併官省職存恤兵家使公私
兩遂節抑浮靡愛惜用度賞必當功罰必當罪如此則
溫猛可梟二方可取豈特質實溫猛謂晉之桓
保境安民而已疏奏不省質實溫秦之王猛也

書法

目出而關國者至矣綱

秦遣王猛等伐燕十二月取洛陽

初燕人許割虎牢以西賂秦晉兵既退燕人謂曰行人
失辭有國有家者分災救患理之常也秦王堅大怒遣
猛及將軍梁成鄧羗帥步騎三萬伐之攻洛陽洛陽降

質實

洛陽縣名注見周顯王元年

發明

方書慕容垂奔秦即書秦遣王猛等伐燕蓋秦
又有謀燕之心而所忌者垂爾今既去其所忌

則何憚而不發哉然則一士止百萬之師一賢副千
里之難非虛語也燕有才不能用棄以資敵雖欲不
亡得乎

大司馬溫徙鎮廣陵

溫發徐兗州民築廣陵城徙鎮之時征役既頻加之疫
癘死者十四五百姓嗟怨祕書監孫盛作晉春秋直書
時事溫見之怒謂盛子曰枋頭誠為失利何至乃如尊
君所言若此史遂行自是開君門戶事其子遷拜謝請
改之時盛年老家居性方嚴有執度子孫雖班白待之
愈峻至是諸子號泣稽顙請為百口計盛大怒不許諸
子遂私改之盛先已篤別本傳之外國及孝武帝
購求異書得之於遼東人與見本不同遂兩存之

集覽

質實

廣陵城注見成帝咸和三年遼

東郡名注見秦王政三年

五年

秦建元六年燕建熙十一年是歲燕亡大一小二凡三借國

春正月慕容令自秦

奔燕

王猛之發長安也請慕容令參其軍事以為鄉導將行
造慕容垂飲酒從容謂曰今當速別卿何以贈我使我

庚午

親物思人垂脫佩刀贈之猛至洛陽賂垂所親使詐為
垂使者謂今日吾父子來此以逃死也今王猛疾人如
讐素主心亦難知聞東朝比來悔悟吾今還東汝可速
發令疑之躊躇終日又不可審覆乃奔燕軍猛表令叛
狀垂懼而走出及藍田為追騎所獲秦王堅勞之曰卿
家國失和委身投朕賢子心不忘本亦各其志然燕之
將亡非令所能存惜其徒入虎口耳且父子兄弟罪不
相及卿何為過懼而狼狽如是乎待之如舊燕人以令
叛而復還疑為反間徙之沙城司馬公曰敵國材臣來
為已用進取之良資也慕容垂材高功盛無罪見疑窮
困歸秦故秦王堅禮之以收燕望親之以盡燕情寵之
以傾燕衆信之以結燕心未為過矣猛何汲汲於殺垂
至乃為市井鬻賣之行有如族其寵

質實 藍田縣名在周赧王三年
而說之者豈雅德君子所宜為哉

燕慕容臧將兵拒秦師秦王猛擊走之

燕樂安王臧自新樂進屯滎陽猛遣梁成鄧羗擊走之
留羗鎮金墉以桓寅代羗戍陝城而還秦王堅以猛為

司徒錄尚書事封平陽郡侯猛固辭曰今燕代未平成
車方駕而始得一城即受三事之賞若克殄二寇將何
以加之堅曰苟不斃卿朕心何以顯

卿謙光之美遂寢司徒尚書之命

漢河內郡獲嘉及二縣地隋於古新樂城置新鄉縣唐
初屬義州後屬衛州宋熙寧中省入汲縣元祐初復置

金元仍舊本朝因之改屬衛輝府滎陽縣名注見秦
莊襄王元年金墉城名注見魏元帝咸熙二年平陽郡

名注見周威烈王二十三年

二月袁真死子瑾代領其眾燕秦皆遣兵助之夏四月大

司馬溫遣兵擊破之

考異 據四年書袁真叛
此擊字當作討

書法 袁氏書叛矣此其不書討何真之叛溫激之也
綱目罪首禍故謝尚激張遇之叛則尚不書討
而書攻穆帝永和八年桓溫激袁
氏之叛則溫不書討而書擊是年

五月慕容令襲燕龍城不克而死

令自度終不能免容謀起兵沙城中謫戍士數千人皆厚撫之帥以東襲威德城據之諸戍皆應將襲龍城第

六月秦王猛督諸軍復伐燕

秦王猛送猛於灞上曰今委卿以關東之任當先破壺關平上黨長驅取鄴所謂疾雷不及掩耳吾當親督萬

眾繼卿星發舟車糧運水陸俱進卿勿以為後慮也猛曰臣杖威靈奉成算豈平殘胡如風掃葉不煩壺與親

犯塵霧但速救所司部置鮮卑之所堅大悅

徒鮮卑今關中也但令有置鮮卑之所謂克燕之後

司部分安置鮮卑之處所置鮮卑之所謂克燕之後

秋七月朔日食○八月秦克壺關

王猛攻壺關燕主暉命太傅評將中外精兵三十萬以拒之長猛不敢進猛克壺關所過郡縣皆望風降付燕

人大震申胤歎曰燕必亡矣然越得歲而吳伐之卒受其禍今福德在燕秦雖得志而燕之復建不過一紀耳

集覽越得歲左傳昭三十二年吳伐越史墨曰不及四

杜預曰比年歲在星紀星紀吳越之分也歲星所在其

國有福吳先用兵故反受其殃哀二十二年越果戒吳

索隱曰天官占云歲星一曰應星一曰經星一曰紀星

物理論云歲行一次謂之歲星十二歲而星一周天正

義曰歲星東方木之精蒼帝之象也漢天文志歲星所

在之國不可伐可以伐人福德一曰德星出於有道之

國索隱曰德星即歲星歲星所在其國有福故曰福德

大司馬溫敗袁瑾于壽春遂圍之

九月秦王猛入晉陽冬十月及燕慕容評戰于潞川敗之

遂圍鄴

秦揚安攻晉陽久未下猛引兵助攻為地道使將軍張蚝帥壯士數百潛入城中大呼斬關納秦兵遂入晉陽

質實壽春縣名注見秦王政六年

秦王政六年

秦王政六年

秦王政六年

評屯潞川猛進兵與相持遣將軍徐成規燕軍期以日
中及昏而返猛將斬之鄧羗固請曰成羗郡將也願與
効戰以贖罪猛弗許羗怒還營嚴鼓勒兵將攻猛猛赦
之羗詣猛謝猛執其手曰吾試將軍耳將軍於郡將尚
爾况國家乎評為入貪鄙郭固山泉鬻樵及水積錢帛
如丘陵士卒怨憤莫有鬪志猛聞之笑曰慕容評真奴
才雖億兆之眾不足畏况數十萬乎乃遣將軍郭慶帥
騎五千夜從間道出評營後燒評輜重火見鄴中燕主
暉懼讓評曰府庫之積朕與王共之何憂於貧若家國
喪亡王持錢帛欲安所置之乃命悉以其錢帛散之軍
士且趣使戰評大懼請戰陳於渭源而誓之曰王景
畧受國厚恩任兼內外今與諸君深入賊地當竭力致
死有進無退共立大功以報國家受爵明君之朝稱觴
父母之室不亦美乎眾皆踊躍破金棄糧大呼競進猛
望燕兵之眾謂鄧羗曰今日非將軍不能破勅敵將軍
勉之羗曰若能以司隸見與者公勿以為憂猛曰此非
吾所及也必羗寢弗應猛馳就許之羗乃大悅而退俄
而兵交猛召羗寢弗應猛馳就許之羗乃大悅而退俄
與張蚝徐成等跨馬運矛馳赴燕陳出入數四旁若無
人所殺傷數百及日中燕兵大敗俘斬五萬餘人眾勝

追擊所殺及降又十萬餘評單騎走還鄴霍鴻曰鄧羗
請郡將以撓法徇私也勒兵欲攻王猛無上也臨擊豫
求司隸要君也有此三者罪孰大焉猛能容其所短收
其所長若馴猛虎馭悍馬以成大功采葑采菲無以下
簡政寬燕民各安其業更相謂曰不圖今日復見太原
王猛聞之歎曰慕容玄恭可謂古之遺愛矣設太牢以
祭之秦王堅詔猛曰朕今親帥六軍星言電赴將軍其
休養將士以俟**集覽**嚴鼓顏師古曰戒嚴而擊鼓也景
朕至然後取之**集覽**嚴鼓顏師古曰戒嚴而擊鼓也景
風采葑采菲無以下體注葑須也菲芴也下體根莖也
箋云此二菜皆上下可食然而其根有美時有惡時采
之者不可以根惡時并棄其葉葑乎容反蔓菁也郭璞
云今菘菜也菲妃鬼反爾雅葑菜也郭以為土瓜復見
太原王句絕太原王慕容恪也死四年矣今有王猛
猶再見恪占之遺愛謂慕容恪見愛有古人之遺風**正**
誤嚴鼓今按謂**質實**晉陽縣名注見周威烈王二十三
州注允周報王五十三上黨渭源疑是地名未詳處
所又按一統志云唯臨兆府城東百二十里有渭源縣

乃後魏所置屬渭州本漢之首陽縣唐陷于吐蕃宋收復置渭源及慶平通谷三堡屬熙州金仍舊元陞渭源堡為縣而慶平通谷隸焉○本朝因之屬臨兆府愚私臆之晉陽之去渭源路程不應又遠東晉之於後魏朝代又且後先所以不敢指實故錄此以備考之安定郡名注見漢光武建武元年郡魏縣名注見漢獻帝建安十五年慕容玄恭吳王恪之表字

十一月秦王堅入鄴執燕主暉以王猛為冀州牧都督關東六州軍事

秦王堅留李威輔太子自帥精銳十萬赴鄴七日而至安陽晏祖父時故老燕主暉與慕容評等犇龍城堅入鄴宮慕容垂見燕公卿及故僚吏有愠色高弼密言曰今雖國家傾覆安知其不為興運之始邪宜恢江海之量慰結其心以立覆篲之基成九仞之功奈何以一怒指之垂悅從之暉既出城衛士皆散惟將軍孟高扶侍極其勤瘁所在遇賊轉鬪而前與將軍艾朗俱死於賊暉失馬步走堅使將軍郭慶追之及於高陽執以詣堅

堅詰其不降之狀對曰狐死首丘欲歸死於先人墳墓耳堅哀而釋之令還宮帥文武出降暉稱高朗之忠於堅堅命厚加歛葬拜其子為郎中評犇高句麗執送於秦凡得郡百五十七戶二百四十六萬口九百九十九萬以燕宮人珍寶分賜將士評之敗也暉疑梁琛知秦謀收繫獄至是堅召釋之謂曰卿不能見幾而作反為身禍可謂智乎對曰臣聞幾者動之微吉凶之先見者也如臣愚暗實所不及然為臣莫如忠為子莫如孝是以烈士臨危不改見死不避以徇君親彼知幾者心達安危身擇去就不顧家國臣雖知之尚不忍為况非所及邪堅聞悅縮之忠恨不及見拜其子為郎中堅以猛為使持節都督關東六州諸軍事冀州牧鎮鄴悉以評第中之物賜之守令有闕令以便宜補授將士封賞各有差州縣守長皆因其舊以燕申紹與韋儒俱為繡衣使者循行關東觀省風俗勸課農桑振恤窮困收葬死亡旌顯節行燕政有不便於民者皆變除之

集覽 狐死首丘記檀弓上太公封於營丘留為太師死於齊君子曰樂樂其所自生禮不忘其本古之人有言曰齊死正丘首仁也鄭玄曰正丘首正首丘也仁恩也首

手又反朱申曰狐以穴丘而生亦不忍背丘而死不忘恩也淮南子曰鳥飛返鄉兔死歸窟狐死首丘楚辭九章哀郢篇鳥飛返故鄉兮狐死必首丘晦庵朱氏集註鳥飛返故鄉思舊巢也首丘謂狐以首枕丘而死不忘其所自生也綱衣使者漢百官表有綱衣直指出討奸猾治大獄注云指事而行無阿私衣以綱者尊寵之也

質實

安陽縣名注見惠帝永興元年高陽縣名注見愍帝建興

年四

發明

劉石苻姚均之夷狄也然堅能用猛師行有紀故伐燕之舉不見其斬艾屠戮之慘異乎他虜所為是以上書入晉陽此書入鄴詞皆不費而燕已舉矣戒一大國易若反手如猛所謂使六州士庶不覺易主者蓋真實語也而堅又能就用猛統六州以安其眾異於他滅國之後多有反側不安者此堅之所以獨盛於五胡也

十二月秦遷故燕主暉及鮮卑四萬戶於長安

秦王堅遷慕容暉及其百官并鮮卑四萬餘戶於長安猛表留梁琛為主簿他日與僚屬宴語及燕吏猛曰人心不同昔梁君專美本朝郝君微說國弊參軍馮詵曰敢問取臣之道何先猛曰郝君知幾為先詵曰然則明公賞丁公而誅李布也猛大笑秦封暉為新興侯以評為給事中皇甫真為奉車都尉燕故太史黃泓歎曰燕必中興其在吳王乎恨吾老不及見耳初燕以宜都王桓將兵為評後繼聞敗走和龍攻遼東時遼東已降秦秦追桓擊而殺之其子鳳年十一陰有復讎之志鮮卑丁零有氣幹者皆傾身與之交權翼謂曰兒方以才望自顯勿效爾父不識天命鳳厲色曰先王欲建忠而不遂此乃人臣之節君侯之言豈獎勸將來之義乎翼改容謝之言於堅曰鳳忱慨有才器

集覽

郝君指郝晷賞

質實

新興縣名注見孝武帝太元九年宜都郡名注見孝武帝太元

十一年鮮卑東胡種名注見漢光武建武二十五年丁零北狄種名注見漢武帝天漢元年狼子野心注見漢

武帝建寧元年

太宗簡文皇帝咸安元年秦建元七年

考異 提要帝下注昱字按歲年例君名注

曰即位在今年內者用之則此當大書昱字然改元例曰凡中歲改元開義理得失者以前為正而注所改於下據

此年十一月桓温廢帝奔立簡文則此當大書六年分注太宗簡文皇帝昱咸安元年而明年歲首大書太宗簡文

皇帝咸安二年當補書六年分註簡文帝咸安元年○謹按

辭廢帝立會稽王昱是為簡文帝今諸本於歲首即去太和之年大書簡文之號則是於帝奔在位之日已追廢之

矣通鑑舊文以後為正者欲從簡便耳凡例曰漢建安二

十五年十月魏始稱帝改元黃初通鑑於是年之首即書

黃初非惟失其事實而於君臣之義所害尤大今當正之

夫以太和咸安而不正則是遂桓温之非傷人倫之教豈

立言之本意哉故當改書六年終春正月大司馬温拔壽

春獲表瑾斬之考異 斬當作誅

表瑾求救於秦秦遣將軍王鑒張蚝帥步騎二萬救之

温遣桓伊等擊鎔蚝於石橋大破之遂拔壽春擒瑾送

建康質實 石橋有二處一在滁州全椒縣東北下通舟

斬之質實 輯今名積玉橋一在和州含山縣治南上有

觀音閣今名觀音橋按此二處未知孰是姑錄之以備

考焉建康 郡名注見漢獻帝興平二年金陵壽春縣名

注見秦王政六年

秦徙關東豪傑及雜夷十五萬户于關中○凉州張天錫

稱藩于秦 秦王堅命王猛為書論天錫曰昔貴先公稱藩劉石者為審於疆弱也今秦之威旁振無外關東既平將移兵河右恐非六郡士民所能抗也天錫大懼遣使稱藩堅拜天錫凉州刺史西平公

質實 凉州注見唐中宗景龍二年西平郡名注見漢宣帝元康四年湟中吐谷渾入貢于秦 吐谷渾王辟奚遣使獻馬千匹金銀五百斤于秦秦以為強川矣辟奚好學仁厚而無威斷三弟專恣國人患

之長史鍾惡地與司馬乞宿雲收殺之辟矣由是發病
恍惚命世子視連曰吾禍及同生何以見之於地下國
事汝自治之吾餘年殘命寄食而已遂以憂卒視連立
不飲酒遊畋者七年軍國之事委之將佐惡地諫以為
人主當自娛樂建威布德視連泣曰孤自先世以來以
仁孝忠恕相承先王念友愛之不終悲憤而亡孤雖纂
業尸存而已聲色遊娛豈所安

集覽

強川強音其良反水名也在河南尸

存尸主也尸位

正誤

尸存今按尸存言雖存而如尸也

質實

種名注見元

代世子寔卒

初代將長孫斤謀弒代王什翼犍寔格之傷脇至是卒
寔娶東部大人賀野干之女有遺腹子什翼犍名之曰

秦伐仇池克之執楊纂以歸

質實

仇池縣名注見

○秦以

鄧羗為鎮東將軍

王猛以潞川之功請以羗為司隸秦王堅下詔曰司隸
校尉董牧皇畿吏責甚重非所以優禮名將光武不以
吏事處功臣實貴之也羗有廉李之才朕方委以征伐
之事北平匈奴南蕩揚越羗之任也司隸何足以嬰之
其進號鎮東將軍位特進

集覽

董牧皇畿爾雅曰董督正也牧養也

十三年

質實

司隸校尉注見漢元帝永光元年廉李謂

王畿戰國趙之良將廉頗李牧也光武不以吏

冬十月秦王堅如鄴

秦王堅至鄴獵于西山旬餘忘返伶人玉洛叩馬諫曰
陛下群生所繫今久獵不歸一旦患生不虞奈太后天
下何堅為之罷獵還宮王猛因進言曰畋獵誠非急務
洛之言不可忘也堅賜洛帛百匹拜官箴左右自是不
復獵

質實

鄴縣名注見漢獻帝建安十五年

十一月大司馬温入朝廢帝為東海王迎會稽王昱入即位

温恃其材畧位埒陰蓄不臣之志嘗撫控歎曰男子不能流芳百世亦當遺臭萬年術士杜昺能知人貴賤温問之昺曰明公勳格宇宙位極人臣温不悅温欲先立功河朔以收時望還受九錫及枋頭之敗威名頓挫既克壽春謂却超曰足以雪枋頭之耻乎超曰未也父之超就温宿中夜謂曰明公不為伊霍之舉無以立大威權鎮壓四海温遂與定議以帝素謹無過而床第易誣乃揚言帝早有痠疾嬖人朱靈寶等參侍內寢三美人生三男將移皇基人莫能審其虛實温乃詣建康諷褚太后請廢帝而立會稽王昱并作令章呈之太后太后曰我本自疑此便索筆益之曰未亡人不幸罹此百憂感念存沒心焉如割温集百官於朝堂百官震慄温亦色動不知所為尚書僕射王瑰之命取霍光傳禮度儀制定於須臾更鬼之朝服當階神彩毅然於是宣太后令廢帝為東海王帝乘憤車出神虎門侍御史將兵衛送東海第温帥百官迎昱即帝位温有足疾詔乘輿入殿

人有告榮以魏主之謀榮具奏之魏主曰外人亦言王欲害我豈可信邪於是榮不自疑每入謁從數人不持兵仗魏主欲止城陽王徽曰縱不反亦何可耐况不可保邪先是長星入中台掃大角恒州人高榮祖曰除舊布新之象也榮甚悅至是即中李顯和語人曰天柱至那無九錫都督郭羅察曰今年真可作禪文何但九錫榮下人皆陵侮魏主左右無所忌憚故其事皆上聞奚殺又見魏主求問魏主知其誠乃召城陽王徽及楊侃李或告以毅語及天穆至魏主乃召中書舍人温子昇告以殺榮狀并問以殺董卓事子昇具通本末魏主曰王允若赦涼州人必不至此良久又曰吾寧為高貴鄉公死不為常道鄉公生若殺榮與天穆而赦其黨亦應為榮所委任具道習曰爾先世隆司馬子如朱元龍特隆不全仲遠天光豈有來理魏主亦以爲然乃伏侃等十餘人於光明殿東榮與天穆並入坐食未訖起出事不果謀遂泄世隆又以告榮勸其速發榮不聽然預謀者皆懼魏主患之城陽王徽曰以生太子為辭榮必入矣魏主從之乃伏兵明光東序聲言皇子生遣微馳告榮榮遂與天穆俱入温子昇預作赦文執以出遇榮問

之子昇色不變曰救榮不取視入坐李侃晞等抽刀從東戶入榮即起趨御坐魏主先橫刀膝下遂手刃之天穆亦死內外喜謀百僚入賀魏主登門大赦遣奚毅將兵鎮北中城是夜爾朱世隆帥榮部曲走屯河陰初榮黨田怡聞變議攻官門食拔勝止之及世隆走勝亦不從魏主甚嘉之朱瑞維為榮所委而善處朝廷之間魏主亦善遇之故瑞從

集覽 蒐狩春田曰蒐蒐索也擇取世隆走而中道逃還禽獸之不孕者冬田曰狩狩圍守也冬物畢成獲則取之無所擇也契胡謂爾朱榮也契音喫如契丹契苾契骨皆東胡種魏道武帝登國初榮之先羽健為領人酋長率契胡從平晉陽張星入中台掃大角長星注見晉孝武帝太元二十年中台注見晉惠帝永康元年并大角注見漢成帝元延三年求問為句猶言請問注見漢高后八年殺董卓事漢獻帝時董卓篡謀已兆王允陰結卓將呂布為內應會卓入朝布斬之王允若赦涼州人必不至此全本下文云意謂殺榮即赦其黨皆應不動譬如王允既殺董卓卓之將校多涼州人允乃議罷其軍故卓部將李傕作亂殺允高貴鄉公三國魏主曹髦先封高貴鄉公既立見司馬昭專權遂率僕鼓諫而出攻昭被成濟即前執之

者不可不謹其微而嚴履霜之漸爾於溫乎何誅

十二月降封東海王為海西縣公

大司馬溫奏廢放之人不可以臨黎元東海王宜依昌色故事太后詔封海西縣公溫威震內外帝雖處尊位拱默而已先是熒惑守太微端門踰月而海西廢至是又逆行入太微帝甚惡之謂中書侍郎郝超曰命之脩短本所不計故當無復近日事邪超曰大司馬臣溫方內固杜糶外恢經畧非常之事臣以百口保之及超請急省其父帝曰致意尊公家國之事遂至於此由吾不能以道匡衛因詠庾闡詩云志士痛朝危忠臣哀主辱遂泣下霑襟帝美風儀善容止留心典籍凝塵滿席湛如也雖神識恬暢然無濟世大畧謝安以為惠帝之流但清談差勝耳起以溫故朝中皆畏事之謝安嘗與左衛將軍王坦之共詣超日未得前坦之欲去安曰獨不能為性命

集覽 昌邑故事漢昭帝崩迎昌邑王即帝忍須臾邪位有罪被廢歸于昌邑太微端門天官書衛太微三星在翼軫地天子之宮庭五帝之坐其外藩微宮垣十星在翼軫地天子之宮庭五帝之坐其外藩

九卿也南藩中
二星間於端門
質實 海西縣未
詳處所

二年 秦建元
八年 **考證** 當書太宗簡文皇
帝於二年之上 春二月秦以慕容評

為范陽太守

慕容岳言於秦王堅曰臣叔公評燕之惡來革也不宜
復汙聖朝願為燕戮之堅乃出之范陽司馬公曰古之
人疾人之國而人悅何哉為人除害故也秦王堅不以
評為誅首又從而寵秩之是愛一人而不愛一國之人
也其失人心多矣是以施恩於人而人莫之恩盡誠於
人而人莫之誠卒於功名不遂容身無所由不得其道
故 **集覽** 惡來革秦本記蜚廉生惡來又曰惡來革者蜚
也 廉子也 以是知惡來革即惡來也 又讀楚辭惜
誓篇梅伯數諫而至醢 芳來革順志而用國文公集註
云來謂惡來與革皆紂之佞臣如此則惡來革自是
人正疑史記之誤及觀劉鼎全史提綱乃曰惡來名革
蜚廉長子也此說卻與史記相符史燭通鑑釋文惡音
哀都反孫奔 **質實** 范陽郡名注見漢帝
示兒編亦云 玄更始二年涿郡

三月秦命關東禮送經藝之士

秦王堅詔關東之民學通一經才成一藝者所在郡縣
以禮送之在官百石以上學不通一經才不成一藝者
罷遣 還民

夏四月遷海西公於吳縣 **質實** 吳縣注見漢獻
帝建安三年 ○六月秦

以王猛為丞相苻融為冀州牧 **質實** 冀州注見漢元
帝建昭二年鄴 ○秋

七月帝崩太子昌明即位 **考證** 下當補書立子昌明為皇
太子 ○謹按簡文有疾召

大司馬入輔不至詔立皇子昌明為皇太子生十年矣帝
崩王彪之正色謂群臣曰天子崩太子代立何容得異朝
議乃定太子昌明即位太子立於簡文
在位之日故當補書以正孝武之始

帝不豫急召大司馬溫入輔一日一夜發四詔溫辭不
至詔立皇子昌明為皇太子生十年矣道子為琅邪王
領會稽國以奉帝母鄭太妃之祀遺詔溫依周公居攝
故事又曰少子可輔者輔之如不可君自取之侍中王

坦之持詔入於帝前毀之帝曰天下儻來之運卿何所
憚坦之曰天下宣元之天下陛下何得專之帝乃使改
詔曰家國事一稟大司馬如諸葛武侯王丞相故事是
日帝崩群臣曰當須大司馬處分王虎之正色曰天子
崩太子代立大司馬何容得異朝議乃定太子即位太
后欲令温居攝處之曰此異常大事大司馬必當回讓
使萬機停滯稽廢山陵未敢奉令事遂不行温望簡文
臨終禪位不爾便當居攝既不副所望與弟冲書曰遺
詔使吾依武侯王公故事耳

集覽

王丞相謂

賞

琅邪

注見漢光武建武五年

宣元謂宣帝元帝也

八月秦加王猛都督中外諸軍事

猛至長安復加都督中外諸軍事辭章三四上秦王堅
不許曰朕方混壹四海非卿誰可委者卿之不得辭宰
相猶朕不得辭天下也猛為相堅端拱於上百官總已
於下軍國之事無不由之猛剛明清肅善惡著白放黜
尸素顯技出滯勸課農桑練習軍旅官必當才刑必當
罪由是國富兵彊戰無不克秦國大治堅敕太子宏及

長安公丕等曰汝事王公如事我也陽平公融年少在
冀州為政好新奇貴苛察治中別駕申紹數規正導以
寬和融雖敬之未能盡從後紹出為濟北太守融屢以
過失聞數致譴讓乃恨不用紹言嘗坐檀起學舍為有
司所糾問紹誰可使者紹曰燕尚書郎高泰清辯有膽
智可使也使至長安見猛曰昔魯僖公以泮宮發頌齊
宣王以稷下垂聲今陽平公開建學官乃煩有司舉劾
明公懲勸如此下吏何所逃罪乎猛曰是吾過也事遂
釋猛因歎曰高子伯豈陽平所宜吏乎言於秦王堅堅
召見問以為治之本對曰治本在得人得人在審舉審
舉在核真未有官得其人而國家不治者也堅曰
可謂辭簡而理博矣以為尚書郎固請還州許之

集覽

漢平帝元始四年以稷下垂聲史記田敬仲完世家齊

宣王喜文學遊說之士自如騶衍淳于髡田駢接予慎

到環淵之徒皆賜列第為上大大夫不治而議是以稷下

學士復盛且數百人劉向別錄曰齊有稷門城門也
談說之士期會於稷下春秋莒子如齊盟于稷門即此
齊地記云齊城西門側系水左右有講堂舊址蓋因側
系水故曰稷門古側稷音相近耳又虞喜曰齊有稷山

立館其下以待
遊士亦異說也
縣名注見漢惠帝五年
子伯高秦表字

發明

堅之任猛如此方盡其才而桓溫乃以軍謀祭酒處之欲與俱南宜乎猛之不也就也且溫既知

江東無猛之比當戰攻分裂之世乃不能羅而致之
察以資敵何哉然猛才畧出溫之右亦自知必不為
溫所容秦能用猛而晉不能用溫故猛功業傑出而
溫終為跋扈之臣此又繫乎君臣遇合與否爾猛是
時輔相符秦兵疆國富境內大治溫與之對局不能
自反方且廢立亂朝其處不難之域其不及猛多矣
綱目止書猛受任之重而佐秦之烈固已
隱然在中宜乎後人謂為符堅之管仲也

冬十月葬高平陵

質實
一統志云高平陵在元縣境內
○三吳大旱

饑質實

張九韶曰三吳謂東吳蘇州中吳潤州西吳湖州也

烈宗孝武皇帝寧康元年

秦建元九年春二月大司馬溫來朝

桓溫來朝詔吏部尚書謝安侍中王坦之迎于新亭時
都下恂恂云欲誅王謝因移晉祚坦之甚懼安神色不
變曰晉祚有亡決於此行溫既至百官拜於道側溫大
陳兵衛延見朝士坦之流汗沾衣倒執手版安從容就
席謂溫曰安聞諸撤有道守在四隣明公何須壁後置
人邪溫笑曰正自不能不爾遂命撤之與安笑語移日
却超卧帳中聽其言風動帳開安笑曰却生可謂入幕
之賓矣時天子幼弱外有強臣安與坦之盡忠輔衛卒
安晉室三月溫有疾還姑孰
質實
新亭注見安
帝元興元年

發明

書大司馬溫來朝初無異詞而其兇威震固
自隱然於中則當時之氣象為如何耶吁可畏

酉癸

秋七月大司馬溫卒以桓沖都督揚豫江州軍事

初溫疾篤諷朝廷求九錫屢使人趣之謝安王坦之故
緩其事使袁宏具草宏以示王虎之虎之歎其文辭之
美因曰卿固大才安可以此示人安見其草輒改之由
是歷旬不就溫弟江州刺史沖問安坦之所任溫曰渠

等不為汝所處分也温以世子熙才弱使冲領其眾温卒熙及弟濟謀殺冲冲徙之長沙稱温遺命以少子玄為嗣時方五歲襲封南郡公冲既代温居任盡忠王室或勸誅除時望冲不從始温在鎮死罪皆專决冲以為生殺之重當歸

質實

袁宏陽夏人璩之從子長沙郡名注見漢獻帝興平元年南郡注見

漢獻帝建安十三年

書法

綱目卒蜀漢及晉諸臣無不書姓者此其不書何削之也自蜀漢及晉卒不書姓者大司馬温

一人而已矣

發明

桓温之卒既書其官乃不書其爵又削其姓何哉温在晉誠為跋扈然使其為操為懿一以無道行之則亦何難之有惟温尚能稍知顧忌故雖垂

涎晉鼎終莫染指是以綱目權其輕重寓諸書法之間予之而不盡予故止書其官貶之而不盡貶故僅去其爵至於名而不氏又以著其強大之實若莽卓終不問可知其為温也噫此綱目之所以為綱目也歟

皇太后臨朝攝政以王彪之為尚書令謝安為僕射

謝安以天子幼冲欲請崇德太后臨朝彪之曰上年垂及冠婚及令從嫂臨朝豈所以光揚聖德乎安不欲委任桓冲故使太后臨朝已得專决遂不從其言彪之與共掌朝政安每歎曰朝廷大事衆所不能决者以諮王公無不立决

集覽

崇德太后康帝褚后也

書法

太后於是三臨朝矣漢殤帝太后桓梁太后再臨朝則書猶魏馮胡唐武氏再臨朝則書復於

是三臨朝而綱目書之如恒辭惟無意於擅朝也凡書臨朝譏也惟褚太后無譏焉再書攝義同

冬秦寇梁益陷之

秦王堅使王統朱彤帥卒二萬出漢川毛當徐成帥卒三萬出劔門以寇梁益梁州刺史楊亮拒之戰敗彤遂拔漢中徐成亦克劔門楊安進攻梓潼太守周虓固守涪城遣步騎送母妻趣江陵彤斂而獲之虓遂降十一月秦取二州即秣夜郎皆附之秦以楊安鎮成都毛當鎮漢中姚萇屯墊江王統鎮仇池堅欲以周虓為尚書

即楮曰彖晉厚恩但老母見獲失節於此母子獲全秦
之惠也雖公侯之貴不以為榮遂不仕每見堅或箕踞
而坐吟為氏賊嘗值元會儀衛甚盛堅問之曰晉朝元
會與此何如楮攘袂厲聲曰犬羊相聚何敢比擬天朝
秦人以楮不遜屢請殺之堅持之彌厚

質實 漢川地名注見周赧王四年漢中劔門關名注見
唐昭宗大順二年梁益二州名梁注見周赧王四

年漢中益注見武帝泰始八年漢中郡名注見周赧王
四年梓潼郡名注見漢獻帝建安十八年涪城縣名注

見漢光武建武十二年江陵郡名注見漢獻帝建安十
三年墊江縣名注見漢光武建武十一年箕踞注見漢

後主景
耀五年

以王坦之為中書令領丹陽尹 **質實** 丹陽郡名注見漢獻
帝興平二年金陵

彗星見

彗星出于尾箕長十餘丈經太微掃東井自四月見及
冬不滅秦太史令張孟言尾箕燕分東井秦分也今彗

起尾箕而掃東井十年之後燕當滅秦二十年之後代
當滅燕慕容氏布列朝廷臣竊憂之宜剪其魁傑以消

天變堅不聽陽平公融亦上疏言之堅報曰朕方混六
合為一家視夷狄為赤子汝宜息慮勿懷耿介夫惟修

德可以禳災苟能內求諸已何懼外患乎其後有人入
秦明光殿大呼曰甲申乙酉魚羊食人悲哉無復遺堅

命執之不獲朱彤趙整固請誅諸鮮卑堅不聽整宦官
也博聞彊記能屬文好直言面諫慕容岳夫人得幸於

堅堅與之同輦遊于後庭整歌曰不見雀來入鷲 **質實**
室但見浮雲蔽白日堅改容謝之命夫人下輦

彗星 注見周顯王八年尾箕東方之宿名太微注見漢
景帝後三年東井注見宋文帝元嘉十六年鮮卑東胡

種名注見漢光武
建武二十五年

書法 彗星出尾箕掃東井燕滅秦之兆明矣綱目不
書所出若曰天有大戒凡有國者皆當有警懼

之心
云耳

癸明 星變如此秦太史言燕秦興滅之由他時皆驗
然欲使之誅殺以應之則非矣且堅之亡非在

戊甲

於不殺鮮卑而在於窮黷不已此則非秦太史之所
能知也是時宇宙瓜分綱目書彗見而不書分野正
欲夫人知敬畏修省之實無徒
泥於天象之所屬而異心也

二年秦建元春二月以王坦之都督徐兗等州軍事詔謝

安總中書

安好聲律恭功之慘不廢絲竹士大夫效之遂以成俗
坦之屢書苦諫曰天下之寶當為天下惜之安不能從
又嘗與王羲之登冶城悠然遐想有高世之志羲之謂
曰夏禹勤王手足胼胝文王胼胝食日不暇給今四郊多
壘宜思自勅而虛談廢務浮文妨要恐非當世
所宜安曰秦任高鞅二世而亡豈清言致患邪
之慘謂有周莽大功小功之服手足胼胝胼滿眠反
張尼反胼胝皮堅厚也列子曰禹惟荒土功身體偏枯
手足胼胝質實治城本吳治鑄之地在應天府治北朝天宮
後晉謝安與王羲之同訪治城悠然遐想有
超世之志即此

亥乙

三年秦建元夏五月徐兗都督藍田侯王坦之卒

質實田藍

縣名注見周顯王三年

坦之臨終與謝安坦冲書惟以
國家為憂言不及私卒謚曰獻

以桓冲為徐州刺史謝安領揚州刺史

冲以安素有重望以揚州讓之自求外
出桓氏族黨莫不苦諫冲處之澹然

秋七月秦丞相清河侯王猛卒

猛寢疾秦王堅親為祈郊廟社稷分遣侍臣徧禱河嶽
疾少廖為之赦殊死以下猛上疏曰不圖陛下以臣之
命而虧天地之德開闢以來未之有也臣聞報德莫如
盡言謹以垂沒之命竊獻遺款夫善作者不必善成善
始者不必善終古先哲王知功業之不易戰戰兢兢如
臨深谷伏惟陛下追蹤前聖天下幸甚堅覽之悲慟七
月堅親至猛第視疾訪以後事猛曰晉雖僻處江南然
正朔相承上下安和臣沒之後願勿以晉為圖鮮卑西

通鑑綱目卷二十二 晉書 卷三十三 王猛傳

我之仇敵終為大患宜漸除之以便社稷言終而卒
堅比飲三臨哭謂太子宏曰天不欲使吾平一六合邪
何奪吾景畧之速也葬之
如漢霍光故事謚曰武
質實清河縣名注見漢安帝
見新莽天鳳元年六合應劭曰六合
者天地四方之謂也景畧王猛表字

發明

凡仕夷者皆以死書而猛獨書官書爵書卒何
原其心也猛負高世之資生亂離之世不得已
而仕秦其心蓋倦倦然以中國生靈為念親其臨終
秦主訪以後事猛曰晉雖僻處江南然正朔相承上
下安和臣沒之後願勿以晉為圖噫所謂正朔相承
一言其深明華夷之分識順逆之理也歟表而出之
以為不幸而仕夷者之法

八月立皇后王氏

后蒙之孫也

九月以徐邈為中書舍人

帝講孝經始覽典籍延儒士謝安為魏補中書舍人每
被顧問多所匡益帝或宴會謝安之後好為詩章文詞
纖雜邈應時收歛還省刊削經帝重覽然後出之

冬十月朔日食○秦置聽訟觀遣太子入學禁老莊圖識

之學

秦王堅詔曰新喪賢輔百司或未輯朕心可置聽訟觀
五日一臨以求民隱今天下雖未大定權可偃武脩文
以稱武侯雅旨其增崇儒教禁老莊圖識之學紀者系
市妙簡學生太子及群臣之子皆就學受業尚書即王
佩讀識堅殺
質實老莊注見成帝咸康三年圖識注見
之識學遂絕
漢光武建武中元元年秦市注見秦
始皇三十四年

書法

自晉初書禁星氣識緯之學於是復書禁老莊
圖識堅可謂知所尚矣綱目於苻氏有取焉此
類是也然終以識誤何哉太元十年終綱目書
禁圖識四詳武帝泰始三年禁老莊則一而已

太元元年 秦建元十二年 是春正月朔帝冠太后歸政以謝安為中書監錄尚書事

書法

褚太后三臨朝凡再書歸政矣皆以帝冠首之

○秦遣侍臣分巡郡縣

秦王堅下詔曰往得丞相常謂帝王易為自丞相違世
鬚髮半白今天下既無丞相或政教淪替可遣侍臣分
巡郡縣問民疾苦

秋七月秦遣兵擊涼州八月敗其兵涼將掌據死之張天

錫降考證

降當作

天錫荒于酒色不親庶務黜世子大懷而立嬖妾之子
大豫人情憤怨秦王堅以天錫臣道未純遣將軍苟萇

梁熙等將兵臨西河尚書郎閻負梁殊奉詔徵之若有

違命即進師撲討負殊至姑臧天錫會官屬謀之皆怒

曰吾世事晉朝忠節著於海內今一旦委身賊虜醜莫

大焉且河西天險若悉境內精兵在招西域地引匈奴

以拒之何遽知其不捷也天錫攘義大言曰孤計決矣

言降者斬使謂負殊曰君欲生歸乎死歸乎殊等辭氣

不屈天錫怒射殺之其母嚴氏泣曰秦主橫制天下兵

不留行汝若降之猶可延數年之命今既抗衡又殺其

使者亡無日矣天錫使將軍馬建帥眾二萬拒秦八月

秦師濟河天錫又遣掌據帥眾三萬軍于洪池苟萇使

姚萇為前驅馬建迎降據兵敗就帳免胄西向稽首伏

劍而死秦兵遂至姑臧天錫面縛出降涼州郡縣悉下

秦以梁熙為涼州刺史鎮姑臧封天錫歸義侯初秦兵

之出也先為天錫築第於長安至則居之熙清儉愛民

河右安之桓冲聞秦攻涼州遣

兵分道撓秦以救涼不克而罷

橫兵不留行漢書武帝攻匈奴警循以疆

弩射潰靡也必不留行矣注言無所礙也

質實西河地名未詳

通鑑綱目卷三十一

晉書武帝紀

卷三十一

注見唐中宗

景龍二年

詔除度田收租之制

初哀帝減田租畝收二升至是除之
王公以下口稅米三斛蠲在役之身

冬十一月朔日食○秦遣兵擊代敗之十二月代寔君弒

其君什翼犍秦討殺之遂分代為二部

考異

殺當作誅

劉衛辰為代所逼求救於秦秦王堅遣行唐公洛鄧羗
朱彤等將兵擊之以衛辰為鄉導代王什翼犍使南部
大人劉庫仁將兵拒戰大敗什翼犍病不能自將乃奔
陰山之北聞秦兵稍退復還雲中初什翼犍世子寔甲
卒寔子珪尚幼慕容妃諸子皆長繼嗣未定庶長子寔
君遂殺珪諸弟并弒什翼犍秦兵趨雲中部衆逃潰國中
大亂珪母賀氏以珪走依賀納秦王堅召代長史燕鳳
問代亂故鳳具以對堅曰天下之惡一也乃執寔君至
長安車裂之堅欲遷珪於長安鳳固請曰代王遺孫沖
幼莫相統攝庫仁勇而有智衛辰狡猾多變皆不可獨

任宜分諸部為二令此兩人統之兩人素有深讎而勢
莫敢先發俟其孫稍長立之是陛下有存亡繼絕之德
於代使其子孫末為不侵不叛之臣此安邊之良策也
堅從之分代為二部自河以東屬庫仁自河以西屬衛
辰使統其衆賀氏以珪依庫仁庫仁招撫離散恩信甚
著奉事拓跋珪恩勤周備不以易意常謂諸子曰
此兒有高天下之志必能恢隆祖業汝曹當謹遇之慕
容紹私謂其兄楷曰秦待其疆大務勝不休北成雲中
南守蜀漢轉運萬里道殫**集覽**音近路冢也道中死人
相望兵疲民困危亡近矣**音**道殫相望左傳文也殫
人所**質實**行唐縣名注見梁主瑱乾化三年陰山注見
覆也秦王政三年燕鳳代人雲中郡名注見秦王
政三年

書法

代弒也秦書討何弒逆之賊夫人得而討之綱
目之誅惡嚴矣是故祖約反於晉而趙書誅成

帝咸和五年寔君弒於代而秦書討是年

二年秦建元春高句麗新羅西南夷皆遣使朝貢于秦

丁丑

實 新羅東夷國名注見唐太宗貞觀十七年西南夷注見漢武帝元狩元年滇國 ○秦以熊邈為

將作長史

趙故將作功曹熊邈屢為秦王堅言石氏宮室器玩之盛堅以邈為將作長史大修舟艦兵器飾以金銀頗極精巧慕容農私言於垂曰自王猛之死秦之法制日以頽靡今又重以奢侈殃將至矣大王宜結納英傑以承天意垂笑曰天下事非爾所及

書法

一將作長史耳何以書著秦主之驕侈也

以朱序為梁州刺史鎮襄陽

質實

梁州注見周赧主四年漢中襄陽縣名注見漢

獻帝建安

○秋七月以謝安都督揚豫等州軍事

質實

揚

二州名揚注見漢獻帝興平二年

○冬十月以桓沖都督

江荆等州軍事謝玄監江北軍事

桓沖以秦人疆盛欲移阻江南奏自江陵徙鎮上明使劉波守江陵楊亮守江夏初中書郎却超自以其父位

是與謝氏有隙時朝廷方以秦寇為憂詔求文武良將可鎮禦北方者安以兄子玄應詔超聞之歎曰安之明

乃能違衆舉親玄之才足以不負所舉衆咸以為不然超曰吾嘗與玄共在桓公府見其使才雖履屐間未嘗

不得其任是以知之玄鎮廣陵募驍勇之士得彭城劉

牢之等數人以牢之為參軍常領精銳為

前鋒戰無不捷時號北府兵敵人畏之

也散上聲莊子注

質實 江陵縣名注見漢獻帝建安十

州府松滋縣境晉荆州刺史桓沖自襄陽退屯於此時

見漢武帝元朔五年淮南彭城郡名注見秦始皇二十八年

散騎常侍王彪之卒

初謝安欲增修宮室彪之曰中興之初即東府為宮殊為儉陋蘇峻之亂成帝止蘭臺都坐不蔽風雨是以更

通鑑綱目卷五十五 晉書武帝本紀三十三 三十一

營新宮此之漢魏則為儉比之初過江則為侈矣今寇
敵方疆豈可大興功役勞擾百姓邪安曰宮室弊陋後
世謂人無能處之曰凡任天下之重者當保國寧家
熙政事乃以修室屋為能邪安不能奪故終處之世
無所集覽蘭臺都坐蘭臺御史臺也都坐猶今都堂也
營造考武置檢校御史掌行馬外事亦蘭臺之職
質實東府注見安帝元興元年一統志云新宮在應天
府上元縣治東北五里臺城內晉有顯陽宮蘇峻
作亂宮室盡焚太元初
乃作新宮名曰永安

臨海太守郝超卒

初超黨於桓氏以父愔忠於王室不令知之及病甚出
一箱書授門生曰公年壽我死之後若以哀悼害寢食
者可呈此不爾即焚之超卒愔果成疾門生呈箱皆與
桓溫徃反密計愔大怒曰小子死已晚矣遂不復哭
質實一統志云臨海古地名春秋戰國時為越地秦屬
閩中郡漢初屬東甌國後東甌內徙以其地置回
浦縣屬會稽郡又南部都尉治此處東漢初改回浦曰
章安三國吳以會稽東郡為臨海郡治臨海縣徙治章

安梁改為赤城郡尋廢陳復置章安郡隋罷唐初置海
州尋改曰台州因天台山為名天寶初復改為臨海郡
乾元初復為台州至德初移治始豐陞為德化軍宋仍
為台州屬浙東路元改為台州路本朝因之改為台
州府隸
浙江道

書法

太守卒不書書卒超何著愔忠也終綱目卒太
守四詳見隱帝建興元年皆予之也惟郝超非

發明

超本不足錄而特卒之者著其黨於桓氏之罪
也然則何以書官超慮其父哀惋成疾故暴其
身後之惡以止之志亦可哀故特憫而存之也

三年秦建元春二月作新宮○秦寇涼州夏四月陷南陽

考異

一本作梁州秦王堅遣長樂公丕將軍苟萇石越慕容垂等四道會
攻襄陽梁州刺史朱序以秦無舟楫不以為虞既而石

寅戊

越帥騎五千浮度漢水序惶駭固守中城越克其外郭
獲船百餘艘以濟餘軍王督諸將攻中城序母韓氏聞
秦兵將至自登城履行西北隅以為不固帥百餘婢及
城中女丁築斜城於其內及秦兵至西北隅果潰移守
新城襄陽人謂之夫人城桓冲在上明擁衆七萬憚秦
兵不敢進不謂急攻襄陽苟長曰吾衆十倍於敵摸糧
山積但稍遷漢沔之民於許洛塞其運道絕其援兵譬
如網中之禽何患不獲而多殺將士急求成功哉不從
之慕容垂拔南陽執質實長樂郡名注見秦二世二年
太守鄭喬與丕會質實信都漢水注見漢獻帝建安
十三年漢沔新城郡名注見漢獻帝建安二十四年房
陵一統志云夫人城在襄陽府治西北角必朱序鎮襄陽
符堅遣將圍城序母韓氏謂城西北角必先受弊領百
餘婢并城中女丁於其角築城二十餘丈賊攻西北角
果潰衆守新築城賊遂引退襄陽人因名夫人城襄陽
縣名注見漢獻帝建安十二年南陽郡名注見秦二世
年三

秋七月新宮成

書法 凡宮室書作書成久辭也此僅五月耳書成何
速成也綱目久成書成速成書成晉自蘇峻遷

帝石頭宮闕灰燼矣成帝更造新宮倥偬可知至此
近六十年改而新之宜也二月經始七月告成則孝
武可謂知節矣故特書成終綱目書宮成
四詳見漢高帝七年皆譏也惟此為羨辭

秦遣兵分道寇盱眙彭城魏興

彭超請攻沛郡太守戴遂於彭城且曰願更遣重將攻
淮南為秦劫之勢東西並進丹陽不足平也秦王堅從

之使俱難帥步騎七萬寇淮陽盱眙八月起攻彭城詔
右將軍毛虎生帥衆鎮姑孰以禦之秦又使韋鍾圍魏
興太守吉集覽丹陽即金陵也秦改曰秣陵三國吳大
挹於西城集覽帝改曰建業晉元帝又改丹陽郡此非

漢唐之丹陽也漢丹陽治宛陵唐丹陽治京口淮陽周
為陳國春秋楚滅之戰國為楚魏之郊秦改潁川郡正
義曰淮陽國今陳州是盱眙注見秦二世二年彭城郡
名注見秦始皇二十八年西城注見漢後主建興八年

質實 沛郡注見漢成帝河平二年丹陽郡名注見漢獻
帝興平二年金陵淮陽郡名注見宋明帝泰始三年

年魏興郡名注見漢後主建興八年西城

九月秦王堅宴群臣

秦王堅與群臣飲酒以極醉為限趙整作酒歌曰地列酒泉天垂酒池杜康妙識儀狄先知紂喪殷邦桀傾夏國由此言之前危後則堅大悅命整書之以為酒戒自是宴群臣禮飲而已

集覽

禮飲記王

飲酒也禮已三爵而油油以退左傳

質實

姓源樞機云

宣二年臣侍君宴過二爵非禮也

造酒者以酉日死故酉日不會賓客戰國策云儀狄作酒禹飲而耳之曰後世必有以酒亡其國者遂疏儀狄而絕旨酒

冬十月大宛獻馬于秦不受

大宛獻汗血馬于秦秦王堅曰吾嘗慕漢文帝為人用千里馬何為命群臣作止馬詩而反之

質實

大宛

秦豫州刺史苻重謀反赦就第

北海公重鎮洛陽謀反秦王堅曰長史呂光忠正必不與之同即命光收重檻車送長安赦之以公就第

質

北海郡名注見漢桓帝永康元年青州呂光畧陽人婆樓之子洛陽縣名注見周顯王三年長安縣名注見漢惠帝五年

書法

謀反書赦讖失刑也終綱目謀反書赦二燕王且苻重未有不復反者也

發明

人臣無將將則必誅苻重既書其反而又書赦之就第是縱使為逆尔乱階何自而弭宜乎他

日復反也

四年秦建元春二月秦陷襄陽執刺史朱序以歸

秦御史中丞李柔劾奏長樂公丕等擁衆十萬攻圍小城日費萬金久而無效請徵下廷尉秦王堅遣使持節切讓丕等賜丕劔曰來春不捷汝可自裁勿復持節見吾也不等惶恐命諸軍并力攻襄陽堅欲自將來攻陽

卯巳

平公黜諫曰陛下欲取江南固當博謀熟慮不可倉猝
若止取襄陽親勞大駕所謂以隨侯之珠彈千仞之雀
也乃止朱序屢破秦兵遂不設備至命諸軍進攻督護
李伯護為內應遂克襄陽執序送長安堅以序能守節
拜度支尚書以伯護為不忠斬之秦將纂容越按順陽
執太守丁穆堅欲官之穆固辭不受堅以梁成為荊州
刺史鎮襄陽選其**質實**隨侯之珠彈千仞之雀莊子讓
才望禮而用之**質實**王篇以隨侯之珠彈千仞之雀
世必笑之何也所用重所要輕**長樂**郡名注見秦二世
二年信都國**順陽**郡名注見惠帝永興二年襄陽郡名
注見漢獻帝建安十三年

書法

執善辭也力屈而被執也

秦陷彭城淮陰

謝玄帥眾萬餘救彭城軍于泗口欲遣間使報戴逵而
不可得部曲將田泓請沒水潛行玄遣之為秦人所獲
厚賂使云南軍已敗泓偽許之既而告城中曰南軍垂
至勉之秦人殺之彭超置輜重於留城玄揚聲遣軍向

留城超聞之釋彭城圍引兵還保輜重遂帥眾奔玄超
遂據彭城留徐褒守之南攻盱眙俱難克淮陰留邵保
之**集覽**遂丑**正誤**遂今按漢書匈奴傳質遂逃竄伏遂
晉書音泗口即泗水之口注見秦始皇二十八年
義同部曲注見陳文帝天嘉元年一統志云留
城在徐州沛縣東南二十三里張良遇漢高祖處後高
祖欲封良三萬戶良曰願封留足矣即此**淮陰**縣名注
見漢獻帝建安元年

三月詔減省用度

詔以疆場多虞年穀不登其供御所須事從儉約九親
供給衆官廩俸權可減半凡諸役費非軍國事要皆宜
停**質實**九親猶言九族之親也

夏四月秦陷魏興太守吉挹死之

秦帝鍾拔魏興吉挹引刀欲自殺左右奪其刀會秦人
至執之挹不言不食而死秦王堅歎曰周孟威不屈於

前丁彦遠繫已於後吉祖冲閉口而死何晉氏之多忠臣也挹參軍史穎進歸得挹臨終手疏詔贈益州刺史

集覽

孟威周越表字也秦獲其母遂降常有不遜之語秦待之弥厚彦遠丁穆表字也被執秦欲官之穆

固辭不受

質實

祖冲吉挹表字也

五月秦陷盱眙進圍三阿謝玄連戰敗走之

秦俱難彭超後盱眙執內史毛璪之遂圍田洛于三阿去廣陵百里朝廷大震臨江列戍謝玄自廣陵救三阿難超戰敗退保盱眙六月玄進攻之又敗退屯淮陰玄遣何謙之師舟師乘潮而上夜焚淮橋難超退屯淮北玄謙之共追之戰于君川復大破之難超北走僅以身免玄還廣陵加領徐州刺史秦王堅大怒徵超下廷尉超自殺難削爵為民謝安為相秦人屢入寇衆心危懼安每鎮以和靜其為政務舉大綱不為小察時人比安於王導而謂

集覽

三阿屬高郵軍今北阿鎮是在晉為文雅過之魏思温破

質實

一統志云三阿地名即北阿鎮在揚州府高郵州城外九十二里在晉為三阿

唐為下阿是也君川地名未詳處所盱眙縣名注見秦二世二年廣陵郡名注見漢武帝元朔五年淮南徐州注見秦始皇二

庚辰

秦大饑

五年秦建元春秦復以苻重為鎮北大將軍守薊

質實

薊縣

名注見漢帝玄更始二年

書法

書復以何譏貳過也謀反而赦赦而復用故書譏之復以為之辭有四有改過之辭有貳過之

辭有不能令之辭有因人之辭苻重鎮北大將軍魏蕭寶寅西道大都督唐宇文融勸農使蜀張格同平章事唐嚴旭蓬州刺史晉馮暉朔方節度南唐馮延巳平章事皆譏貳過者也詳漢文帝十四年

發明

苻重既有反逆之罪赦而不誅已為過矣况又委之重任乎故特書復譏之

秦作教武堂

通鑑綱目卷二十一

晉孝武帝太元四年

四四

秦作教武堂於渭城命太孛生明陰陽兵法者教授諸將朱彤諫曰陛下四海之地什得其八宜稍偃武脩文乃更始立李舍教人戰鬪之術殆非所以馴致升平也且諸將百戰之餘何患不習於兵而更使受教於書生非所以彊其志氣也此無益於實而有損於名堅乃止

集覽

馴致馴音循以質實

漸而致曰馴致

一統志云渭城在西安府長安縣秦孝公所居之城即此

書法

書教武何譏躡武也故雖以諫止猶書之終綱目書作堂三漢靈帝萬金秦王堅教武唐武后

天堂皆譏也

發明

按分注堅作教武堂朱彤諫之而止今綱目書之則若未嘗止者堅兵強地廣務勝不休方且作堂教武求逞其欲雖有朱彤之諫然其志嚮已不可移特筆書之亦所以見其本志也夫豈過哉

夏四月秦幽州刺史苻洛及苻重舉兵反秦遣兵擊之斬

重擒洛赦之

考異

擊當作討斬當作誅

秦行唐公洛勇而多力能坐制奔牛射洞犂耳自以有滅代之功求開府儀同三司不得由是怨憤秦王堅以洛為益州牧洛謂官屬曰孤不得入為將相而又投之西裔於諸君意何如治中平規曰主上窮兵黷武民思息肩者十室而九宜聲言受詔盡幽州之兵南出常山陽平公必郊迎因而執之進據冀州總關東之衆以圖西上天下可指麾而定也洛從之四月帥衆七萬發和龍堅遣將軍竇衝呂光討之北海公重悉薊城之衆與洛會屯中山五月衝等與戰敗之擒洛送長安重走還薊光追斬之幽州悉平堅赦洛不誅徙西海郡司馬公曰夫有功不賞有罪不誅雖堯舜不能為治况他人乎秦王堅每得反者輒宥之使其臣弒於為逆行險徼幸雖力屈被擒猶不憂死亂何自而息哉

集覽

西裔猶言西夷也裔者言如衣之裔末

質實

常

郡名注見漢光武建

武九年和龍

注見帝奔太和四年

龍城中山郡名注見周威烈王二十三年西海郡名注

見元帝建武元年

書法

書反矣不書討何知有天討者不若是矣故書擊重嘗謀反赦之矣於是而復與洛反則赦之

不能使人自新可知也斬重當矣復赦洛焉謂
之何哉綱目書曰擒洛赦之譏出虎於柙中也

以謝安為衛將軍與桓冲並開府儀同三司

朝廷以秦兵之退為謝安桓冲之功故有是命

六月秦以苻融為中書監都督諸軍錄尚書事苻丕為冀

州牧苻暉為豫州牧

秦王堅以諸氏種類繁滋分三原九峻武都汧雍氏十
五萬戶使諸宗親領之散居方鎮如古諸侯以其子長
樂公丕鎮鄴平原公暉鎮洛陽石越梁讜毛興王騰等
皆為諸州刺史堅送丕至灞上丕所領氏三千戶別其
父兄皆勸哭趙整因侍宴援琴而歌曰阿得脂阿得脂
博勞舅父是仇綏尾長翼短不能飛遠徒種人留鮮卑
一旦緩急當語誰堅笑而不納

集覽

諸氏正義曰今成州武州等是風俗通云氏本西南夷種漢地志云武都有白馬氏魚豢魏畧云漢置武都郡排其種類分竄山谷或號青氏或號白氏三原今京兆府輝州有三

原縣按輝州古耀州也九峻山名在馮翊谷口其地常

陰故西京賦云九峻其泉涸陰沍寒峻本作麥祖紅反

武都注見漢獻帝建安一十四年汧雍汧注

見漢光武建武六年雍注見周顯王八年

三原占地名即漢之池陽縣地晉時苻秦置三原護軍

以其地在清鄠原孟侯原白鹿原間故名後魏改為三

原縣屬北地郡後周屬馮翊郡隋屬雍州唐初屬北泉

州後復屬雍州五代唐屬耀州宋金元俱仍舊本朝

因之改屬西安府九峻山名在西安府醴泉縣西北六

十二里高六百餘丈平原郡名注見漢光武建武五年

鄠縣名注見漢獻帝建武五年

帝建武五年

秋九月皇后王氏崩冬十一月葬定皇后

六年秦建元十七年春正月立佛精舍於殿內

巴字

帝初奉佛法立精舍於殿內引**集覽**精舍佛寺也釋迦
諸沙門居之左丞王雅諫不從譜云息心所棲曰
精舍精練行者之所居顏師古曰講讀之所亦曰精舍也

通鑑綱目卷之二十一

書法

佛自明帝時入中國漢永平八年未有書立佛舍者書立佛舍議尚夷教也於內殿益非所矣是故孝武之立精舍以於內殿書是年肅宗之置道場以於三殿書唐上元二年武宗之立望儒基以於禁中書唐會昌三年皆譏之譏也

發明

佛西域之神也不論有無姑就其本法言之清虛寂滅者也今內殿何地乃立精舍於中况又雜引沙門輩居之哉直筆書之其失自見

二月東夷西域六十二國朝貢于秦○夏六月朔日食○

冬十一月秦寇竟陵桓冲擊破之遂拔管城獲其將閻振

吳仲質寶

一統志云竟陵晉之郡名治竟陵縣梁又置沔陽郡後周兼置復州治建興縣隋初郡廢以州徙治竟陵尋復舊治大業初改為沔州及改建興曰沔陽尋改為沔陽郡唐初又改為復州治竟陵尋移治沔陽天寶初復改為竟陵郡乾元初復為復州仍治竟陵五代晉改為竟陵郡漢周俱復舊宋廢復州以景陵隸安州元祐

初復置端平中移治沔陽鎮即今治所元改為復州路又改為沔陽府領玉沙景陵二縣本朝初改為沔陽州併

管城

注見秦王政三年

○江東大饑

七年

秦建元

春三月秦司農符陽侍郎王皮尚書郎周虓

謀反事覺徙邊

秦東海公陽及王皮周虓謀反事覺收下廷尉秦王堅問其反狀陽曰臣父哀公死不以罪臣為父復仇耳堅泣曰哀公之死事不在朕皮曰臣父丞相有佐命之勲而臣不免貧賤欲圖富貴耳堅曰丞相臨終託卿以十具牛為治田之資未嘗為卿求官知子莫若父何其明也虓曰世荷晉恩生為晉臣死為晉鬼復何問乎先是虓屢謀反左右請殺之堅曰孟威烈士秉志如此豈憚死乎殺之適足成其名耳皆赦不誅徙陽高昌皮虓朔方之北以皮光永清修好學擢為幽州刺史

集覽

十具牛風俗通云北俗三牛為一具以荷一犁十具

三十質寶

孟威周虓表字高昌西夷國名注見齊明帝建武四年

午壬

通鑑綱目卷三十一

晉書武帝本紀二年

四二

書法

愧晉臣也降秦不書此何以書罪之也愧不受秦官義也故不書其降以全之至是為尚書郎則秦臣矣始復異謀是二心也於是反書之與符陽等同科守志不終者可以監矣

秦徙鄴銅駝馬飛廉翁仲于長安

質實

銅駝馬注見惠帝太安元年飛廉注

見漢武帝元封二年翁仲注見成帝咸康二年

書法

魏徙鍾簏素駝不書書鑄銅人此徙耳則其書何重勞民也魏嘗欲徙銅人矣重不可致然後更鑄魏不能徙而秦徙之其不郵民甚矣特書罪之

秦以苻融為征南大將軍

謀伐晉也

夏五月幽州蝗

考異

幽上漏秦字

蝗生廣袤千里秦王堅遣使發民撲除之

八月秦以裴元畧為巴西梓潼太守

質實

巴西郡名注見漢獻帝建安十

九年梓潼郡名注見獻帝建安十八年

考異

提要八月上有秋字

為伐晉故使宥具舟師也

九月秦遣將軍呂光將兵擊西域

車師鄯善入朝于秦請為御導以伐西域之不服者因如漢法置都護以統理之秦王堅以呂光為都督總兵十萬以伐西域陽平公融諫曰西域荒遠得其民不可使得其地不可食漢武征之得不補失臣竊惜之不聽

質實

車師西域國名注見漢武帝元鼎二年鄯善西域國名注見漢成

帝元壽二年

桓沖遣兵伐襄陽

桓沖遣將軍朱綽擊襄陽焚踐沔北屯田掠六百餘戶而還

質實

沔北即沔水之北注見漢獻帝建安

書法

國而書伐襄陽一城耳其書伐何不以襄陽予秦也於是秦陷襄陽四年矣

冬十月秦會群臣于太極殿

秦王堅會群臣于太極殿議曰今四方畧定唯東南一隅未露王化計吾士卒可得九十七萬欲自將討之何如左僕射權真曰昔紂為無道三仁在朝武王猶為之旋師今晉雖微弱未有大惡謝安桓沖皆江表偉人君臣輯睦未可圖也太子左衛率石越曰今歲鎮守斗福德在吳伐之必有天殃且彼據長江之險民為之用殆未可伐也堅曰天道幽遠未易可知以吾之衆投鞭於江足斷其流又何險之足恃乎於是群臣各言利害久之不決堅曰此所謂築室道旁無時可成吾當內斷於心耳群臣皆出獨留陽平公融問之對曰今伐晉有三難天道不順晉國無釁我數戰兵疲民有畏敵之心群臣言晉不可伐者皆忠臣也願陛下聽之堅作色曰汝亦如此吾復何望融泣曰晉未可滅昭然甚明且臣之所憂不止於此陛下寵育鮮卑羗羯布滿畿甸太子獨

與弱卒留守京師臣懼變生肘腋不可悔也臣之頑愚誠不足采王景畧一時英傑陛下常比之諸葛武侯獨不記其臨沒之言乎堅不聽於是朝臣進諫者衆堅曰以吾擊晉猶疾風之掃秋葉而內外皆言不可何也太子宏曰今歲在吳分又晉君無罪若大舉不捷恐威名外挫財力內竭耳堅曰昔吾滅燕亦犯歲而捷秦滅六國豈皆暴虐乎冠軍慕容垂獨言於堅曰陛下神武威加海外而蕞爾江南獨違王命豈可復留之以遺子孫哉詩云謀夫孔多是用不集陛下斷自聖心足矣晉武平吳所仗者張杜二三臣而已若從衆言豈有混壹之功乎堅大悅曰與吾共定天下者獨卿而已堅銳意欲取江東寢不能旦融復諫曰自古窮兵極武未有不亡者江東雖微弱然中華正統天意必不絕之堅曰帝王昏數豈有常邪惟德之所在耳堅素信重沙門道安群臣使乘間進言堅與遊東苑曰朕將與公南遊吳越長江臨滄海不亦樂乎安曰陛下應天御世居中土而制四維自足以比隆堯舜何必櫛風沐雨經畧遐方堅不聽所幸張夫人諫曰天地之生萬物聖王之治天下皆因其自然而順之故功無不成黃帝服牛乘馬因其性也禹濬九州障九澤因其勢也右稷播殖百穀因其

時也湯武率天下而攻桀紂因其心也今朝野皆言晉不可伐陛下獨決意行之妾不知何所因也自秋冬以來雞夜鳴犬哀嗥鹿馬多驚武庫兵器自動皆非出師之祥也堅曰軍旅之事非婦人所當預堅幼子誥最有寵亦諫曰國之興亡繫賢人之用捨今陽平公國之謀主而陛下違之晉有謝安桓沖而陛下伐之臣竊惑焉堅曰天下大集覽三仁太史公曰孔子稱微子去之箕事孺子安知集覽子為之奴比干諫而死殷有三仁馬何晏曰按謂仁者愛人三人行本異而乃同稱曰仁者何也以其俱在憂亂而寧民也夏侯玄曰微子仕之窮也箕子比干志之窮也故或盡材而止或盡心而留皆其極也致極斯君子之事矣是以三仁不同而歸其一揆也見宋世家左衛率注見惠帝元康九年歲鎮守斗福德在吳歲鎮二星名居其宿民守也斗二十八宿中一宿也斗之分野在江湖江湖吳地也漢天文志曰歲星所在之國不可伐可以伐人天官書曰鎮星中央土一名地侯歲鎮一宿二十八歲而周天其所居國吉索隱曰歲星所在其國有福故曰福德質實道旁無時可成注見漢章帝元和三年作舍道邊三年不成景畧王猛表字詩云謀夫孔多是用不集詳見詩

小雅小旻篇張杜謂張華杜預也曆數謂帝王相繼之次第猶歲時氣節之先後也沙門注見漢明帝永平八年櫛風沐雨注見周世宗顯德五年禹濬九川障九澤禹貢九川謂弱水黑水河水漢水江水沅水渭水洛水也九澤謂大陸雷夏孟潏滎澤大野彭蠡震澤雲夢荷澤也

秦大熟

秦嬴蘭討蝗不能滅有司請徵下廷尉秦王堅曰災降自天非人力所能除此由朕之失政爾何罪乎是歲大熟蝗不食麻豆

書法

此天所以驕秦而滅之也故特書之終綱目書大有年四有年二大熟一大稔四稔一詳漢明帝永平九年

發明

前書東夷西域六十二國朝貢于秦此書秦大覆亡之禍而不自知爾

通鑑綱目卷三十一 晉書卷六十七 五

八年秦建元夏五月桓冲帥師伐秦拔筑陽

桓冲帥衆十萬伐秦攻襄陽別將攻筑陽拔之秦遣慕容垂來救進臨沔水夜命軍士人持十炬繫于樹枝光

照數十里冲懼退還上明表其兄子石民領

襄陽太守戍夏口自求領江州刺史詔許之

順陽郡筑音竹又音逐按順陽漢

南鄉也南鄉注見穆帝永和十年

陽郡晉屬順陽郡梁改為義城縣隋改為穀城縣屬襄

州唐宋金元俱仍舊本朝因之改屬襄陽府沔水注

見漢獻帝建安十二年漢沔夏口地名注見漢獻帝建

安十三年上明城名注見太元二年江州注見漢武帝

元鼎五年豫章

秋八月秦王堅大舉入寇詔征討都督謝石冠軍將軍謝玄等帥師拒之

秦王堅下詔大舉民每十丁遣一兵其良家子年二十已下有材勇者皆拜羽林郎又曰其以司馬昌明為尚

書左僕射謝安為吏部尚書桓冲為侍中先為起第良

家子至者三萬餘騎拜趙盛之為少年都統是時朝臣

皆不致堅行獨慕容垂姚萇及良家子勸之陽平公融

諫曰垂萇我之仇雖良家少年皆富饒子弟不閑軍旅

何可聽也堅不聽八月遣融督張蚝慕容垂等步騎二

十五萬為前鋒以姚萇為龍驤將軍督益梁州諸軍謂

曰昔朕以龍驤建業未嘗輕以授人卿其勉之實衝曰

王者無戲言此不祥之徵也堅默然慕容紹言於垂曰

主上驕矜已甚叔父建中興之業在此行也堅遂發長

安戎卒六十餘萬騎二十七萬九月至項城涼州兵始

達咸陽蜀漢兵皆順流而下幽冀兵至于彭城東西萬

里水陸齊進運漕萬艘融等兵三十萬先至潁口詔以

謝石為征討大都督謝玄為前鋒都督與將軍謝琰桓

伊胡彬等督衆八萬拒之時都下震恐玄入關計於謝

安安夷然答曰已別有肯既而寂然遂命駕出遊山墅

親朋畢集與玄圍棊別墅安棊常劣於玄是目玄懼便

為敵手而又不勝安遂遊陟至夜乃還桓冲深以根本

為憂遣精騎三千入授安固却之曰朝廷處分已定兵

甲無闕宜留以防西藩冲歎曰安石有廟堂之量不閑

將畧今大敵垂至方遊談不暇遣諸不經事少年拒之

衆又寡弱天下事已
可知吾其左社矣
集覽以龍驤建業初符健之入關也夢天神遣使者朱衣赤冠

命拜堅為龍驤將軍健翌日授之卒建帝業驥音相墅承與反田廬遊陟陟登也遊山登高也

馬明孝武帝姓司馬字昌明王者無戲言晉世家云周成王五年王與弟叔虞削桐葉為珪戲曰吾以此封若

史佚請擇日王曰吾與之戲爾史佚曰天子無戲言則史書之禮成之樂歌之遂封叔虞於堯之故墟曰唐

矣項城縣名注見梁武帝太清二年咸陽縣名注見周顯王十九年頴口即頴水之口注見漢後主建興二年

謝石陽夏人萬之弟謝瑛同上縣人安之子桓伊譙國人左任注見漢靈帝中平二年

發明不曰秦大舉入寇而必曰秦王堅者此行秦人舉國皆不欲獨堅違衆決意南向是以綱目特書之以著堅之罪也

以琅邪王道子錄尚書六條事質實琅邪郡名注見漢光武建武九年

冬十一月謝石謝玄等大破秦兵于肥水殺其大將苻融

秦王堅走還長安

秦陽平公融等攻壽陽克之胡彬退保硤石融進攻之

梁成等屯于洛澗柵淮以遏東兵謝石謝玄等憚不敢

進彬糧盡潛遣使告石等曰今賊盛糧盡恐不復見大

軍秦人獲之送於融融馳使白秦王堅曰賊少易擒但

恐逃去宜速赴之堅乃留大軍於項城引輕騎八千兼

道就融遣朱序來說石等不如速降序私謂石等曰若

秦衆盡至誠難與為敵今乘諸軍未集宜速擊之若敗

其前鋒則彼已奪氣可遂破也十一月玄遣廣陵相劉

牢之帥精騎五千趣洛澗成阻澗為陳以待之牢之直

前渡水擊成大破斬之分兵斷其歸津秦步騎崩潰赴

淮死者萬五千人於是石等水陸繼進堅與融登壽陽

城望之見晉兵部陣嚴整又望見八公山上草木皆以

為晉兵顧謂融曰此亦勅敵何謂弱也撫然始有懼色

秦兵逼肥水而陳玄使謂融曰君懸軍深入而置陳逼

水此乃持久之計非欲速戰者也若移陳小却使我兵

得渡以決勝負不亦善乎秦諸將皆曰我衆彼寡不如

過之使不得上可以為全堅曰但使半渡我以鐵騎蹙

而殺之茂不勝矣融亦以為然遂麾兵使却秦兵遂退

而退

不可復止玄等引兵渡水擊之黜騎畧陳欲以帥退者
馬倒為晉兵所殺秦兵遂潰玄等乘勝追擊至于青岡
秦兵大敗自相蹈籍而死者蔽野塞川其走者聞風聲
鶴唳皆以為晉兵且至晝夜不敢息草行露宿重以飢
凍死者什七八初秦兵小却朱序在陳後呼曰秦兵敗
矣衆遂大奔序因與張天錫皆來奔獲堅所乘雲母車
及儀服器械不可勝計復取壽陽堅中流矢單騎走至
淮北飢甚民有進壺豚髀者堅賜之帛辭曰陛下厭
苦安樂自取危困臣為陛下為臣父安有子嗣
其父而求報乎弗顧而去堅謂張夫人曰吾今復何面
目治天下乎潛然流涕是時惟慕容垂所將三萬人獨
全堅以千餘騎赴之世子寶言於垂曰此時不可失願
不以意氣微恩亡社稷之重垂曰彼以赤心投我若之
何害之天苟棄之何患不亡不若保護其危以報德徐
俟其釁而圖之既不肯宿心且可以義取天下慕容德
曰此為報仇非負宿心也垂曰吾肯為太傅所不容置
身無所秦王以國士遇我後復為王猛所賣秦王獨能
明之此恩何可忘也若氏運必窮吾當懷集關東以復
先業耳悉以兵授堅謝安得驛書知秦兵已敗方與客
圍棋攝書置牀上了無喜色圍棋如故客問之徐答曰

小兒輩遂已破賊既羅還內過戶限不覺屣齒之折石
寺歸建康得秦樂工能習舊聲於是宗廟始備金石之
樂堅收集離散比至洛陽衆十餘萬慕容農謂垂曰尊
不迫人於險其義聲足以感動天地夫取果於未熟與
自落不過晚旬日之間然其難易美惡相去遠矣垂善
其言行至澠池言於堅曰北鄙聞王師不利輕相煽動
臣請奉詔書以鎮慰之堅許之權翼諫曰垂勇畧過人
世豪東夏譬如養鷹飢則附人每聞風颯之起常有凌
霄之志正宜謹其條籠豈可解縱任所欲哉堅曰卿言
是也然朕已許之匹夫猶不食言况萬乘乎若天命有
廢興固非智力所能移也翼曰陛下重小信而輕社稷
臣見其往而不返關東之亂自此始矣堅不聽翼密遣
杜士邀垂於河橋垂疑之自涼馬臺結草
築以渡堅至長安哭陽平公融而後入
安豐軍按寰宇記云兩岸相對淮水經中過山上立二
城以防津要故名硤石山八公山在安豐壽春縣北四
里苻堅伐晉望山上草木皆人形即此是已滁州來安
縣西南十三里八公山此乃淮南王安與八公懋石處
又無為軍巢縣西八公山此亦淮南王遇八公處
撫音武廣韻注失意貌三蒼云恠愕之辭也青岡在安

集覽

硤石山
名在今

豐軍去壽春三十里晉為太傅所不容大傳慕容評也
先嘗謀誅慕容垂故垂奔秦風氣軍進反說文扶搖風
也

質實

壽陽郡名注見齊主寶卷永元二年一統志云
山名在鳳陽府壽州西北二十五里山

岸相對淮水經其中禹所鑿舊蹟猶存山上嘗立二城
以防津要洛澗二水名洛水注見漢光武建武三年澗

水源出河南府澗池縣白石山東流經新安洛陽入於
洛周書所謂澗水東瀍水西即此二水劉牢之彭城人

八公山

在鳳陽府壽州西北二十五里八公山上草木皆

為旌旗狀秦師遂敗即此肥水注見齊主寶卷永元二

年肥口

青岡城名在鳳陽府壽州西二十五里晉謝玄

等禦秦軍時所築澗池縣名注見漢光武建武三年食

言注見

穆帝永和十一年河橋注見武帝泰始十年涼

馬臺未詳處所

書法

書大舉何秦恃衆也故下書大破秦兵書殺其

則恃天幸者可以鑒矣

發明

是時謝安為相政事和平石等才能稱職上下

輯睦固自有勝秦之理彼符堅恃其強大屢勝而驕

不知晉雖微弱無衆可乘輕舉妄動傾國南下固自

有敗亡之理故雖草木人形風鶴王師而綱目則書

石特大破秦兵不書秦兵自敗者將使後世以人事

為重而不以天幸為心此書法之深意也

書法

書不受何嘉能讓也入綱目除拜書不受多矣

受十九不拜一讓還一書固讓者一而已

發明

前書石特大破秦兵厥功懋矣今而進職固其

宜也然石特推而弗居出於由衷故特書固辭

○以王國寶為尚書郎

謝安塔王國寶坦之子也安惡其為人每抑而不用
由是怨安國寶從妹為會稽王道子妃帝與道子皆嗜
酒狎昵國寶乃諧安於道子使離間之安功名
既盛而險設求進之徒多毀短安帝稍疎忌之
郡名注見漢和帝永元
元年王國寶晉陽人

初開酒禁增民稅米口五石

書法

書初何謹始也綱目重取民故謹書之書增稅

年增稅錢雜稅書增二唐德
宗建中二年文宗太和九年

○秦呂光攻龜茲

呂光行越流沙馬耆等諸國皆降
惟龜茲王帛維固守光進攻之

質實

馬耆西域國名
注見新莽始建

國五年龜茲西域國名注見漢光武建武二
十二年流沙河名注見漢元帝初元三年

秦將軍乞伏國仁叛據隴右

國仁本隴西鮮卑居勇士川為秦前將軍從秦王堅入
寇叔父步類聞秦師敗率隴西叛之秦使國仁討之國
仁遂與步類合衆
集覽乞伏國仁隴西鮮卑人其上世
至十萬據隴右
統主號乞伏可汗傳子至喬統司繁為苻堅將王統所
襲部衆叛降於統司繁亦衛統降堅署為南單于留之
長安司繁卒
國仁代之
質實隴西郡名注見
秦王政三年

丁零翟斌起兵攻洛陽秦使慕容垂討之垂叛秦與斌合

慕容垂至安陽修好於長樂公丕丕身自迎之趙秋勸
垂於座取丕因據鄴起兵垂不從丕謀襲擊垂侍郎姜
讓諫曰垂反形未著而擅殺之非臣子之義不如待以
上賓嚴兵衛之密表情狀聽赦而後圖之丕從之館垂
於鄴西垂潛與燕故臣謀復燕祚會丁零翟斌叛秦謀
攻洛陽秦王堅驛書使垂討之石越言於丕曰垂有恢
復舊業之心今復資之以兵此為虎傅翼也丕曰垂在
此常恐為肘腋之變今遠之於外不猶愈乎乃以羸兵
弊鎧給之又遣苻飛龍帥氐騎一千為之副密戒飛龍
曰庶為三軍之帥卿為謀垂之將行矣免之垂請入鄴

城拜廟王弗許乃潛服而入亭吏禁之垂怒斬吏燒亭而去石越言於王曰垂反形已露可因此除之王曰淮南之敗垂侍衛乘輿此功不可忘也越退告人曰公父子好為小仁不顧大計終當為人擒耳垂留慕容農及指細於鄴行至安陽聞王與飛龍謀因激怒其衆曰吾盡忠於苻氏而彼專欲圖吾父子吾雖欲已得乎乃停河內募兵旬日間有衆八千夜襲飛龍兵盡殺之以書遺秦王堅言其故而慕容鳳等亦各帥部曲歸翟斌會秦豫州牧平原公暉遣毛當討斌鳳擊破斬之垂遂濟河焚橋有衆三萬遣人告農等使起兵農等遂以晦日將數十騎微服出鄴奔列人止於烏桓魯利家利為之置饌農笑而不食利謂其妻曰惡奴却貴人家貧無以饌之奈何妻曰即有雄才大志今無故而至此將有異非為飲食來也君亟出遠望以備非常利從之農謂利曰吾欲集兵列人以圖興復卿能從我乎利曰死生唯即是從農乃詣烏桓張驥說之驥再拜曰得舊主而奉之敢死

集覽

為虎傳翼傳讀曰附著也韓詩外傳母為不盡死魯利烏桓人也烏桓注見漢宣帝本始三年惡奴句絕魯利呼其妻名云即貴人即即稱即君指慕容

農也契丹志云北朝親正誤惡奴今按此乃戲罵實實近無職事者呼為即君其妻之辭非名也

安陽縣名注見惠帝永興元年丁零北狄種名注見漢武帝天漢元年河內郡名注見漢桓帝延熹九年平原郡名注見漢光武建武五年一統志云列人城名在廣

平府肥鄉縣東北二十里列人堤上梁惠成王伐邯鄲取列人即此漢為縣屬廣平國唐初

竇建德據廣平郡又嘗置營於此處

書法翟斌書起兵何羌也書討何羌也垂則曷為書

泓冲不書叛惟重則書叛綱目之修內外君臣之分而已矣

九年秦建元二十年燕世祖慕容垂元年後秦太祖姚萇白雀元年舊大國一新大國二凡三僭國

春正月慕容垂自稱燕王大破秦兵斬其將石越

申甲

正月朔長樂公丕大會賓客請慕容農不得始覺有變遣人四出求之乃知其任列人已起兵矣慕容鳳勸翟斌奉垂為盟主斌從之垂至洛陽平原公暉閉門拒之斌勸垂稱尊號垂曰新興侯吾主也當迎歸反正耳垂

通鑑綱目卷二十一 晉書卷一百一十九

以洛陽四面受敵欲取鄴而據之乃引兵東至滎陽群
下固請上尊號垂垂乃稱燕王立統府承制行事封德為
范陽王楷為太原王翟斌為河南王帥眾二十餘萬自
石門濟河長驅向鄴而農亦驅列人居民為卒斬桑榆
為兵裂襜裳為旗使趙狄說屠各及東夷烏桓各帥部
眾數千赴之攻破館陶收其軍資器械取康臺牧馬數
千匹於是步騎雲集眾至數萬推農為驃騎大將軍監
統諸將隨才部署上下肅然農以垂未至不敢行賞趙
秋曰軍無賞士不往今之來也皆欲建功規利宜承制
封拜以廣中興之基農從之於是赴者相繼農號令整
肅軍無私掠士女喜悅長樂公丕使石越討之農曰越
有智勇之名今不南拒大軍而來此是畏王而陵我也
必不設備可以計取之眾請治列人城農曰今起義兵
唯敵是求當以山河為城池何列人之足治也越至列
人西農參軍趙謙請急擊之農曰彼甲在外我甲在心
晝戰則士卒見其外貌而憚之不如待暮擊之可以必
克令戰士嚴備以待毋得妄動越立柵自固農笑曰越
兵精士眾不乘其物至之銳以擊我方更立柵吾知其
無能為也向暮農鼓譟出陳于城西牙門劉本帥壯士
四百騰翔而入農督大眾隨之大敗秦兵斬越與毛

當皆秦驍將相繼敗沒秦人騷動盜賊群起至鄴改
元服色朝儀皆如舊章農引兵會禹遂立世子寶為大
子封拜王公百餘人丕使姜讓請讓禹曰孤受主上
不世之恩故欲安全長樂公使赴京師然後修復舊業
永為鄰好若不以鄴城見歸當窮極兵勢恐單馬求生
亦不可得也讓厲色責之曰將軍不容於家國投命聖
朝燕之尺土將軍豈有分乎主上與將軍風殊類別一
見傾心親如宗戚寵踰勳舊一旦因王師少敗處有異
圖長樂公受分陝之任寧可拱手輸將軍以百城之地
乎將軍欲裂冠踐冕自可極其兵勢但惜將軍以七十
之年懸首白旗高世之忠更為逆鬼耳禹默然左右請
殺之禹曰彼各為其主耳何罪禮而歸之上秦王堅表
請送丕歸長安堅**集覽**新興侯故燕主慕容暉也秦封
怒復書切責之**集覽**新興侯時在長安屠各注見
漢桓帝延熹元年館陶魏郡館陶縣今屬濮州故城在
今縣西南七十里南鎮是也受分陝之任以慕容丕北
周公召公也注見惠帝太安元年周召之法懸
首白旗周武王以黃鉞斬紂頭懸太白之旗**質實**
志云新興東漢之郡名治曲陽縣晉初因之後改為晉
昌郡後魏置肆州隋復立新興郡尋廢郡置忻州取界

通鑑綱目卷之九十一 晉書卷之九十一

內忻水為名大業初州廢後復立新與郡唐初又改為忻州天寶初為定襄郡乾元初復為忻州金屬太原府元改為九原府尋復舊本朝以秀容縣省入改屬太原府更始二年涿郡太原郡名注見齊明帝建武三年河南郡名注見秦莊襄王元年三川石門堤名注見漢明帝永平十二年館陶漢之縣名屬魏郡三國魏屬陽平郡晉時石趙徙陽平郡治此後屬毛州隋廢毛州以縣屬武陽郡唐屬魏州宋金俱屬大明府元屬濮州本朝因之改屬東昌府長樂郡名注見秦二世二年信國都

遣將軍劉牢之伐秦拔譙城桓冲伐秦拔魏興上庸新城

實

譙城注見元帝建武元年魏興郡名注見漢後主建興八年西域上庸郡名注見周赧王十一年新城郡

名注見漢後主建安二十五年二月荆江都督豐城公桓冲卒

冲聞謝玄等有功自以失言慙恨成疾而卒謚曰宣穆朝議欲以玄為荆州刺史謝安自以父子名位大盛又

懼桓氏失職怨望乃以桓石民為荆州桓石虔為豫州桓伊為江州

豫章郡南昌縣地三國吳分置富城縣晉移治豐水西改名豐城縣隋初廢尋復置改曰廣豐屬洪州仁壽初復曰豐城後廢唐初復置五代梁時改為吳華唐復改曰豐城宋仍舊元陞為富州本朝復為豐城縣屬南

昌府

燕王垂圍鄴

燕王垂攻鄴拔其外郭長樂公丕退守中城垂築長圍守之關東六州郡縣多降於燕秦征東府官屬疑參軍

高泰有貳心泰懼與同郡吳韶逃歸渤海韶曰燕軍近在肥鄉宜從之泰曰吾以避禍耳去一君事一君吾所

不為也**集覽**肥鄉縣名屬洛州今廣平是**實**魏之縣名屬廣平郡

晉因之後魏省入臨漳縣隋復置屬磁州後屬洛州唐省清漳縣入焉宋金元俱仍舊本朝因之改屬廣平府渤海郡名注見漢

獻帝建安八年南皮

燕擊秦枋頭館陶取之

燕范陽王德擊秦枋頭取之東胡王晏據館陶為鄴中
聲援夷夏不從燕者亦尚衆燕王垂遣太原王楷與陳
留王紹擊之楷謂紹曰今大業始爾人心未洽唯宜綏
之以德不可震之以威乃屯于辟陽紹帥騎數百往說
王晏晏降於是民夷降者數十萬口楷留其老弱置守
宰以撫之發其丁壯十餘萬與晏請鄴垂大悅曰汝兄
弟才兼文武足
以繼先王矣
年辟陽縣名注
見漢文帝三年

集覽

枋頭注見成

實

鄴縣名注見漢
獻帝建安十五年

三月以謝安為太保。燕慕容泓起兵華陰慕容冲起兵

平陽秦遣苻融擊泓敗死夏四月融司馬姚萇起兵北地

自稱秦王考證

當分註是為後秦。謹按凡例曰凡諸國
號從其本稱或屢更易即從史家所稱而

於建國之始即
註云是為某國

泓為秦北地長史聞燕王垂攻鄴亡奔關東收集鮮卑
還屯華陰其衆遂盛自稱雍州牧秦王堅謂權翼曰不
用卿言使鮮卑至此關東之地吾不復爭將若泓何乃
使廣平公熙鎮蒲坂微鉅鹿公敷都督中外諸軍事配
兵五萬以竇衝為長史姚萇為司馬以討泓平陽太守
慕容冲亦起兵於平陽進攻蒲坂堅使竇衝討之泓聞
秦兵且至懼帥衆將奔關東敷麤猛輕敵欲馳兵邀之
姚萇諫曰鮮卑皆有思歸之志故起而為亂宜驅令出
關不可遏也夫執麤鼠之尾猶能反噬於人但可鳴鼓
隨之彼將奔敗不暇矣敷弗從與戰果敗見殺萇遣其
長史詣堅謝罪堅怒殺之萇懼奔渭北馬牧於是天水
尹緯尹詳南安龐演等糾煽羌豪五萬餘家推萇為盟
主萇自稱秦王進屯北
地羌胡降者十餘萬
集覽北地注見漢哀帝建平元
年華陰注見漢獻帝興平
二年蒲坂注見
周赧王十二年
實廣平縣名注見漢光武建武二十
國平陽郡名注見周威烈王二十三年
帝昇明元年天水郡名注見漢光武建武元年
名注見漢後
主建興六年

書法

垂書叛矣泓冲書起兵何燕餘也興滅繼絕綱目所予也故怒之然則垂非燕餘乎受命討羗

發明

符堅敗北群寇乘之如蚍毛而起然垂羗一體之厚非羗之比堅使垂討翟斌而垂反與斌合故書叛以正其罪若羗則佐敵敵不能用其諫輕敵敗死

秦苻定苻紹以信都高城降燕

質實

信都縣名注見秦二

城漢之縣名屬渤海郡本春秋時無隸邑魏晉因之隋置

淨水縣省入唐武德中於縣置東鹽州貞觀中州罷以縣屬滄州宋金元俱仍舊本朝因之改屬河間府

秦遣兵擊慕容冲破之冲奔華陰泓遂進逼長安

秦竇衝擊冲破之冲奔華陰泓眾至十餘萬遣使謂秦王堅曰吳王已定關東可速備大駕送家兄皇帝還鄴都與秦以虎牢為界堅大怒遣慕容暐責之曰卿之宗族可謂人面獸心不可以國土期也命暐以書招論泓冲及垂暐密遣使謂泓曰吾籠中之人必無還理且燕至之罪人也不足復顧汝勉建大業聽吾死問便即尊位泓於是進向長安

竟陵太守趙統伐襄陽克之

質實

竟陵郡名注見太元六年襄陽縣名注見漢獻

帝建安十二年 ○梁州刺史楊亮帥兵伐蜀屯巴郡

質實

梁州注見周報

王四年漢中蜀郡名注見武帝泰始八年巴郡注見周顯王七年

五月秦洛州刺史張

五虎據豐陽來降

質實

洛州注見元帝大興元年上洛一統志云豐陽漢之縣名屬商州魏

晉因之唐析置安業縣屬雍州乾元初改乾元縣屬京兆
尋又屬商州五代漢改乾祐縣宋仍舊元廢之
廢縣北二十二里始置
鎮安縣改屬西安府
○六月崇德太后褚氏崩○秦王
堅擊後秦敗之

後秦王養進屯北地秦華陰北地新平安定羌胡降之
者十餘萬秦王堅自帥步騎二萬以擊之後秦兵屢敗
軍中無井秦人塞安公谷堰水以困之有渴死者會天
大雨後秦營中水三尺營外寸餘而已後秦軍復振堅
歎曰天亦
祐賊乎
質實
新平郡名注見漢光武建武元年安公谷未
詳處

燕諸將殺慕容泓立冲為皇太弟
子必嫡禮也不幸君死無子而統不可絕或子幼未足承
統然後立弟亦禮之宜况古無皇太弟之名其始見於
西晉已非禮矣慕容垂因符堅之敗而復國慕容泓及弟
冲亦皆起兵諸將殺泓立冲為皇太弟焉有殺其兄而弟

為太弟者乎當是時冲能率眾聽命於垂共成燕業可也
何必自立西燕之號紛紜篡弑卒滅於垂是以非禮之名
未有能傳世者矣綱目據事直書以
監後世燕非正統例故當去皇號云

慕容泓謀臣高蓋等以泓德望不如冲且持法苛峻乃
殺泓立冲為皇太弟承制行事置百官後秦主苻萇遣其
子嵩為質於
質實
為質注見周顯王
冲以請和
質實
四十年質焉

燕將軍慕容麟拔常中山慕容冲大破秦兵遂據阿房
城

秦平原公暉帥洛陽陝城之衆七萬歸于長安秦王堅
聞冲去長安浸近乃引兵歸遣暉拒冲戰於鄭西冲大
破之遂據
質實
鄭西鄭縣之西注見太元十六年長安
阿房城
縣名注見漢惠帝五年阿房城注見秦

始皇三十
五年阿房

秋七月秦梓潼太守壘襲以涪城來降
質實
梓潼郡名注
見漢獻帝建

通鑑綱目卷三十一

安十八年涪城縣名注○**堊康獻皇后**○**燕殺丁零翟斌**

見漢光武建武十二年翟斌恃功驕縱邀求無厭又以鄴城久不下潛有貳心

太子寶請除之燕王垂曰河南之盟不可負也若其為

難罪由於斌今事未有形而殺之人必謂我忌其功能

吾方收攬豪傑以隆大業不可示人以狹失天下之望

籍彼有謀吾以智防之無能為也斌果

密與秦長樂公丕通謀事覺垂殺之質實

安十五年質實鄴城注見

年鄴

秦呂光大破龜茲入據其城

龜茲王帛純窘急重賂僧胡以求救僧胡王引諸國兵

七十餘萬以救之呂光與戰大破之帛純出走光入其

城城如長安市邑宮室甚盛光撫寧西城威恩其著遠

方諸國前世所不能服者皆來歸附光立帛純弟震為

龜茲王龜茲集覽僧胡僧

西域國

初燕王垂以鄴城猶固會僚佐議之右司馬封衡請引

漳水灌之從之垂行圍因飲於華林園秦人密出兵掩

之矢下如雨垂幾不得出冠軍將騎衝之垂僅而得

免至是鄴中芻糧俱盡削松木以飼馬垂曰符不必無

降理不如開丕西歸之路以謝秦王疇昔之恩乃解圍

趨新城遣慕容農狗清河平原徵督租賦農明立約束

均適有無軍令嚴整無所侵集覽冠軍隆冠軍

暴由是穀帛屬路軍資豐給將軍慕容隆質實漳

遣都督謝玄率師伐秦取河南

注見漢高帝十年華林園未詳處所新城縣名注見漢

武帝元光二年武州塞清河郡名注見漢安帝建元元

年并陵平原郡名注見漢光武建武五年

太保安奏請乘符氏傾敗開拓中原以玄為前鋒都督

帥桓石虔等伐秦玄至下邳秦徐州刺史趙遷棄彭城

走玄進據之使彭城內史劉牢之攻秦兖州刺史張

崇崇棄鄆城奔燕牢之據鄆城河南城皆來歸附集

覽

鄆城注見漢獻

帝興平元年質實河南地名注見宋

王昱元徽元年

發明

人臣專兵之事前已論之詳矣今此謝玄伐秦則書遣與前此謝石等拒秦則書詔者是時謝安為相命出朝廷是以書法如此使晉之征伐皆能若是又安有跋扈制朝之事哉噫

加太保安都督十五州諸軍事假黃鉞

質實

假黃鉞注見漢後主建興

六○慕容冲進逼長安

質實

長安縣名注見漢惠帝五年

○冬十月朔

日食○謝玄遣兵攻秦青州降之○燕慕容與文殺劉庫仁

庫仁欲救符丕發鴈門上谷代郡兵屯繁峙燕慕容與文之子文在庫仁所知三郡兵不樂遠征因作亂夜攻庫仁殺之竊其駿馬奔燕

庫仁弟頭眷代領部眾

質實

鴈門郡名注見秦王政三年上谷郡名注同上年代郡注同上年繁峙縣名注見懷帝永嘉四年

郡注同上年繁峙縣名注見懷帝永嘉四年

加謝玄都督七州軍事

秦長樂公丕進退路窮謀於僚佐司馬楊膺請自歸於晉丕未許會謝玄遣劉牢之等據碭磔郭滿據滑臺顏

肱劉襲軍河北藁克黎陽丕懼乃遣參軍焦逵致書於玄稱欲假途求糧西赴國難逵與參軍姜讓密告楊膺改書為表許以王師之至當致身南歸且議丕若不從則逼縛與之於是玄遣晉陵太守滕恬之渡河守黎陽朝廷以充青司豫既平加玄都督徐兗青司冀幽并州諸軍事

五勞反然二字俱在五交韻又碭本本作碭按大宋重修廣韻注碭口交反碭五交反碭城名今濟州是出音譜滑臺本春秋鄭之廩延邑後魏置東郡

又改滑州黎陽注見漢成帝綏和二年

晉之戌名屬濟北郡宋因之後周於此置肥城縣隋屬濟州唐初屬東秦州後屬兗州宋省入平陰縣金因之元復置肥城縣本朝因之改屬濟南府晉陵郡名注見隋煬帝大業十二年毗陵徐兗青司豫冀幽并八州名徐注見秦始皇二十八年彭城兗注見周安王五年青注見漢桓帝永康元年司注見秦莊襄王元年三川豫注見周赧王三十七年陳冀注見秦二世二年信都函注見唐高祖武德四年并注見齊明帝建武三年

後秦王長攻新平

後秦王長攻新平

後秦王長攻新平

後秦王長攻新平

後秦王長攻新平

後秦王長攻新平

後秦王長攻新平

後秦王長攻新平

後秦王長聞慕容冲攻長安會群僚議進止皆曰宜先
取長安建立根本然後經營四方長曰燕人因其眾思
歸以起兵若得志必不久留關中吾當移屯嶺北廣收
資實以待秦亡燕去然後拱手取之耳乃留長子與守
北地自將其眾攻新平初新平人殺其郡將秦王堅缺
其城角以耻之新平民望深以為病欲立忠義以雪之
及養至太守苟輔欲降郡人馮傑等諫曰昔田單以一
城存齊今秦猶連城過百柰何遽為叛臣乎輔喜曰此
吾志也但恐久而無救郡人橫被無辜諸君能爾吾豈
顧生哉於是憑城固守後秦為土山地道輔亦於內為
之或戰地將入城竟之而返輔伏兵邀擊幾獲之又殺
以誘養將入城竟之而返輔伏兵邀擊幾獲之又殺
萬餘人集覽以為病猶言耻也田單以一城存齊戰國
人即墨以距燕卒盡復齊地

十二月秦殺其新興侯慕容晞

鮮早在長安城中者猶千餘人慕容肅與慕容晞謀伏
兵殺堅事竟堅召暉肅曰吾相待何如而起此意肅曰

家國事重何論意氣堅乃并鮮甲無少長男女皆殺之
燕王垂幼子柔與太子寶之子盛乘間得出奔慕容冲

燕王垂復圍鄴謝玄遣劉牢之救之且饋之粟

書法

凡書救予義也此其書救何譏忘讎也故符丕
請師不書書救之且饋之粟且也者甚辭也

發明

春秋書救未有不善之者况明人困急則其善
尤不可加是故救鄭救許經所以予伯主安夏

之功而歸粟于蔡傳所以美諸侯周亟之義今晉人
救鄴饋之以粟網目特筆書之亦予之乎曰經有詞

同而義異者亦有因褒以見貶者又有言在此而意
在彼者要在觀其時察其事考其旨意之所在則得

之矣晉遷江表僅足以延不泯之祀夫何秦人屢寇
疆場陷梁益陷襄陽陷魏興持書屢書不一書而止

顧方大卒入寇必欲蕩平吳越而後已幸而天誘其
衷淮肥奏捷是晉君無國而有國晉臣無家而有家

也今符丕乃堅之子困於寇敵以計投我特恨不能
奮戈相待况從而援之乎夫救災恤鄰自古有之然

救災可也救讎則不可也輕自讎賊網日書此若曰既遣將救
晉人不知大義輕自讎賊網日書此若曰既遣將救

虜又且饋之以粟且之一詞所以示其不足於晉人之意也不然既以救為善而又以饋粟為賙窮之義則失綱目之旨矣

○秦梁州刺史潘猛棄漢中走質實

梁州注見周赧王四年漢中漢中郤名注

同上

資治通鑑綱目卷之二十一終

